

En¹nta³ xi³ t²a³ts²e⁴ Cristo jo³-s²in² Juan qui³squi³

Je² en¹ cho⁴ta⁴² coan³

1 C²ia⁴ nca³ to²ts²in³-le⁴ cjoa⁴ to⁴c²oa⁴ ti¹jna³ je² en¹. Je² en¹ ti¹jna³t²a³ Ni³na¹. Je² en¹ ña³qui³ Ni³na¹ ni¹. ²Je²-vi⁴ xi³ ti¹jna³t²a³ Ni³na¹ c²ia⁴ nca³ to²ts²in³-le⁴ cjoa⁴. ³Je² tsa³c²e¹nta³ nca³yi³je³ tso³jmi². Tsa² tsin² je², ni⁴to⁴jme³-jin² xi³ tjin¹ xi³ qui³s²e³nta³. ⁴Je² xi³ tjin¹-le⁴ cjoa⁴vi³jna³chon³. Je² cjoa⁴vi³jna³chon³ je² l¹i¹ xi³ si¹⁷i³sen³-le⁴ cho⁴ta⁴. ⁵Je² l¹i¹ si¹⁷i³sen³ jña³ nca³ njion²-na¹, to⁴nca³ je² cjoa⁴njon² li²coi³ coan³cho⁴ya³-le⁴ t²a³ts²e⁴ l¹i¹-ve⁴. ⁶Jnc³ cho⁴ta⁴x²in⁴ xi³ Ni³na¹ qui³si³ca³sen¹, je² xi³ Juan ⁷mi². ⁷Jo³-ni³ tsa² testigo ja³⁷ai³, nca³ c²oa⁴s²in² tsjoa¹ en¹ xi³ t²a³ts²e⁴ je² l¹i¹, jme¹-ni³ nca³ nca³ts²i³ coan⁴cjain¹-si¹ni³le⁴ xi³ to⁴t²a³ts²e⁴ Juan. ⁸A³li²je²-jin² xi³ je² l¹i¹. To⁴je² xi³ ja³⁷ai³ tsjoa¹ en¹ xi³ t²a³ts²e⁴ l¹i¹-ve⁴. ⁹Je²-ve⁴ je² l¹i¹ xi³ ña³qui³ cjoa⁴qui²xi⁴, xi³ ja³⁷ai³ i⁴ son³⁷nte³-vi⁴, xi³ si¹⁷i³sen³-le⁴ nca³ts²i³ cho⁴ta⁴. ¹⁰I⁴ son³⁷nte³-vi⁴ tsa³c²e²jna³, c²oa⁴ je² tsa³c²e¹nta³ son³⁷nte³. To⁴nca³ cho⁴ta⁴son³⁷nte³-vi⁴ li²coi³ tsa³ve³xcon³. ¹¹Ja³⁷ai³ jña³ ts²e⁴, to⁴nca³ je² cho⁴ta⁴-le⁴ li²coi³ tsa³ve³tjao². ¹²Nca³ts²i³ jo³ tjin¹ ma³-ni³ xi³ je² tsa³ve³tjao², qui³tsjoa³⁷nte²-le⁴ nca³ ¹nti¹-le⁴ Ni³na¹ coan³, je² nca³ts²i³

xi³ ma³cjain¹-le⁴ t²a³ts²e⁴ jan³⁷ain¹-le⁴, ¹³xi³ tsi² tsa² njin¹ qui³tsin³-ni³, ni⁴ t²a³ts²e⁴-jin² cjoa⁴tsjoa³-le⁴ yao³-na¹, ni⁴ t²a³ts²e⁴-jin² cjoa⁴tsjoa³-le⁴ x²in⁴, to⁴nca³ t²a³ts²e⁴ Ni³na¹ qui³tsin³-ni³. ¹⁴Je² en¹ cho⁴ta⁴² coan³. I⁴ tsa³c²e²jna³jin³-na¹. (Tsa³⁷ya³-ni¹⁴jin⁴ cjoa⁴je³ya³-le⁴ jo³-ni³ tsa² xi³ ts²e⁴ to⁴jnc³ ³nti¹-le⁴ N²ai³-na¹.) Cjai¹nca³ to⁴tjin¹-le⁴ cjoa⁴nta³ cao⁴ cjoa⁴qui²xi⁴. ¹⁵Je² Juan c²oa⁴s²in² qui³tsjoa³ en¹ xi³ t²a³ts²e⁴. N²ion¹ qui³nchja⁴, c²oi⁴qui³tso²: Je²-vi⁴ ntai⁴ xi³ c²oa⁴-na¹ qui³xin³-no³, je² xi³ cjoa⁴⁷ai¹tjen⁴nqui³-na³, je² nqui²sa⁴ ti¹tjon² tso²⁷va³ cao⁴ an³, nca⁴ je² nqui²sa⁴ ti¹tjon² ti¹jna³-na³. ¹⁶Ja⁴sa³tse³ ja⁴sa³tse³-sa³ cjoa⁴nta³ qui³tjoe¹-na¹ nca³ts²ia³² xi³ ts²e⁴ cjoa⁴nta³-le⁴ xi³ cjai¹nca³ n²ion¹ tse³ tjin¹-le⁴. ¹⁷To⁴t²a³ts²e⁴ Moisés qui³ts²ai² cjoa⁴te¹xo³ma³, to⁴nca³ cjoa⁴nta³ cao⁴ cjoa⁴qui²xi⁴ ja³⁷ai³ xi³ to⁴t²a³ts²e⁴ Jesucristo. ¹⁸Ni⁴to⁴ya³-jin² ni⁴c²ia³-jin² tsa³ve³ Ni³na¹. Je² to⁴jnc³ ²nti¹-le⁴ xi³ ti¹jna³t²a³ N²ai³-na¹, je² xi³ c²oa⁴s²in² qui³tso²ya³ t²a³ts²e⁴.

Je² en¹ xi³ qui³tsjoa³ Juan

(Mt. 3:11-12; Mr. 1:7-8; Lc. 3:15-17)

¹⁹Je²-vi⁴ en¹ xi³ qui³tsjoa³
Juan, c²ia⁴ nca³ cho⁴ta⁴ judíos

qui³si³ca³sen¹ xa¹ je² na⁴⁷mi³ cao⁴
 cho⁴ta⁴ levitas ts²e⁴ Jerusalén,
 jme¹-ni³ nca³ sco¹na³nqui³-
 si¹ni³le⁴ Juan: Ji³, [?]ya¹-ni³.
 20 Juan qui³si³qui²xi⁴ya³nta³, li²coi³
 tsa³c⁷e¹⁷ma³, to⁴nca³ c⁷oa⁴qui³tso²:
 A³li² an³-jian²³ Cristo. 21 C⁷ia⁴
 qui³sco²na³nqui³-le⁴: [?]ya¹-ni³⁷ni³. A³
 ji³ ni¹³ Elías. Qui³nchja⁴ Juan: A³li²
 an³-jian²³. A³ ji³ ni¹³ xi³ no²cjoa⁴yai³
 t²a³ts²e⁴ Ni³na¹. Ma³jain², qui³tso².
 22 C⁷oa⁴qui³tso²-le⁴: [?]ya¹-cjoan²ni³
 ji³, nca³ c⁷oa⁴c⁷oin¹-ni³lai⁴jin⁴ je²
 xi³ qui³si³ca³sen¹-na³jin⁴. Jo¹ si³
 xi³ ti⁴t²a³tsi⁴-ni³. 23 Juan qui³tso²:
 An³ nia¹³ xi³ n⁷ion¹ nchja²³ ya⁴
[?]nte³t²a³xin²t²a³. Tja³qui²xio⁴³ ntia⁴².
 le⁴ Nai³-na¹, jo³ qui³tso² Isaías
 xi³ qui³nchja⁴ya³ t²a³ts²e⁴ Ni³na¹.
 24 Je² cho⁴ta⁴ xi³ qui³ni²ca³sen¹t²a³-
 le⁴ Juan ts²e⁴ cho⁴ta⁴ fariseos.
 25 C⁷oa⁴s⁷in² qui³sco²na³nqui³-
 le⁴ Juan: A¹-ni³ nca³ ma³-ni³li²
 va³te²nta¹, tsa² tsi² tsa² ji³ ni¹³
 Cristo, ni⁴ Elías-jin², ni⁴je²-jin²
 cho⁴ta⁴ xi³ nchja⁴ya³ t²a³ts²e⁴
 Ni³na¹. 26 C⁷ia⁴ Juan qui³tso²-le⁴:
 An³ va³te³nta¹³-nia³ na³nta¹, to⁴nca³
 ti¹jna³jin³-no³ jnc³ xi³ tsi² tsa²
 coi³ [?]ya³xcon³. 27 Je²-vi⁴ ntai⁴ xi³
 cjoa⁴⁷ai¹tjen⁴nqui³-na³. Je² nqui²sa⁴
 ti¹tjon² tso²⁷va³ cao⁴ an³, sa³⁷nta³
 li²coi³ va³quin²-na³ nca³ sco³jnta¹³
 čhjoa⁴xin¹-le⁴ jte¹-le⁴. 28 Je² cjoa⁴
 xi³ coan³-vi⁴ ya⁴ c⁷oa⁴ coan³ ya⁴
 Betábara ya⁴ xi³ncoa³-ni³le⁴ je²
 nta¹je⁴ Jordán, jña³ nca³ Juan
 tsa³ca³te¹nta¹. 29 Xi³ coan³ nchaon³-
 Juan tsa³ve³ Jesús xi³ ti¹nčhoa¹con³-
 le⁴, c⁷oi⁴qui³tso²: Coe⁴-ni³ [?]nti¹
 va³rre²-le⁴ Ni³na¹, xi³ fa³⁷a¹xin² je¹-
 le⁴ cho⁴ta⁴son³⁷nte³. 30 Je²-vi⁴ ntai⁴
 xi³ qui³xin³-no³: Cjoa⁴⁷ai¹tjen⁴nqui³-

na³ jnc³ cho⁴ta⁴x⁷in⁴. Je² nqui²sa⁴
 ti¹tjon² tso²⁷va³ cao⁴ an³, nca⁴ je²
 nqui²sa⁴ ti¹tjon² ti¹jna³-na³. 31 An³
 li²coi³ tsa³⁷ve³xcoan³, to⁴nca³ ja²⁷ai⁴
 ca³te³nta¹³-nia³ na³nta¹, jme¹-ni³
 nca³ cho⁴ta⁴ Israel scoe⁴-si¹ni³ nca³
 je². 32 Juan c⁷oa⁴s⁷in² qui³tsjoa³
 en¹ c⁷oi⁴qui³tso²: Tsa³⁷ve³ je²
 Espíritu Santo nca³ ji³tjo³jen³-ni³
 nc⁷a³jmi³, jo³-ni³ tsa² jnc³ ni⁴se³
 paloma, qui³sa³sen³jna²son²-le⁴
 Jesús. 33 An³ li²coi³ tsa³⁷ve³xcoan³,
 to⁴nca³ je² xi³ qui³si³ca³sen¹-na³
 nca³ na³nta¹ coa³te³nta¹³-nia³,
 je²-ve⁴ xi³ c⁷oi⁴qui³tso²-na³: To⁴⁷ya³-
 ni³ xi³ jchai⁴, xi³ je² Espíritu
 Santo cjoa⁴⁷ai¹jen³tain³-le⁴, xi³ ya⁴
 sa⁴sen¹jna³son²-le⁴, je²-vi⁴ ntai⁴ xi³
 va³te¹nta¹-ni³ Espíritu Santo. 34 An³
 tsa³⁷ve³, qui³tsjoa³ en¹-na⁴ nca³ je²-
 vi⁴ xi³ [?]nti¹-le⁴ Ni³na¹.

Je² xi³ ti¹tjon² coan³ cho⁴ta⁴-le⁴ Jesús

35 Xi³ coan³ nchaon³ ti⁴ya⁴ ti¹jna³-
 nca¹ni³ Juan cao⁴ jao² cho⁴ta⁴-le⁴.
 36 Ti¹co³tsen³-le⁴ Jesús xi³ ya⁴
 tso²⁷va³, c⁷oi⁴qui³tso²: Coe⁴-ni³ [?]nti¹
 va³rre²-le⁴ Ni³na¹. 37 Je² nca³ jao²
 cho⁴ta⁴-le⁴ qui³nč⁷oe¹-le⁴ nca³
 qui³nchja⁴, c⁷ia⁴ qui³tjen⁴nqui³-le⁴
 Jesús. 38 C⁷ia⁴ qui³si³c⁷o¹fa³ Jesús,
 tsa³ve³ nca³ tjio¹fi²tjen⁴nqui³-
 le⁴, c⁷oa⁴qui³tso²-le⁴: Jme¹ xi³
 vi³jnchi³sja³. C⁷ia⁴ qui³nchja⁴ nca³
 jao²: Rabí (je² en¹-vi⁴ Maestro
 tso²-ni³), jña¹-ni³ ti³jnai³. 39 Jesús
 qui³tso²-le⁴: Nčhoao¹³ cho¹tsaon³.
 C⁷ia⁴ ji³nčhoa³, tsa³ve³ jña³ ti¹jna³.
 Ya⁴ tsa³ca³tio²cao⁴ c⁷ia⁴ ni⁴čhjin³-
 ve⁴, nca³ je² hora jo³-ni³ tsa² las
 cuatro nca³ ma³xon². 40 Je² Andrés,
 nts²e⁴ Simón Pedro, jnc³ nca³ jao²-
 ve⁴ xi³ qui³nč⁷oe¹-le⁴ Juan, c⁷oa⁴

qui³tjen⁴nqui³-le⁴ Jesús. ⁴¹Je²-vi⁴ ti¹tjon² coan³sjai³-le⁴ ti⁴ts⁷e⁴-ni³ nts⁷e⁴ xi³ Simón ⁷mi², c⁷oa⁴qui³tso²-le⁴: Je³coan³sjai³-na³jin⁴ je² Mesías (Cristo tso²-ni³ je² en¹-vi⁴) . ⁴²C⁷ia⁴ ja³ai³cao⁴-le⁴ Jesús. C⁷ia⁴ nca³ Jesús ti¹co³tse³-le⁴ qui³tso²: Ji³ ni¹³ Simón, ⁷nti¹-le⁴ Jonás. Ji³ Cefas c⁷oin¹-li² (je² en¹-vi⁴ la⁴jao⁴ tso²-ni³) .

Jesús nchja⁴-le⁴ Felipe cao⁴ Natanael

⁴³Xi³ coan³ nchaon³ Jesús me³-le⁴ nca³ coai⁴ ya⁴ Galilea. Qui³sa³te³jin³ Felipe, c⁷oa⁴qui³tso²-le⁴: T⁷in³tjen⁴nqui³-nai¹³. ⁴⁴Felipe, ya⁴ Betsaida ts⁷e⁴, je² na⁴xi⁴na³nta¹-le⁴ Andrés cao⁴ Pedro. ⁴⁵Felipe qui³sa³te³jin³ Natanael, c⁷oa⁴qui³tso²-le⁴: Je³coan³sjai³-na³jin⁴ Jesús, ⁷nti¹-le⁴ José, xi³ ya⁴ Nazaret ts⁷e⁴, jo³ tso² cjoa⁴te¹xo³ma³ xi³ tsa³ca¹jna³ Moisés cao⁴ cho⁴ta⁴ xi³ qui³nchja⁴ya³ t⁷a³ts⁷e⁴ Ni³na¹. ⁴⁶Natanael qui³tso²-le⁴: A³ tjin¹ xi³ nta³ xi³ Nazaret fa³⁷ai³-ni³. Felipe qui³tso²-le⁴: N⁷choai¹³ cho¹tsain³. ⁴⁷C⁷ia⁴ nca³ Jesús tsa³ve³ Natanael xi³ ti¹n⁷choa¹con³-le⁴, qui³tso² xi³ t⁷a³ts⁷e⁴: Ne³ jnc³ xi³ cjoa⁴qui²xi⁴ cho⁴ta⁴ israelita, xi³ tsin²-le⁴ cjoa⁴ch⁷a²na⁴cha⁴-jin². ⁴⁸Natanael qui³tso²-le⁴: J⁷na¹-ni³ tsa³⁷ya³-ni³nai¹³. Jesús qui³nchja⁴-nca¹ni³: To⁴nqui³-ni³ nca³ cje³ nchja⁴-jin²li² Felipe, c⁷ia⁴ nca³ ya⁴ ti³jna³nqui³ ya¹ higo tsa³⁷ve³-le²³. ⁴⁹Natanael qui³tso²-le⁴: Rabí, ji³ ni¹³ ⁷nti¹-le⁴ Ni³na¹, ji³ ni¹³ cho⁴ta⁴ti¹tjon²-le⁴ cho⁴ta⁴ Israel. ⁵⁰Jesús c⁷oa⁴qui³tso²-le⁴: A³ coi³ nca³ ma³cjin¹-li² nca³ c⁷oa⁴ca²xin³-le²³ nca³ tsa³⁷ve³-le²³ nca³ ti³jna³nqui³ ya¹ higo. Jcha⁴-sai³ cjoa⁴ xi³ nqui²sa⁴

xcon¹ tjin¹. ⁵¹Qui³tso²-le⁴: Ña³qui³ cjoa⁴qui²xi⁴ ña³qui³ cjoa⁴qui²xi⁴ xi³ xin³-no³: Ni⁴chjin³ xi³ fi²-sa³ni³ jcha⁴-nio¹³ nc⁷a³jmi³ nca³ ti⁴x⁷a⁴ cao⁴ je² a²nce⁴ xi³ ts⁷e⁴ Ni³na¹, xi³ fi²mi³, xi³ vi³tjo³jen³t⁷ain³-le⁴ je² ⁷nti¹-le⁴ cho⁴ta⁴, je² Jesús.

Cjoa⁴vi³xan³ xi³ qui³s²e³ ya⁴ Caná

2 Xi³ coan³jan²-ni³ ni⁴chjin³ qui³s²e³ jnc³ cjoa⁴vi³xan³ ya⁴ Caná xi³ ts⁷e⁴ Galilea. Ya⁴ ti¹jna³ na⁴-le⁴ Jesús. ²C⁷oa⁴-ti⁴ qui³no²cjoa⁴-le⁴ Jesús cao⁴ cho⁴ta⁴-le⁴ j⁷na³ chi³xan² cho⁴ta⁴. ³C⁷ia⁴ nca³ je³t⁷a³ vino, na⁴-le⁴ Jesús c⁷oi⁴qui³tso²-le⁴: Tsin²-le⁴ vino-jin². ⁴C⁷ia⁴ Jesús qui³tso²-le⁴: Jme¹ xi³ tjin¹-na¹ cao⁴ ji³, chjon⁴². Cje³ fi³cho¹-jin² hora-na⁴. ⁵Na⁴-le⁴ c⁷oi⁴qui³tso²-le⁴ cho⁴⁷nta³: C⁷oa⁴t⁷iaon⁴³ ni⁴tjo³son²-lao⁴³ nca³yi³je³ xi³ je² coi⁴tso⁴-no³. ⁶Ya⁴ tjo¹ jaon³ ti⁴² tsian³ xi³ la⁴jao⁴, xi³ na³nta¹ s⁷e³ya³, jo³s⁷in² si¹tsje³-ni³ cho⁴ta⁴ judíos. Jao² jan²-la⁴ ni³sa³na³nta¹ jcho¹ya³ ti⁴²-ve⁴ nca³ jnc¹jnc¹. ⁷Jesús c⁷oi⁴qui³tso²-le⁴: Ti⁴nchao³ na³nta¹ ti⁴²-ve⁴. C⁷ia⁴ qui³si³tse³ntjai². ⁸C⁷oi⁴qui³tso²-le⁴: Ch⁷a⁴sjao³ na³nta¹-ve⁴, ta⁴nquin¹cao⁴-lao⁴³ ma³xtoan². Qui³cao⁴-le⁴. ⁹Ma³xtoan²-ve⁴ qui³sco²t⁷a³ je² na³nta¹ xi³ qui³ts⁷on¹ya³ vino. Li²coi³ tsa³ve³ j⁷na³ ja³⁷ai³-ni³ (to⁴nca³ je² cho⁴⁷nta³ xi³ tsa³c⁷a³je³ na³nta¹ tsa³ve³). C⁷ia⁴ ma³xtoan²-ve⁴ qui³nchja⁴-le⁴ je² x⁷in⁴ xi³ ti¹vi³xan³. ¹⁰C⁷oi⁴qui³tso²-le⁴: Nca³ts⁷i³ cho⁴ta⁴ ti¹tjon² tsjoa¹ vino xi³ nqui²sa⁴ nta³. C⁷ia⁴ nca³ je³qui³tse³, c⁷ia⁴ tsjoa¹ xi³ li²coi³ to⁴jo³ nta³. To⁴nca³ ji³ to⁴tsa³c⁷e²jna³tjao²-ni¹ je² vino xi³ nqui²sa⁴ nta³ sa³⁷nta³ nt⁷ai⁴. ¹¹Je²-

vi⁴ choa⁴ xi³ tsa³c²e²jna³ ti¹tjon²-le⁴
 nca³yi³je³ choa⁴ xi³ Jesús qui³tsjoa³
 ya⁴ Caná xi³ ts⁴e⁴ Galilea. C²oa⁴s²in²
 tsa³ca³co¹son²tsen³ cjoa⁴je³ya³-le⁴.
 C²ia⁴ coan³cjain¹-le⁴ cho⁴ta⁴-le⁴ xi³
 t²a³ts²e⁴. ¹²C²ia⁴ nca³ je³coan³ je²-vi⁴,
 qui³jen³ ya⁴ Capernaum Jesús, cao⁴
 na⁴-le⁴, cao⁴ nts²e⁴, cao⁴ cho⁴ta⁴-le⁴.
 To⁴jnc³o³jao² ni⁴chjin³ tsa³ca³tio² nca³
 ya⁴.

Jesús si¹tsje³ yo⁴nc⁴

(Mt. 21:12-13; Mr. 11:15-16; Lc. 19:45-46)

¹³Je³cji³ma³chian³-le⁴ s²oi¹ pa²xco⁴
 xi³ ts²e⁴ cho⁴ta⁴ judíos. Qui³mi³
 Jesús ya⁴ Jerusalén. ¹⁴Ya⁴ya³
 yo⁴nc⁴ qui³sa³te³j³in³ cho⁴ta⁴ xi³
 tjio¹va³te¹na³ ncha⁴ja⁴ cao⁴ va³rre²,
 cao⁴ ni⁴se³ paloma. C²oa⁴-ti⁴ ya⁴ tjio¹
 je² xi³ si¹c²a³ntjai² taon⁴. ¹⁵Jesús
 qui³si³nta³ jnc³ n²o¹, tsa³c²aon³sje³
 nca³ts²i³ yo⁴nc⁴ cao⁴ va³rre²-ve⁴
 cao⁴ ncha⁴ja⁴-ve⁴. Tsa³c²e¹tsao³va³
 taon⁴-le⁴ xi³ taon⁴ si¹c²a³ntjai².
 Ña³qui³ qui³si³ncha³nca³jten³
 ya¹mi²xa⁴-le⁴. ¹⁶C²oa⁴qui³tso²-le⁴
 je² xi³ tjio¹va³te¹na³ ni⁴se³ paloma:
 Cha⁴a²xion²³ je²-vi⁴. A³li² nti⁴tsin⁴-
 jin² n²iaon²³ nt²ia³-le⁴ N²ai³-na⁴.
¹⁷C²ia⁴ ja³ai³tsjen³-le⁴ cho⁴ta⁴-le⁴
 nca³ tj¹t²a³ xon⁴: N²ion¹ sin³-na³
 nt²ia³-li⁴ sa³nta³ coan³xc²en¹j³in³-
 nia¹³. ¹⁸C²ia⁴ cho⁴ta⁴ judíos
 c²oi⁴qui³tso²-le⁴: Jme¹ choa⁴ xi³
 v²ai²³ nca³ c²oi⁴n²iain²³. ¹⁹C²ia⁴
 Jesús qui³tso²-le⁴: Ti⁴qui³xo¹yao³
 je² yo⁴nc⁴-vi⁴, to⁴jan² ni⁴chjin³
 c²oe³nta³-nia³. ²⁰C²ia⁴ qui³tso²
 cho⁴ta⁴ judíos: Ña³chan²jaon³ no¹
 qui³s²e³nta³-ni³ je² yo⁴nc⁴-vi⁴. C²oa⁴
 ji³-ni³, a³ to⁴jan² ni⁴chjin³ c²oe¹nta³-
 ni³. ²¹To⁴nca³ je² yo⁴nc⁴ xi³ je²
 yao³-le⁴ qui³tso²-le⁴ Jesús. ²²C²ia⁴

nca³ Jesús ja³a³ya²j³in³-ni³le⁴ c²en³,
 je² cho⁴ta⁴-le⁴ c²oa⁴s²in² ja³ai³tsjen³-
 le⁴ nca³ c²oa⁴qui³tso²-le⁴. C²ia⁴
 coan³cjain¹-le⁴ je² xon⁴ Escritura
 cao⁴ je² en¹ xi³ Jesús qui³nchja⁴.

Jesús ve³ nca³ts²i³

²³Ya⁴ ti¹jna³ ya⁴ Jerusalén c²ia⁴
 nca³ qui³s²e³jna³ s²oi¹ pa²xco⁴.
 Cjain¹nca³ ncjin² xi³ coan³cjain¹-
 le⁴ t²a³ts²e⁴ jan³ain¹-le⁴, nca³
 tsa³ve³ jña³-le⁴ choa⁴ xi³ qui³tsjoa³.
²⁴To⁴nca³ Jesús li²coi³ tj¹in¹jnc³-
 le⁴con³ nca³ts²i³, nca³ Jesús
 je³ve³ nca³ts²i³. ²⁵Li²ya³ xi³ Jesús
 coan³chjen¹-le⁴ xi³ c²oa⁴coi⁴tso⁴-le⁴
 jo³ cjoan³ cho⁴ta⁴. Je² ve³ jo³ cjoan³
 cho⁴ta⁴.

Jesús fa¹cao⁴ Nicodemo

3 Tjin¹ jnc³ cho⁴ta⁴ fariseo xi³
 Nicodemo ²mi², cho⁴ta⁴ti¹tjon²-
 le⁴ judíos. ²Je²-vi⁴ ja³ai³nch²oe²
 Jesús nca³ njion², c²oi⁴qui³tso²-le⁴:
 Rabí, ²ya³-ni¹⁴j⁴in⁴ nca³ j³ ja²ai⁴ jo³-
 ni³ jnc³ Maestro. Qui³si³ca³sen¹-li²
 Ni³na¹. Ni⁴ya³-j³in² xi³ tsjoa¹ choa⁴
 xi³ v²ai²³ nca³ j³, tsa² Ni³na¹ li²coi³
 ti¹jna³cao⁴. ³C²ia⁴ Jesús c²oi⁴qui³tso²:
 Ña³qui³ cjoa⁴qui²xi⁴ ña³qui³
 cjoa⁴qui²xi⁴ xi³ xin³-le²³, je² xi³ tsi²
 jtsin¹ nqui²jnc³ c²a², li²coi³ coan⁴
 scoe⁴ cjoa⁴te¹xo³ma³-le⁴ Ni³na¹.
⁴C²ia⁴ qui³tso² Nicodemo: Jo¹ coan⁴-
 ni³ nca³ jtsin¹ cho⁴ta⁴ xi³ je³coan³
 jchi¹nca³. A³ coan⁴² cjoa⁴a³s²en³
 nqui²ntia³ ts²oa⁴ na⁴-le⁴, c²oa⁴ jtsin¹-
²ni³. ⁵Jesús qui³nchja⁴: Ña³qui³
 cjoa⁴qui²xi⁴ ña³qui³ cjoa⁴qui²xi⁴ xi³
 xin³-le²³, je² xi³ tsi² qui³tsin³ t²a³ts²e⁴
 na³nta¹ c²oa⁴ t²a³ts²e⁴ Espíritu
 Santo, li²coi³ coan⁴ cjoa⁴a³s²en³
 cjoa⁴te¹xo³ma³-le⁴ Ni³na¹. ⁶Je² xi³

t'a³ts'e⁴ yao³ tsin³-ni³, yao³ ni¹. Je² xi³ t'a³ts'e⁴ Espíritu Santo tsin³-ni³, espíritu ni¹. ⁷A³li² ma³xcon¹-jin²li² jo³ ca²xin³-le²³: Ma³chjen¹ nca³ nqui²jnc³ c'a² jtsion¹³. ⁸Je² ntjao⁴ to⁴jña³-ni³ve⁴ cjo³na³jon³-ni¹, c'o⁴a⁴ no²ya²-ni³lai⁴ nca³ fa³ne³, to⁴nca³ li²coi³ ⁷yai³ jña³ nca³ nchoa¹-ni³, ni⁴ jña³ fi². C'o⁴a⁴s'in² ma³ nca³ts'i³ xi³ t'a³ts'e⁴ Espíritu Santo qui³tsin³-ni³. ⁹Nicodemo c'o⁴qui³tso²-le⁴: Jo¹ ma³-ni³ nca³ c'o⁴a⁴ ma³-ni³. ¹⁰Jesús c'o⁴qui³tso²-le⁴: A³ tsi² tsa² ji³ maestro-le⁴ cho⁴ta⁴ Israel, c'o⁴a⁴ li²coi³ ⁷yai³?ni³ je²-vi⁴. ¹¹Ñ³qui³ cjoa⁴qui²xi⁴ ñ³qui³ cjoa⁴qui²xi⁴ xi³ xin³-le²³, je² xi³ ⁷yai³?jin⁴ no²cjoa⁴-ni¹⁴jin⁴, c'o⁴a⁴ je² xi³ qui³cho²tsen³-lai⁴jin⁴ coi³ xi³ v⁷ai²⁴-jin⁴ en¹-na⁴jin⁴. C'o⁴a⁴ jon² li²coi³ chjoao¹³ en¹-na⁴jin⁴. ¹²Tsa² je²c'o⁴qui³xin³-no³ jña³-le⁴ xi³ chon³ son³⁷nte³, c'o⁴a⁴ li²coi³ ma³cjain¹-no³, jo¹s'in² coan⁴cjain¹-no³ tsa² c'o⁴a⁴xin¹-no³ jña³-le⁴ xi³ chon³ nc'a³jmi³. ¹³Ni⁴⁷ya³-jin² xi³ qui³mi³ nc'a³jmi³, to⁴je² xi³ ya⁴ ja³⁷ai³jen³-ni³, je² ⁷nti¹-le⁴ cho⁴ta⁴ xi³ ti¹jna³ nc'a³jmi³. ¹⁴Jo³ qui³s'in³ Moisés nca³ qui³sco²mi³tjen⁴ je² ye⁴ ya⁴ ⁷nte³t'a³xin²t'a³, c'o⁴a⁴s'in² ma³chjen¹ nca³ je² ⁷nti¹-le⁴ cho⁴ta⁴ tjo¹mi³tjen⁴-ni³, ¹⁵jme¹-ni³ nca³ nca³ts'i³-si¹ni³ xi³ ma³cjain¹-le⁴ t'a³ts'e⁴ Jesús, li²coi³ cha⁴, to⁴nca³ tjin¹-le⁴ cjoa⁴vi³jna³chon³ nca³ntsjai².

Ni³na¹ c'o⁴a⁴s'in²

coan³tsjao³que³ son³⁷nte³

¹⁶Nca⁴ Ni³na¹ c'o⁴a⁴s'in² coan³tsjca³que³ son³⁷nte³ nca³ qui³tsjao³ je² xi³ to⁴jnc³ ⁷nti¹-le⁴, jme¹-ni³ nca³ nca³ts'i³-si¹ni³ xi³

ma³cjain¹-le⁴ t'a³ts'e⁴, li²coi³ cha⁴, to⁴nca³ tjin¹-le⁴ cjoa⁴vi³jna³chon³ nca³ntsjai². ¹⁷Nca⁴ Ni³na¹ li²coi³ xa¹ qui³si³ca³sen¹-ni³ ⁷nti¹-le⁴ nca³ c'o⁴aon²-le⁴ cjoa⁴ñ⁷ain³ cho⁴ta⁴son³⁷nte³, to⁴coi⁴² nca³ c'o⁴a⁴sje³ntjai² cho⁴ta⁴son³⁷nte³. ¹⁸Je² xi³ ma³cjain¹-le⁴ t'a³ts'e⁴ Jesús, li²coi³ ti¹jna³ne²-le⁴ cjoa⁴ñ⁷ain³, to⁴nca³ je² xi³ tsi² tsa² coi³ ma³cjain¹-le⁴ t'a³ts'e⁴, je²ti¹jna³ne²-le⁴ cjoa⁴ñ⁷ain³, nca⁴ tsi² tsa² coi³ coan³ecjain¹-le⁴ t'a³ts'e⁴ jan³⁷ain¹-le⁴ xi³ je² to⁴jnc³ ⁷nti¹-le⁴ Ni³na¹. ¹⁹Je² l'i¹ ja³⁷ai³ i⁴ son³⁷nte³, to⁴nca³ cho⁴ta⁴son³⁷nte³ nqui²sa⁴ coan³tsjao³que³ cjoa⁴njon² cao⁴-ni³ l'i¹, nca⁴ cjoa⁴ts'en⁴ xi³ qui³s'in³. Coi³ nca³ ti¹jna³ne²-le⁴ cjoa⁴ñ⁷ain³. ²⁰Je² nca³ts'i³ xi³ cjoa⁴ts'en⁴ s'in¹, ma³jti³que³ l'i¹, li²coi³ ya⁴ nchoa¹ jña³ tjin¹ l'i¹, jme¹-ni³ nca³ tsi²coi³ coan⁴tsen³-si¹ni³ je² cjoa⁴ts'en⁴ xi³ s'in¹. ²¹To⁴nca³ je² xi³ cjoa⁴qui²xi⁴ xi³ s'in¹, nchoa¹nch⁷oe² l'i¹-ve⁴, jme¹-ni³ nca³ coan⁴tsen³-si¹ni³ cjoa⁴nta³-le⁴ nca³ ts'e⁴ Ni³na¹.

Je² mi²yo⁴-le⁴ x'in⁴ xi³ vi³xan³

²²Xi³ coan³-ni³ ja³⁷ai³ Jesús cao⁴ cho⁴ta⁴-le⁴ ya⁴ na³nqui³ Judea. Ya⁴ tsa³c'e²jna³cao⁴ cho⁴ta⁴-le⁴ tsa³ca³te¹nta¹. ²³Juan c'o⁴a⁴-ti⁴ tsa³ca³te¹nta¹ ya⁴ Enón čhian³-le⁴ Salim, nca³ cjai¹nca³ tjin¹ na³nta¹ nca³ya⁴. Cho⁴ta⁴ ji³nchoa³nch⁷oe² qui³sa³te¹nta¹. ²⁴Juan cje³ ni²cja³⁷a³s'en³-jin² nto⁴ya¹. ²⁵Tsa³cjao¹ya³-ni³ cho⁴ta⁴-le⁴ Juan cao⁴ cho⁴ta⁴ judíos jo³s'in² nca³ si¹tsje³-ni³. ²⁶C'ia⁴ je² ji³nchoa³nch⁷oe² Juan c'o⁴qui³tso²-le⁴: Rabí, tsa³c'ai²³ en¹-li⁴ xi³

t¹a³ts⁷e⁴ Jesús xi³ tsa³c²e²jna³cao⁴-li²
xi³ncoa³nta¹-ni³ Jordán. Coe⁴-ni³
c⁷oa⁴-ti⁴ je² va³te¹nta¹, c⁷oa⁴ ña³qui³
je² fa³⁷ai³nch⁷oe² nca³ts⁷i³. 27 Juan
c⁷oi⁴qui³tso²: Li²jme³ xi³ tjin¹-
le⁴ cho⁴ta⁴ xi³ tsi² tsa² nc⁷a³jmi³
ja³⁷ai³-ni³le⁴. 28 Jon² nio¹³ nca³ts⁷io³
testigo-na⁴ jo³ qui³xian³: A³li² an³-
jian²³ Cristo, to⁴nca³ nqui³xcon⁴
qui³ni²ca³sen¹ ti¹tjon²-na³. 29 Je²
xi³ tjin¹-le⁴ chjon⁴² je² x⁷in⁴-le⁴.
To⁴nca³ je² mi²yo⁴-le⁴ x⁷in⁴-le⁴ xi³
se¹jna³t²a³, nch⁷oe¹-le⁴, cjai¹nca³
to⁴ma³tsjoa³-le⁴ jo³ tso² x⁷in⁴-
ve⁴. C⁷oa⁴s²in² cjoa⁴tsjoa³-na⁴
coan⁴tse³ya³. 30 Ma³chjen¹ nca³
je² Cristo ca²ta³mi³nc⁷a³, nqui²sa⁴
ca²ta³sa³sen¹tjen⁴nquia³ nca³ an³.

Je² xi³ nchoa¹-ni³ ja⁴nc⁷a¹

31 Je² xi³ nchoa¹-ni³ ja⁴nc⁷a¹, je²
xi³ ti¹tjon²-le⁴ nca³ts⁷i³. Je² xi³ ts⁷e⁴
son³⁷n^{te}³, cho⁴ta⁴son³⁷n^{te}³ ni¹, to⁴je²
cjoa⁴ xi³ ts⁷e⁴ son³⁷n^{te}³ nchja⁴. Je² xi³
nchoa¹-ni³ nc⁷a³jmi³, je² xi³ ti¹tjon²-
le⁴ nca³ts⁷i³. 32 Je²-vi⁴ tsjoa¹ en¹-le⁴
jme³ xi³ tsa³ve³ cao⁴ xi³ qui³nch⁷oe¹,
to⁴nca³ ni⁴⁷ya³-jin² xi³ cjoe¹ en¹-
le⁴. 33 Je² xi³ cjoe¹ en¹-le⁴, je²-vi⁴
qui³si³qui²x⁴ya³nta³ nca³ Ni³na¹
xi³ cjoa⁴qui²x⁴. 34 Je² xi³ Ni³na¹
qui³si³ca³sen¹, je² en¹-le⁴ Ni³na¹ xi³
nchja⁴. Ni³na¹ li²coi³ fa³⁷a¹cho⁴ya³
nca³ tsjoa¹ Espíritu Santo.
35 Je² N⁷ai³-na¹ tsjoa³que³ n⁷ti¹-le⁴,
tsa³c²e¹jna³ya³ ntsja³ nca³yi³je³ cjoa⁴.
36 Je² xi³ ma³cjain¹-le⁴ t⁷a³ts⁷e⁴ n⁷ti¹-
le⁴ Ni³na¹, tjin¹-le⁴ cjoa⁴vi³jna³chon³
nca³ntsja². Je² xi³ tsi² ma³cjain¹-
le⁴ t⁷a³ts⁷e⁴ n⁷ti¹-le⁴ Ni³na¹, li²coi³
scoe⁴ cjoa⁴vi³jna³chon³, to⁴nca³
je² cjoa⁴n⁷ain³ xi³ Ni³na¹ tsjoa¹-le⁴
ti¹jna³ne²-le⁴.

Jesús fa¹cao⁴ chjon⁴² samaritana

4 C⁷ia⁴ nca³ tsen³ coan³-le⁴
Jesús nca³ je² cho⁴ta⁴ fariseos
qui³nch⁷oe¹ nca³ Jesús nqui²sa⁴
ncjin² tsa³ca³te¹nta¹ cho⁴ta⁴ cao⁴-
ni³ tsa² Juan, 2(Nta³ tsa² tsi² je²
cjoan² Jesús xi³ va³te¹nta¹, to⁴nca³
je² cho⁴ta⁴-le⁴.) 3 Jesús ji³tjo³-ni³ ya⁴
Judea, nqui²ntia³ qui³ ya⁴ Galilea.
4 Coan³chjen¹ nca³ ja³⁷a³to³jin³ ya⁴
Samaria. 5 C⁷ia⁴ ji³cho² Samaria
jña³ nca³ na⁴xi⁴na³nta¹ Sicar n⁷mi²,
ya⁴ chian³-le⁴ n⁷te³ xi³ Jacob
qui³tsjoa³-le⁴ José, je² n⁷ti¹-le⁴. 6 Ya⁴
ti¹jna³ je² pilana³nta¹ xi³ ts⁷e⁴ Jacob.
Cjai¹nca³ ji³ta³-le⁴ ntia⁴² Jesús,
c⁷ia⁴ tsa³c²e²jna³t²a³ je² pilana³nta¹-
ve⁴. Je² hora jo³-ni³ tsa² nchi³sen³.
7 Ja³⁷ai³ jnc³ chjon⁴² xi³ ts⁷e⁴
Samaria. Ji³cho² cja³⁷a¹ na³nta¹.
Jesús c⁷oi⁴qui³tso²-le⁴: T⁷ai²-nai¹³
xi³ sc⁷oia⁴. 8 (Je² cho⁴ta⁴-le⁴ je³qui³
na⁴xi⁴na³nta¹-ve⁴. Qui³ ca³tse³ xi³
cji³ne³.) 9 Je² chjon⁴² samaritana
c⁷oi⁴qui³tso²-le⁴: Jo¹ ma³-ni³ nca³ ji³
xi³ cho⁴ta⁴ judío na³nta¹ ni²je¹-nai¹³,
nca³ chjon⁴² samaritana nca³ an³. Je²
cho⁴ta⁴ judíos li²coi³ fa¹cao⁴ cho⁴ta⁴
samaritanos. 10 Jesús c⁷oi⁴qui³tso²-
le⁴: Tsa² n⁷yai³ cjoa⁴tjao²-le⁴ Ni³na¹
c⁷oa⁴ tsa² n⁷ya³xcoin³ je² xi³ c⁷oa⁴tso²-
li²: T⁷ai²-nai¹³ xi³ sc⁷oia⁴, ji³ xi³
si⁴je¹-lai⁴ nca³ je², c⁷oa⁴ je² tsjoa¹-
li² na³nta¹ xi³ ti¹jna³con³. 11 C⁷ia⁴
chjon⁴²-ve⁴ qui³tso²-le⁴: Señor,
a³li²jme³ xi³ qui³ch⁷ai²³ xi³ ch⁷a²sje³-
ni³ na³nta¹. Cjai¹nca³ na⁴nca⁴ je²
nca⁴jao⁴-ve⁴. Jña¹-ni³ve⁴⁷ni³ tjin¹-li²
je² na³nta¹ xi³ ti¹jna³con³. 12 A³ ji³
ni¹³ ti¹tjon²-le⁴ n⁷ai³-na⁴jin⁴ Jacob,
xi³ qui³tsjoa³-na³jin⁴ je² pila¹-vi⁴.
Je² tsa³c⁷i³ na³nta¹ xi³ i⁴ tjia¹-vi⁴,

cao⁴ xti³-le⁴ cao⁴ ncha⁴ja⁴-le⁴. **13** C⁷ia⁴ Jesús c⁷oi⁴qui³tso²-le⁴: To⁴⁷ya³-ni³ xi³ sc⁷oi¹ je² na³nta¹-vi⁴ coan⁴fa³ti² nqui²ntia³-le⁴. **14** To⁴nca³ je² xi³ sc⁷oi¹ je² na³nta¹ xi³ an³ tsjoa³-le⁴, ni⁴c⁷ia³-jin² ti⁴coan⁴fa³ti²-ni³le⁴. Je² na³nta¹ xi³ an³ tsjoa³-le⁴, to⁴ya⁴² s⁷e³jna³jin³-le⁴ jo³-ni³ na³nta¹ xi³ cji²⁴nc⁷a³jin³-le⁴, xi³ tsjoa¹ cjoa⁴vi³jna³chon³ nca³ntsjai². **15** C⁷ia⁴ chjon⁴²-ve⁴ qui³tso²-le⁴: Señor, t⁷ai²-nai¹³ je² na³nta¹ je²-vi⁴, jme¹-ni³ nca³ tsi² ti⁴coan⁴fa³ti²-ni³na³, c⁷oa⁴ li²coi³ ti⁴⁷i⁴ cjo^{e27}e⁴ cja³⁷a³-nia³. **16** C⁷oi⁴qui³tso² Jesús: T⁷in³ ti⁴no²cjoa⁴-lai⁴ x⁷in⁴-li⁴, nchoai¹³ i⁴-vi⁴. **17** Qui³nchja⁴ chjon⁴²-ve⁴ c⁷oi⁴qui³tso²: Tsin²-na³ x⁷in⁴-jin². Jesús qui³tso²-le⁴: Cjai¹ cjoa⁴qui²xi⁴ xi³ ca²si³, tsin²-na³ x⁷in⁴-jin². **18** Coan³ aon² x⁷in⁴ je³qui³s⁷e³-li². Je² xi³ tjin¹-li² nt⁷ai⁴-vi⁴, a³li² je² x⁷in⁴-li⁴. Je²-vi⁴ cjoa⁴qui²xi⁴ xi³ ca²si³. **19** Chjon⁴²-ve⁴ qui³tso²-le⁴: Señor, je³ti²⁷ve³ nca³ ji³ xi³ no²cjoa⁴yai³ t⁷a³ts⁷e⁴ Ni³na¹. **20** Je² n⁷ai³-na⁴jin⁴ tsa³ve³xcon¹ Ni³na¹ i⁴ ni³nto³-vi⁴. To⁴nca³ jon² c⁷oa⁴vi³xon¹³ nca³ ya⁴ Jerusalén ya⁴ nte³ jña³ nca³ ma³chjen¹ nca³ ya³xcoan¹ Ni³na¹. **21** C⁷ia⁴ Jesús qui³tso²-le⁴: Chjon⁴², ca²ta³ma³cjain¹-li² nca³ cjoa⁴⁷ai¹ hora, c⁷ia⁴ nca³ ni⁴⁷i⁴-jin² ni³nto³-vi⁴, ni⁴ya⁴ Jerusalén-jin², jcha⁴xcon¹³ N⁷ai³-na¹. **22** Jon². ni³ ya³xcon¹³-nio³ xi³ tsi² tsa² ya³, to⁴nca³ jin⁴-jin⁴ ya³xcon¹-ni³⁴jin⁴ xi³ ya³⁴jin⁴, nca⁴ cho⁴ta⁴ judíos fa³⁷ai²-ni³ xi³ v⁷a³sje³ntjai². **23** To⁴nca³ cjoa⁴⁷ai¹ hora, c⁷oa⁴ je³ja³⁷ai³, c⁷ia⁴ nca³ je² xi³ ña³qui³ cjoa⁴qui²xi⁴ ve³xcon¹ Ni³na¹, scoe⁴xcon¹ N⁷ai³-na¹ cao⁴ ni⁴ma⁴-le⁴ c⁷oa⁴ cao⁴ cjoa⁴⁷ya³xcon¹ xi³ ña³qui³ c⁷oa⁴tjin¹, nca⁴ je² N⁷ai³-na¹ c⁷oa⁴-

ti⁴ va¹sjai³ cho⁴ta⁴ xi³ c⁷oa⁴s⁷in² scoe⁴xcon¹ nca³ je². **24** Ni³na¹ espíritu ni¹. Je² xi³ ve³xcon¹ nca³ je², ma³chjen¹ nca³ ve³xcon¹ cao⁴ ni⁴ma⁴-le⁴ c⁷oa⁴ cao⁴ cjoa⁴⁷ya³xcon¹ xi³ ña³qui³ c⁷oa⁴tjin¹. **25** C⁷ia⁴ chjon⁴²-ve⁴ c⁷oa⁴qui³tso²-le⁴: ve³-nia¹³ nca³ cjoa⁴⁷ai¹ je² Mesías, je² xi³ Cristo mi². C⁷ia⁴ nca³ je² cjoa⁴⁷ai¹, ña³qui³ c⁷oa⁴coi⁴tso⁴-na¹ jo³ chon³ nca³yi³je³. **26** Jesús c⁷oi⁴qui³tso²-le⁴: An³ nia¹³ je² xi³ fa²cao⁴-le²³. **27** C⁷ia⁴ ja³⁷ai³ cho⁴ta⁴-le⁴. Jo³ to⁴coan³xcon¹-le⁴ nca³ Jesús ti¹fa¹cao⁴ jnc³ chjon⁴². To⁴nca³ ni⁴⁷ya³-jin² xi³ qui³tso²: Jme¹-ni³ xi³ cho²na³nqui³, a³xo⁴ jme¹-ni³ en¹ xi³ cha²coai⁴ chjon⁴²-ve⁴. **28** C⁷ia⁴ chjon⁴²-ve⁴ tsa³c⁷e¹jna³ ni³sa³-le⁴, qui³ ya⁴ na⁴xi⁴na³nta¹, c⁷oi⁴qui³tso²-le⁴ cho⁴ta⁴x⁷in⁴-ve⁴: **29** Nchoao¹³ cho¹tsen³-lao⁴³ jnc³ cho⁴ta⁴ xi³ c⁷oa⁴qui³tso²-na³ nca³yi³je³ jo³ qui³s⁷ian³. Tsa² je²-vi⁴ xi³ Cristo mi². **30** C⁷ia⁴ cho⁴ta⁴ ji³tjo³-ni³ na⁴xi⁴na³nta¹, ja³⁷ai³nch⁷oe² nca³ je². **31** Je² cho⁴ta⁴-le⁴ Jesús tjio¹v⁷e¹ts⁷oa³-le⁴, c⁷oi⁴qui³tso²: Rabí, ti⁴chi³. **32** Jesús c⁷oi⁴qui³tso²-le⁴: Tjin¹-na³ xi³ va²cjen⁴-nia³ xi³ tsi² coi³ ya³ nca³ jon². **33** C⁷ia⁴ cho⁴ta⁴-le⁴ nca³ i⁴ nca³ jan¹ nchja⁴cao⁴ xi¹ncjin¹: ya¹-ni³ xi³ ca²fa³⁷ai³cao⁴-le⁴ xi³ coa⁴cjen⁴. **34** Qui³nchja⁴ Jesús: Je² xi³ va²cjen⁴-nia³, nca³ c⁷oa⁴s⁷ian³ jo³s⁷in² me³-le⁴ je² xi³ qui³si³ca³sen¹-na³ c⁷oa⁴ nca³ si³jncoa³ xa¹-le⁴. **35** A³ tsi² tsa² vi³xon¹³ nca³ jon²: Cha³-sa³ nqui²ño³ sa¹ nca³ coi⁴cho² je² ni⁴chjin³ nca³ s⁷e⁴xco¹ xi³ ma³jcha¹. Ne³ c⁷oa⁴xin³-no³, cho¹⁷ai²nquio³ xcon³, cho¹tsen³-lao⁴³ son³⁷nte³, nca⁴ je³ji³cho²taon³ ni⁴chjin³-le⁴ nca³ s⁷e⁴xco¹. **36** Je² xi³

v¹e¹xco¹ ntje⁴, ma³chji¹-le⁴. V¹e¹xco¹ ntje⁴ xi³ t¹a³ts⁷e⁴ cjoa⁴vi³jna³chon³ nca³ntsjai², jme¹-ni³ nca³ c⁷oa⁴-ti⁴ je² xi³ v¹e¹ntje² tj¹in¹-si¹ni³le⁴ cjoa⁴tsjoa³ cao⁴ je² xi³ v¹e¹xco¹ ntje⁴. ³⁷Je²-vi⁴ en¹ xi³ cjoa⁴qui²xi⁴: Jnco³ xi³ v¹e¹ntje², c⁷oa⁴ cja⁴⁷ai¹-ni³ xi³ v¹e¹xco¹ ntje⁴. ³⁸An³ qui³si³ca³sen¹³-no³ nca³ c⁷oe¹xco¹³ ntje⁴ xi³ tsi² tsa² jon² qui³s³e³nqui³ cjoa⁴ma⁴-no³ nca³ qui³ni²xa¹-lao⁴³. Cja⁴⁷ai¹ xi³ qui³s³e³nqui³ cjoa⁴ma⁴-le⁴ nca³ qui³si³xa¹, c⁷oa⁴ jon² qui³ni²qui³njaon³. ³⁹Cjai¹nca³ ncjin² cho⁴ta⁴ samaritanos xi³ ya⁴ ts⁷e⁴ na⁴xi⁴na³nta¹-ve⁴ coan³cjain¹-le⁴ t¹a³ts⁷e⁴ Jesús xi³ to⁴⁴a³ts⁷e⁴ en¹-le⁴ chjon⁴²-ve⁴ xi³ c⁷oa⁴s⁷in² qui³tsjoa³ en¹-le⁴: Ña³qui³ c⁷oa⁴qui³tso²-na³ nca³yi³je³ jo³ qui³s⁷ian³. ⁴⁰Ncjin² cho⁴ta⁴ samaritanos ji³nchoa³nch⁷oe² Jesús, tsa³c⁷e¹ts⁷oa³-le⁴ nca³ ya⁴ ca²ta³v⁷e²jna³cao⁴. Jao² ni⁴chjin³ ya⁴ tsa³c⁷e²jna³ Jesús. ⁴¹Nqui²sa⁴ ncjin² cho⁴ta⁴ xi³ coan³cjain¹-le⁴ xi³ to⁴⁴a³ts⁷e⁴ en¹-le⁴ Jesús. ⁴²Cho⁴ta⁴ c⁷oa⁴qui³tso²-le⁴ chjon⁴²-ve⁴: A³li² tsa² to⁴coi³ nca³ ma³cjain¹-na³jin⁴ xi³ to⁴⁴a³ts⁷e⁴ en¹-li⁴. C⁷oa⁴-ti⁴ je²ca²no²⁷yai²⁴-jin⁴ nca³ jin⁴, c⁷oa⁴ y²ya³-ni¹⁴jin⁴ nca³ je² xi³ ña³qui³ cjoa⁴qui²xi⁴ v¹a³sje³ntjai² cho⁴ta⁴, je² Cristo⁷mi².

Jesús si¹nta³ jnco³ nti¹ti³

⁴³Xi³ coan³ jao²-ni³ ni⁴chjin³ ji³tjo³-ni³ nca³ya⁴. Qui³ ya⁴ Galilea. ⁴⁴Sa³⁷nta³ je² soa³ Jesús c⁷oa⁴qui³tso² nca³ jnco³ xi³ nchja⁴ya³ xi³ t¹a³ts⁷e⁴ Ni³na¹ li²coi³ y²ya³xcon¹ ya⁴ na³nqui³ xi³ ts⁷e⁴. ⁴⁵C⁷ia⁴ nca³ ji³cho² ya⁴ Galilea, je² cho⁴ta⁴ galileos cjai¹nca³ nta³ tsa³ve³tjao², nca³ je³tsa³⁷ya³-

le⁴ nca³yi³je³ cjoa⁴ xi³ qui³s⁷in³ ya⁴ Jerusalén c⁷ia⁴ nca³ s⁷oi¹, nca³ c⁷oa⁴-ti⁴ qui³ cho⁴ta⁴-ve⁴ je² s⁷oi¹. ⁴⁶Nqui²ntia³ ti⁴ja³⁷ai³-nca¹ni³ Jesús ya⁴ Caná xi³ ts⁷e⁴ Galilea, jña³ nca³ je² na³nta¹ qui³ts⁷on¹ya³ vino. Ya⁴ Capernaum ti¹jna³ jnco³ xi³ ts⁷e⁴ cho⁴ta⁴ti¹tjon². nti¹-le⁴ ti¹m⁷en³. ⁴⁷C⁷ia⁴ nca³ qui³nch⁷oe¹ nca³ Jesús ji³nchoa³-ni³ Judea, ja³⁷ai³ ya⁴ Galilea, qui³con³-le⁴ tsa³c⁷e¹ts⁷oa³-le⁴ nca³ ca²ta³vi³tjo³jen³, ca²ta³si¹xqui³-le⁴ nti¹-le⁴ nca³ je³me³m⁷en³. ⁴⁸C⁷ia⁴ Jesús c⁷oi⁴qui³tso²-le⁴: Tsa² tsi² tsa² jchao⁴³ choa⁴ c⁷oa⁴ cjoa⁴xcon¹, li²coi³ coan³cjain¹-no³. ⁴⁹Je² xi³ ts⁷e⁴ cho⁴ta⁴ti¹tjon² c⁷oi⁴qui³tso²: Señor, t⁷ian⁴-nai¹³ cjoa⁴nta³, nchoa¹jain³ nca³ cje³ m⁷en³-jin² nti¹-na⁴. ⁵⁰Jesús c⁷oi⁴qui³tso²-le⁴: T⁷in³, nti¹-li⁴ ti¹jna³con³-ni¹. Je² cho⁴ta⁴-ve⁴ coan³cjain¹-le⁴ en¹-le⁴ Jesús. Qui³-ni³. ⁵¹C⁷ia⁴ nca³ je³ti¹fi³cho²jen³ cho⁴ta⁴-ve⁴, je² cho⁴ta⁴cho⁴⁷nta³-le⁴ ji³tjo³nch⁷oe² c⁷oa⁴qui³tso²-le⁴: nti¹-li⁴ ti¹jna³con³-ni¹. ⁵²C⁷ia⁴ je² qui³sco²na³nqui³-ni³le⁴ jo³ chon³ nca³ coan³xan⁴-ni³le⁴. C⁷oi⁴qui³tso²-le⁴: Nco²jña⁴ la una coan³xan⁴-le⁴ nt⁷ai⁴. ⁵³C⁷ia⁴ qui³s⁷e³jin³nta³-le⁴ n⁷ai³-le⁴ nca³ ti⁴coi³-ni³ hora-ve⁴ c⁷ia⁴ nca³ Jesús c⁷oa⁴qui³tso²-le⁴: nti¹-li⁴ ti¹jna³con³-ni¹. Coan³cjain¹-le⁴ nca³ je² cao⁴ nca³ts⁷i³ xi³ tjio¹ ni³⁷ya³-le⁴. ⁵⁴Je² xi³ coan³ jao² c⁷a³-ni³ choa⁴ xi³ qui³tsjoa³ Jesús nca³ ji³nchoa³-ni³ Judea nca³ ja³⁷ai³ ya⁴ Galilea.

Jnco³ xi³ ti¹m⁷en³ ya⁴ Betesda

5 Xi³ je³coan³ je² cjoa⁴ je²-vi⁴, jnco³ ni⁴chjin³ s⁷oi¹ ts⁷e⁴ cho⁴ta⁴ judíos qui³mi³ Jesús ya⁴ Jerusalén. ²Ti¹jna³ ya⁴ Jerusalén

ya⁴ xo⁴ntjoa⁴ nch⁷oa¹-le⁴ cho⁴ jnco³
tanque na³nta¹ xi³ Betesda ⁷mi² nca³
en¹ hebreo. Aon² corredor tjin¹-le⁴.
³Ya⁴nqui³ corredor cjai¹nca³ ncjin²
cho⁴ta⁴ cjo³ xi³ tjo¹m⁷en³, xi³ xca⁴,
xi³ chi⁴⁷nque¹, xi³ qui³xi² cjoan³, xi³
tjo¹co³ya³-le⁴ nca³ jtjn¹ya³ na³nta¹-
ve⁴. ⁴Ja⁴sa³c⁷oa⁴ tjin¹ ni⁴chjin³ c⁷ia⁴
nca³ jnco³ a²ncje⁴ vi³tjo³jen³ya³
tanque-ve⁴, c⁷oa⁴ si¹c⁷o¹jjin³ na³nta¹-
ve⁴. Je² xi³ ti¹tjon² vi³tjo³jen³ya³
tanque-ve⁴ nca³ je³qui³tin²ya³
na³nta¹-ve⁴, coan³nta³-ni³ to⁴jña³-
ni³le⁴ ch⁷in³ xi³ tjin¹-le⁴. ⁵Ya⁴
ti¹jna³ jnco³ cho⁴ta⁴x⁷in⁴ xi³ coan³
can³ chja³⁷aon²-jan² no¹ ti¹m⁷en³.
⁶C⁷ia⁴ nca³ Jesús tsa³ve³ nca³
ti¹qui³jna³ cho⁴ta⁴-ve⁴, coan³jjin³-le⁴
nca³ n⁷ion¹ coa²tse³ nca³ ti¹m⁷en³,
c⁷oi⁴qui³tso²-le⁴: A³ me³-li² nca³
coan⁴ntai³. ⁷Qui³nchja⁴ xi³ ti¹m⁷en³:
Señor, tsin²-na³ cho⁴ta⁴x⁷in⁴-jin² xi³
c⁷oa⁴nc⁷a³-na³, xi³ si⁴²ca²jna³ya³-
na³ tanque c⁷ia⁴ nca³ ma³tin²ya³
na³nta¹-ve⁴. Tjen⁴ an³ nchoa¹³ cja⁴⁷ai¹
xi³ je³ji³tjo³jen³ya³ ti¹tjon²-na³.
⁸Jesús c⁷oi⁴qui³tso²-le⁴: Ti²so⁴tjain⁴,
chjoai¹³ ni³jña³-li⁴, c⁷oa⁴ to²mjain³.
⁹Nti⁴ton⁴ coan³nta³ cho⁴ta⁴-ve⁴,
qui³sco¹ ni³jña³-le⁴, qui³⁷ni³. C⁷ia⁴
je² ni⁴chjin³-ve⁴ ni⁴chjin³ ni²cja¹ya³
ni¹. ¹⁰C⁷ia⁴ cho⁴ta⁴ judíos qui³tso²-le⁴
xi³ coan³nta³-ve⁴: Ni⁴chjin³ ni²cja¹ya³
nt⁷ai⁴-vi⁴. Tsin²-li² ⁷nte³-jin² nca³
jch⁷ai⁴ ni³jña³-li⁴. ¹¹Cho⁴ta⁴-ve⁴
qui³tso²-le⁴: Je² xi³ ca²si¹nta³-na³,
je² soa³ c⁷oa⁴ca²tso²-na³: Chjoai¹³
ni³jña³-li⁴, c⁷oa⁴ to²mjain³. ¹²C⁷ia⁴
qui³sco²na³nqui³-le⁴: ⁷ya¹ xi³
c⁷oa⁴ca²tso²-li²: Chjoai¹³ ni³jña³-li⁴,
c⁷oa⁴ to²mjain³. ¹³Je² xi³ coan³nta³-
ve⁴ li²coi³ ve³ ⁷ya³-ni³ve⁴, nca⁴ Jesús
ji³tjo³xin²jjin³-le⁴ cho⁴ta⁴ xi³ tjo¹ ya⁴

⁷nte³-ve⁴. ¹⁴C⁷ia⁴ nca³ coan³scan³-ni³
Jesús qui³sa³te³jjin³-nca¹ni³ cho⁴ta⁴-
ve⁴ ya⁴³ yo⁴nc⁴, c⁷oi⁴qui³tso²-le⁴:
Coe⁴-ni³ je³coan³ntai³, a³li² ti⁴je¹-
jin² vi³jnchi³-ni³, jme¹-ni³ nca³
tsi² tsa² ti⁴cjoa⁴⁷ai¹ne²-ni³li² xi³
nqui²sa⁴ to⁴⁷ai¹ tjin¹. ¹⁵Cho⁴ta⁴-
ve⁴ qui³, c⁷oa⁴qui³tso²-le⁴ cho⁴ta⁴
judíos: Je² Jesús xi³ qui³si³nta³-
na³. ¹⁶To⁴coi³ cjoa⁴-vi⁴ je² cho⁴ta⁴
judíos qui³tjen⁴nqui³ co²ntran⁴-
le⁴ Jesús, me³-le⁴ nca³ si⁴²c⁷en³,
nca³ Jesús c⁷oi⁴qui³s⁷in³ ni⁴chjin³
ni²cja¹ya³. ¹⁷Jesús c⁷oi⁴qui³tso²-le⁴:
Je² N⁷ai³-na⁴ si¹xa¹ sa³⁷nta³ nt⁷ai⁴-
vi⁴, c⁷oa⁴ an³ si³xa¹³. ¹⁸C⁷ia⁴ nqui²sa⁴
to⁴n⁷ion¹ me³-le⁴ cho⁴ta⁴ judíos nca³
si⁴²c⁷en³, nca⁴ tsi² tsa² to⁴je² ni⁴chjin³
ni²cja¹ya³ ti¹fa³⁷a³to³ntjai². C⁷oa⁴²-ti⁴
Jesús N⁷ai³-na⁴ qui³tso²-le⁴ Ni³na¹,
c⁷oa⁴s⁷in² ti¹si¹nco¹son² yao³-le⁴ cao⁴
Ni³na¹.

Je² ⁷nti¹-le⁴ Ni³na¹ xi³
v⁷e¹nta³jjin³-le⁴ nca³ts⁷i³

¹⁹C⁷ia⁴ Jesús c⁷oi⁴qui³tso²-
le⁴: Ña³qui³ cjoa⁴qui²xi⁴ ña³qui³
cjoa⁴qui²xi⁴ xi³ xin³-no³: Li²jme³ xi³
ma³ s⁷in¹ ⁷nti¹ nca³ to⁴je²-ni¹, to⁴coi³
xi³ je² ve³ jo³ s⁷in¹ N⁷ai³-na¹. Je²
nca³yi³je³ xi³ s⁷in¹ N⁷ai³-na¹, c⁷oa⁴-ti⁴
s⁷in¹ ⁷nti¹-le⁴. ²⁰Je² N⁷ai³-le⁴ cjai¹nca³
to⁴tsjoa³que³ ⁷nti¹-le⁴, c⁷oa⁴s⁷in²
va³co¹-le⁴ nca³yi³je³ xi³ c⁷oa⁴s⁷in¹
nca³ je². To⁴jo³ coa⁴co²sa³le⁴ jña³-le⁴
xi³ nqui²-sa⁴ xcon¹ tjin¹, jme¹-ni³ nca³
to⁴coan⁴xcon¹-si¹ni³no³. ²¹Jo³s⁷in² je²
N⁷ai³-na¹ cjo³mi³tjen⁴ c⁷en³, tsjoa¹-
le⁴ cjoa⁴vi³jna³chon³, c⁷oa⁴-ti⁴s⁷in²ni³
⁷nti¹-le⁴ tsjoa¹-le⁴ cjoa⁴vi³jna³chon³
⁷ya³ xi³ me³-le⁴. ²²Tsi² tsa² je² N⁷ai³-
na¹ xi³ v⁷e¹nta³jjin³-le⁴ cho⁴ta⁴,
to⁴nca³ coi³ xa¹ tsa³c⁷e¹jna³ya³-

ni³ ntsja³ ʔnti¹-le⁴, ²³jme¹-ni³ nca³
 cʷoa⁴sʷin² nca³tsʷi³ scoe⁴xcon¹-si¹ni³
 ʔnti¹-le⁴ jo³sʷin² ve³xcon¹ Nʷai³-
 na¹. Je² xi³ tsi² ve³xcon¹ ʔnti¹-le⁴,
 cʷoa⁴-ti⁴ tsi² ve³xcon¹ Nʷai³-na¹ xi³
 qui³si³ca³sen¹ ʔnti¹-le⁴. ²⁴Ña³qui³
 cjoa⁴qui²xi⁴ ña³qui³ cjoa⁴qui²xi⁴
 xi³ xin³-no³: Je² xi³ nchʷoe¹ en¹-
 na⁴, cʷoa⁴ xi³ ma³cjain¹-le⁴ tʷa³tsʷe⁴
 je² xi³ qui³si³ca³sen¹-na³, tjjin¹-
 le⁴ cjoa⁴vi³jna³chon³ nca³ntsja².
 Li²jme³ cjoa⁴nʷain³ sʷe⁴-le⁴, to⁴nca³
 je³ji³tjo³-ni³ cjoa⁴vi³ya³, je³tjin¹-
 le⁴ cjoa⁴vi³jna³chon³. ²⁵Ña³qui³
 cjoa⁴qui²xi⁴ ña³qui³ cjoa⁴qui²xi⁴
 xi³ xin³-no³: Cjoa⁴ʷai¹ hora, cʷoa⁴
 je³ja³ʷai³, cʷia⁴ nca³ je² xi³ cʷen³
 cjoia⁴nchʷoe¹ jta⁴-le⁴ ʔnti¹-le⁴ Ni³na¹.
 Je² xi³ cjoia⁴nchʷoe¹ coa⁴tio⁴con³-ni¹.
²⁶Jo³sʷin² nca³ Nʷai³-na¹ tjjin¹-le⁴
 cjoa⁴vi³jna³chon³ xi³ ti⁴tʷa³tsʷe⁴-ni³,
 cʷoa⁴-ti⁴sʷin²ni³ qui³tsjoa³-le⁴ ʔnti¹-
 le⁴ nca³ tjjin¹-le⁴ cjoa⁴vi³jna³chon³
 xi³ ti⁴tʷa³tsʷe⁴-ni³. ²⁷Cʷoa⁴-ti⁴
 qui³tsjoa³-le⁴ cjoa⁴te¹xo³ma³ nca³
 cʷoe⁴nta³jin³, nca⁴ je² ni¹ xi³ ʔnti¹-
 le⁴ cho⁴ta⁴. ²⁸A³li² ma³xcon¹-jin²no³
 je²-vi⁴. Cjoa⁴ʷai¹ hora cʷia⁴ nca³ je²
 nca³tsʷi³ xi³ tjjo¹ ya⁴ nchʷoa¹cʷen³
 cjoia⁴nchʷoe¹-le⁴ jta⁴-le⁴. ²⁹Cʷoa⁴
 coi⁴tjo³-ni³ nca³tsʷi³, je² xi³ cjoa⁴nta³
 qui³sʷin³ cjoa⁴ʷa¹ya³-ni³le⁴, sʷe⁴-le⁴
 cjoa⁴vi³jna³chon³, to⁴nca³ je² xi³
 cjoa⁴tsʷen⁴ qui³sʷin³ cjoa⁴ʷa¹ya³-
 ni³le⁴, sʷe⁴-le⁴ cjoa⁴nʷain³.

Je² testigo xi³ tʷa³tsʷe⁴ Cristo

³⁰A³li²jme³ xi³ ma³ sʷian³ nca³
 to⁴ʷan³. Jo³sʷin² nchʷoe³-le⁴ Nʷai³-
 na¹, cʷoa⁴sʷin² vʷe³nta³jian³.
 Vʷe³nta³jian³ xi³ cjoa⁴qui²xi⁴, nca⁴
 tsi² tsa² an³ va³sje²³ jo³sʷin² me³-
 na³, to⁴nca³ to⁴jo³-sʷin² me³-le⁴ je²

xi³ qui³si³ca³sen¹-na³, je² Nʷai³-
 na¹. ³¹Tsa² ti⁴ʷan³-nia³ tsjoa³ en¹
 xi³ tʷa³tsʷan⁴, je² en¹-na⁴ li²coi³
 cjoa⁴qui²xi⁴. ³²Cja⁴ʷai¹ xi³ tsjoa¹
 en¹ xi³ tʷa³tsʷan⁴. ʷve³-nia¹³ nca³ je²
 xi³ cʷoa⁴tso² xi³ tʷa³tsʷan⁴, ña³qui³
 cjoa⁴qui²xi⁴-ni¹ xi³ tso². ³³Jon²
 qui³ni²ca³sen¹chon³-lao⁴³ Juan.
 Je²-vi⁴ xi³ qui³tsjoa³ en¹-le⁴ xi³
 tʷa³tsʷe⁴ xi³ cjoa⁴qui²xi⁴. ³⁴To⁴nca³
 an³ li²coi³ va³sje³sian²³ en¹ xi³ tsjoa¹
 cho⁴ta⁴. Coi³ cʷoa⁴xian³, jme¹-
 ni³ nca³ jon² coi²tjo⁴ntjai²-si¹nio³.
³⁵Juan xi³ jo³-ni³ tsa² li²i¹ xi³ ti¹ti²,
 cʷoa⁴ xi³ si¹i³sen³. Cʷoa⁴ jon²-ʷni³
 coan³me³-no³ nca³ qui³ni²tsjoa³
 i⁴tse¹-lao⁴³ yao³-no³ jnco³ tjo² cao⁴
 xi³ i³sen³-le⁴. ³⁶To⁴nca³ an³ tjjin¹-na³
 xi³ nqui²sa⁴ nta³ si¹qui²xi⁴ya³nta³
 xi³ tʷa³tsʷan⁴ cao⁴-ni³ tsa² je² xi³
 tsʷe⁴ Juan. Je² xa¹ xi³ qui³tsjoa³-na³
 Nʷai³-na¹ nca³ si³jncoa²³, ti⁴je²-
 ni³ xa¹ xi³ cʷoa⁴sʷian³, cʷoa⁴sʷin²
 si¹qui²xi⁴ya³nta³ tʷa³tsʷan⁴ nca³
 qui³si³ca³sen¹-na³ Nʷai³-na¹. ³⁷Je²
 xi³ qui³si³ca³sen¹-na³, je² Nʷai³-na¹,
 je² xi³ qui³tsjoa³ en¹ xi³ tʷa³tsʷan⁴.
 Ni⁴cʷia³-jin² qui³no²⁷yao²³ jta⁴-le⁴,
 ni⁴ tsa³ya³-jion²³ jo³ cji³ nca³ je².
³⁸Ni⁴ tjjin¹jin³ntsja²-jin²no³ en¹-le⁴,
 nca³ je² xi³ Ni³na¹ qui³si³ca³sen¹,
 li²coi³ ma³cjain¹-no³ xi³ tʷa³tsʷe⁴.
³⁹Jon² fa³sja³jion³ xon⁴ Escrituras,
 nca⁴ jon² ni²cja³ʷai³tsjaon³ nca³
 cʷoa⁴sʷin² sʷe⁴-no³ cjoa⁴vi³jna³chon³
 nca³ntsja². Je² xon⁴ Escrituras xi³
 tsjoa¹ en¹ xi³ tʷa³tsʷan⁴. ⁴⁰Jon²-
 ʷni³ cai³-no³ nchoa¹nchʷoe²-nao¹³,
 jme¹-ni³ nca³ cʷoa⁴sʷin² sʷe⁴-si¹ni³no³
 cjoa⁴vi³jna³chon³. ⁴¹An³ li²coi³ cjoe¹
 je² cjoa⁴je³ya³ xi³ tsjoa¹-le⁴ xi¹ncjin¹
 cho⁴ta⁴. ⁴²To⁴nca³ an³ ʷve³xcon³-no³
 nca³ tsi² tsa² tsjoa³chao³ Ni³na¹ nca³

jon². ⁴³Ja²⁷ai⁴-nia¹³ cao⁴ jan³⁷ain¹-le⁴ N²ai³-na⁴, to⁴nca³ jon² li²coi³ chjoe¹-nao¹³. Tsa² cja⁴⁷ai¹ xi³ cjoa⁴⁷ai¹ cao⁴ ti⁴ts⁷e⁴-ni³ jan³⁷ain¹, c⁷oa⁴ to⁴sa³ je² chjoao¹³-ni³. ⁴⁴Jo¹s⁷in² coan⁴cjain¹-no³ nca³ jon² xi³ chjoao¹³ cjoa⁴je³ya³ xi³ cho⁴ta⁴ tsjoa¹-le⁴ xi¹ncjin¹, c⁷oa⁴ li²coi³ fa³sjao³ je² cjoa⁴je³ya³ xi³ to⁴jnc³ je² Ni³na¹ tsjoa¹. ⁴⁵A³li² ni²cja³⁷ai³tsjen³-jjon²³ tsa² an³ xi³ coa³nqui³-no³ nqui³xcon⁴ N²ai³-na¹. Tjin¹ xi³ c⁷oa⁴s⁷in² va¹nqui³-no³, je² Moisés, ti⁴je²-ni³ xi³ n⁷ion¹⁷a³ ta³con²³. ⁴⁶C⁷ia⁴ tsa² jon² coan³cjain¹-no³ jo³ qui³tso² Moisés, coan⁴cjain¹-no³ xi³ t⁷a³ts⁷an⁴ tsa²cai³-ni³, nca⁴ je² xi³ qui³-squi³ xi³ t⁷a³ts⁷an⁴. ⁴⁷Tsa² tsi² tsa² ma³cjain¹-no³ jo³ tso² xon⁴-le⁴ Moisés, jo¹-s⁷in²ni³ coan⁴cjain¹-no³ en¹-na⁴.

Jesús si¹cjen² aon² jmi³ cho⁴ta⁴

(Mt. 14:13-21; Mr. 6:30-44; Lc. 9:10-17)

6 Xi³ coan³ je² cjoa⁴-vi⁴, Jesús qui³ xi³ncoa³nta¹-ni³ nta¹chi³con³ Galilea ya⁴ ts⁷e⁴ Tiberias. ²Jo³ nca³ ncjin² cho⁴ta⁴ qui³tjen⁴nqui³-le⁴, nca⁴ tsa³ve³ je² choa⁴ xi³ qui³tsjoa³ Jesús, nca³ c⁷oa⁴-s⁷in² qui³si³nta³ xi³ tjio¹m⁷en³. ³Jesús qui³mi³jon³ ni³nto³, ya⁴ tsa³c⁷e²jna³ cao⁴ cho⁴ta⁴-le⁴. ⁴Je³n⁷hoa¹čhian³-le⁴ s⁷oi¹ pa²xco⁴ xi³ ts⁷e⁴ cho⁴ta⁴ judíos. ⁵C⁷ia⁴ nca³ Jesús qui³sco²tsen³-le⁴, tsa³ve³ nca³ li² c⁷oa⁴cji³ cho⁴ta⁴ xi³ ja³⁷ai³con²-le⁴. C⁷oi⁴qui³tso²-le⁴ Felipe: Jñā¹ coi⁴nta¹ nio⁴xti²la⁴ xi³ coa⁴cjen⁴ cho⁴ta⁴-vi⁴. ⁶To⁴c⁷oa⁴²qui³tso²-le⁴ nca³ qui³sco²t⁷a³-ni³ Felipe, nca⁴ je³tjin¹jjin³-le⁴ jo³ s⁷in⁴². ⁷Felipe qui³nchja⁴: Li²coi³ coan⁴-ni³le⁴ jao² ciento vi²xo⁴ nio⁴xti²la⁴, jme¹-

ni³ nca³ i⁴tse¹⁷i⁴tse¹ squi⁴ne⁴-si¹ni³ nca³ts⁷i³. ⁸C⁷ia⁴ jnc³o³ cho⁴ta⁴-le⁴, je² Andrés, nts⁷e⁴ Simón Pedro, c⁷oi⁴qui³tso²-le⁴. ⁹Jnc³o³ ti³ ti¹jna³ i⁴-vi⁴, aon² ma³-ni³ nio⁴xti²la⁴ cebada-le⁴ c⁷oa⁴ jao² ma³-ni³ jti⁴ y⁷a³. Jo¹ tjin¹ coan⁴-le⁴ xo⁴na⁴tjin¹-vi⁴, nca⁴ ncjin² ma³-ni³. ¹⁰C⁷ia⁴ c⁷oi⁴qui³tso² Jesús: Ca²ta³va³tio²ts⁷i³ cho⁴ta⁴-vi⁴. Cjai¹nca³ tjin¹ li⁴ji⁴ ya⁴ nte³-ve⁴. Tsa³ca³tio² jo³-ni³ tsa² aon² jmi³ xi³ cho⁴ta⁴x⁷in⁴. ¹¹Jesús qui³scoe¹ je² nio⁴xti²la⁴-ve⁴. C⁷ia⁴ nca³ je³qui³tsjoa³-le⁴ cjoa⁴nta³ Ni³na¹, qui³si³c⁷a³vi¹-le⁴ cho⁴ta⁴-le⁴. C⁷oa⁴ je² cho⁴ta⁴-le⁴ve⁴ qui³si³c⁷a³vi¹-le⁴ je² cho⁴ta⁴ xi³c⁷a³ xi³ ya⁴ tjio¹. Ti⁴c⁷oa⁴-s⁷in²ni³ qui³tsjoa³ jti⁴, jo³ tjin¹ coan³me³-le⁴. ¹²C⁷ia⁴ nca³ nta³ coan³squi³ cho⁴ta⁴-ve⁴, Jesús c⁷oi⁴qui³tso²-le⁴ cho⁴ta⁴-le⁴. T⁷e²xco¹³ xcoa⁴-le⁴ xi³ ca²v⁷a³nqui³, jme¹-ni³ nca³ tsi² cjo¹tson¹-si¹ni³. ¹³Tsa³c⁷e¹xco¹, te³jao²-la⁴ ni⁴sin⁴ya¹ coan³ je² xcoa⁴-le⁴ je² aon² nio⁴xti²la⁴ cebada xi³ ts⁷a³nqui³ nca³ je³tsa³cjen² cho⁴ta⁴. ¹⁴C⁷ia⁴ nca³ tsa³ve³ je² choa⁴ xi³ qui³tsjoa³ Jesús, c⁷oi⁴qui³tso² cho⁴ta⁴-ve⁴: Je²-vi⁴ xi³ ña³qui³ cjoa⁴qui²xi⁴ nchja⁴ya³ t⁷a³ts⁷e⁴ Ni³na¹, je² xi³ tjin¹-ni³ nca³ cjoa⁴⁷ai¹ son³⁷nte³.

Jesús tso²²va³son² nta¹chi³con³

(Mt. 14:22-27; Mr. 6:45-52)

¹⁵Tsen³ coan³-le⁴ Jesús nca³ me³-le⁴ nca³ cjoa⁴⁷ai¹ tsoa⁴, nca³ cho⁴ta⁴ti¹tjon²-le⁴ s⁷in⁴². Ti⁴qui³-nca¹ni³ ni³nto³ nca³ to⁴je². ¹⁶C⁷ia⁴ nca³ je³coan³xon², ji³tjo³jen³ cho⁴ta⁴-le⁴, ji³cho² ya⁴ nta¹chi³con³. ¹⁷Ja³⁷a³s⁷en³ jnc³o³ chi³tso³, qui³ ya⁴ Capernaum, n⁷hoa¹-ni³

xi³ncoa³nta¹. Je³coan³njon², to⁴nca³
 Jesús cje³ fa³⁷ai³con²-jin²le⁴. **18** Jo³
 qui³tsin³nc³a³ na³nta¹ nca³ je² ntjao⁴
 xi³ n³ion¹ ja³⁷a³. **19** C⁷ia⁴ nca³ je³qui³
 jo³-ni³ tsa² jnco³ hora, cho⁴ta⁴-
 le⁴ tsa³ve³ Jesús nca³ tso²⁷va³son²
 nta¹chi³con³, ti¹nchoa¹čhian³-le⁴
 ya⁴ chi³tso³. Jo³ nca³ qui³tsa³cjon¹-
 le⁴ cho⁴ta⁴-le⁴. **20** To⁴nca³ Jesús
 c⁷oi⁴qui³tso²-le⁴: An³ nia¹³, a³li²
 jcon³-jion²³. **21** C⁷ia⁴ cho⁴ta⁴-le⁴
 coan³tsjoa³-le⁴ nca³ qui³scoe¹s⁷en³
 Jesús ya⁴ya³ chi³tso³. Nti⁴ton⁴ ji³cho²
 chi³tso³ ya⁴ nte³ jña³ nca³ tjio¹fi².

Cho⁴ta⁴ va¹sjai³ Jesús

22 Xi³ coan³ nchaon³ je² cho⁴ta⁴ xi³
 tjio¹ xi³ncoa³nta¹ jan¹ tsa³ve³ nca³
 tsin²-sa³ chi³tso³ ya⁴-ve⁴, to⁴jnco³
 ma³-ni³ je² xi³ qui³ya³ cho⁴ta⁴-
 le⁴ Jesús. To⁴nca³ Jesús li²coi³
 ja³⁷a³s⁷en³, to⁴je² cho⁴ta⁴-le⁴ xi³
 qui³. **23** Xi³ cja⁴⁷ai¹ chi³tso³ ja³⁷ai³-
 ni³ ya⁴ Tiberias, ya⁴ čhian³ jña³
 nca³ tsa³cjen² nio⁴xti²la⁴ c⁷ia⁴ nca³
 je² Nai³-na¹ je³qui³tsjoa³ cjoa⁴nta³.
24 C⁷ia⁴ nca³ tsa³ve³ cho⁴ta⁴ nca³
 Jesús li² ya⁴ ti¹jna³, ni⁴cho⁴ta⁴-
 le⁴jn², je² cho⁴ta⁴ xi³ tjio¹-sa³ve⁴
 qui³s⁷en³ ya⁴ chi³tso³-ve⁴, ja³⁷ai³ ya⁴
 Capernaum, tsa³ca¹sjai³ Jesús.

Jesús je² nio⁴xti²la⁴ xi³ tsjoa¹ cjoa⁴vi³jna³chon³

25 C⁷ia⁴ nca³ qui³sa³te³jn³
 xi³ncoa³nta¹ jan¹, c⁷oi⁴qui³tso²-le⁴:
 Rabí, c⁷ia¹ ja²⁷ai⁴ i⁴-vi⁴. **26** Jesús
 c⁷oi⁴qui³tso²-le⁴: Ña³qui³ cjoa⁴qui²xi⁴
 ña³qui³ cjoa⁴qui²xi⁴ xi³ xin³-no³,
 nca³ jon² ti³vi³jnchi³sjai³-nao¹³,
 a³li²coi³-jin² nca³ je² choa⁴ qui³⁷yao³,
 to⁴coi³ nca³ tsa³qui³cho³ nio⁴xti²la⁴,
 c⁷oa⁴ coan³squo³. **27** Ti⁴xao¹³ a³li²

to⁴t⁷a³ts⁷e⁴ je² xi³ vi³cha³² xi³
 fi³tson³, to⁴nca³ t⁷a³ts⁷e⁴ je² xi³
 vi³cha³² xi³ ti¹jna³ntsjai² xi³ tsjoa¹
 cjoa⁴vi³jna³chon³ nca³ntsjai², xi³ je²
⁷nti¹-le⁴ Ni³na¹ tsjoa¹-no³. Je² nti¹-
 le⁴ xi³ N⁷ai³-na¹ Ni³na¹ tsa³c⁷e¹choa⁴.
28 Cho⁴ta⁴-ve⁴ c⁷oi⁴qui³tso²-le⁴ Jesús:
 Jme¹ xi³ s⁷iain⁴-jin⁴, jme¹-ni³ nca³
 si⁴xa¹-si¹ni³lai⁴jin⁴ Ni³na¹ jo³-s⁷in²
 me³-le⁴. **29** Jesús c⁷oi⁴qui³tso²-
 le⁴: Je²-vi⁴ xa¹ xi³ me³-le⁴ Ni³na¹,
 nca³ c⁷oa⁴-s⁷in² coan⁴cjain¹-no³
 xi³ t⁷a³ts⁷e⁴ je² Cristo xi³ Ni³na¹
 qui³si³ca³sen¹. **30** C⁷ia⁴ cho⁴ta⁴-
 ve⁴ c⁷oi⁴qui³tso²-le⁴ni³: Jme¹-ni³
 choa⁴ xi³ c⁷oi⁴-na³jin⁴, jme¹-ni³
 nca³ c⁷oa⁴-s⁷in² jcha⁴-si¹ni³jin⁴,
 c⁷oa⁴ coan⁴cjain¹-na³jin⁴ xi³ t⁷a³tsi⁴.
 Jme¹ xa¹ xi³ n⁷iain²³ ji³. **31** Ne³ je²
 n⁷ai³jcha¹cjin³-na¹ tsa³cjen² je²
 nio⁴xti²la⁴ maná ya⁴ nte³t⁷a³xin²t⁷a³,
 jo³-s⁷in² tjil⁷a³ xon⁴: Qui³si³cjen² je²
 nio⁴xti²la⁴ xi³ ja³⁷ai³-ni³ nc⁷a³jmi³.
32 C⁷ia⁴ Jesús qui³tso²-le⁴: Ña³qui³
 cjoa⁴qui²xi⁴ ña³qui³ cjoa⁴qui²xi⁴
 xi³ xin³-no³: A³li²coi³ je² Moisés
 xi³ qui³tsjoa³-no³ je² nio⁴xti²la⁴
 xi³ nc⁷a³jmi³ ja³⁷ai³-ni³, to⁴nca³
 N⁷ai³-na⁴ je²-vi⁴ xi³ tsjoa¹-no³ je²
 nio⁴xti²la⁴ xi³ nc⁷a³jmi³ fa³⁷ai³-
 ni³ xi³ ña³qui³ cjoa⁴qui²xi⁴. **33** Je²
 nio⁴xti²la⁴ xi³ ts⁷e⁴ Ni³na¹, je² xi³
 vi³tjo³jen³-ni³ nc⁷a³jmi³, xi³ tsjoa¹-le⁴
 cjoa⁴vi³jna³chon³ cho⁴ta⁴son³⁷nte³.
34 Cho⁴ta⁴-ve⁴ c⁷oi⁴qui³tso²-le⁴:
 Señor, t⁷ai²ntsjai²-na³jin⁴ je²
 nio⁴xti²la⁴ je²-vi⁴. **35** Jesús qui³tso²-
 le⁴: An³ nia¹³ je² nio⁴xti²la⁴ xi³
 tsjoa¹ cjoa⁴vi³jna³chon³. Je² xi³
 fa³⁷ai³con²-na³ nca³ an³, a³li² c⁷ia³
 coan⁴vao³-le⁴. Je² xi³ ma³cjain¹-le⁴
 xi³ t⁷a³ts⁷an⁴, a³li² c⁷ia³ coan⁴fa³ti²-
 le⁴. **36** To⁴nca³ c⁷oa⁴qui³xin³-no³, nta³

tsa² an³ je³ tsa³⁷ ya³-nao¹³, li² coi³ ma³ cja¹-no³. ³⁷ Je² nca³ ts⁷ i³ xi³ tsjoa¹-na³ N⁷ ai³-na¹ cjoa⁴⁷ ai¹ con³-na³, c⁷ oa⁴ je² xi³ fa³⁷ ai³ con²-na³, an³ li² coi³ m⁷ aon³ sje³. ³⁸ Li² coi³ ji² tjo⁴ jen³-nia³ nc⁷ a³ jmi³, jme¹-ni³ nca³ c⁷ oa⁴ s⁷ in³-si¹ nia³ jo³-s⁷ in² me³-na³ nca³ an³, to⁴ nca³ jo³-s⁷ in² nca³ me³-le⁴ je² N⁷ ai³-na¹ xi³ qui³ si³ ca³ sen¹-na³. ³⁹ Coi³ xi³ me³-le⁴ je² N⁷ ai³-na¹ xi³ qui³ si³ ca³ sen¹-na³, nca³ ni⁴ jnc³-jin² cha⁴-na³ je² nca³ ts⁷ i³ xi³ je² qui³ tsjoa³-na³, to⁴ nca³ an³ si³ cja³⁷ a¹ ya³-ni³ le⁴ nca³ coi⁴ cho³ cje³⁷ t⁷ a³ ni⁴ chjin³. ⁴⁰ C⁷ oa⁴ coi³ xi³ me³-le⁴ je² xi³ qui³ si³ ca³ sen¹-na³, nca³ je² nca³ ts⁷ i³ xi³ ve³ n⁷ ti¹-le⁴, c⁷ oa⁴ xi³ ma³ cja¹-le⁴ t⁷ a³ ts⁷ e⁴, ca² ta³⁷ s⁷ e³-le⁴ cjoa⁴ vi³ jna³ chon³ nca³ ntsjai². C⁷ oa⁴ an³ si³ cja³⁷ a¹ ya³-ni³ le⁴ nca³ coi⁴ cho³ cje³⁷ t⁷ a³ ni⁴ chjin³. ⁴¹ C⁷ ia⁴ cho⁴ ta⁴ judíos tsa³ cja¹ ya³-ni³ xi³ t⁷ a³ ts⁷ e⁴ nca³ c⁷ oi⁴ qui³ tso²: An³ nia¹³ nio⁴ xti² la⁴ xi³ ji² tjo⁴ jen³-nia³ nc⁷ a³ jmi³. ⁴² Cho⁴ ta⁴ judíos c⁷ oi⁴ qui³ tso²: A³ tsi² tsa² je²-vi⁴ Jesús, n⁷ ti¹-le⁴ José. ⁷ ya³ xcon³-nia¹ n⁷ ai³-le⁴ cao⁴ na⁴-le⁴. A¹-ni³ c⁷ oa⁴ tso²-si¹ ni³: Ji² tjo⁴ jen³-nia³ nc⁷ a³ jmi³. ⁴³ C⁷ ia⁴ Jesús c⁷ oi⁴ qui³ tso²-le⁴: A³ li² c⁷ oa⁴-jin² s⁷ in² cho⁴ va² ya³-nio³ xi² nquo⁴³. ⁴⁴ Ni⁴⁷ ya³-jin² xi³ coan⁴ nca³ cjoa⁴⁷ ai¹ con³-na³, tsa² je² N⁷ ai³-na¹ xi³ qui³ si³ ca³ sen¹-na³ li² coi³ cjoa⁴⁷ ai¹ cao⁴. An³ si³ cja³⁷ a¹ ya³-ni³ le⁴ nca³ coi⁴ cho³ cje³⁷ t⁷ a³ ni⁴ chjin³. ⁴⁵ Je² xi³ qui³ nchja⁴ ya³ t⁷ a³ ts⁷ e⁴ Ni³ na¹, c⁷ oa⁴-s⁷ in² qui³ squi³: Ni³ na¹ coa⁴ co² ya³-le⁴ nca³ ts⁷ i³. C⁷ oa⁴-s⁷ in² ni³ je² nca³ ts⁷ i³ xi³ qui³ nch⁷ oe¹-le⁴ N⁷ ai³-na¹, xi³ coan³ cho⁴ ya³-le⁴, an³ fa³⁷ ai³ con²-na³. ⁴⁶ Li²⁷ ya³ xi³ tsa³ ve³ N⁷ ai³-na¹

to⁴ je² xi³ ja³⁷ ai³ xi³ ts⁷ e⁴ Ni³ na¹, je²-vi⁴ xi³ tsa³ ve³ N⁷ ai³-na¹. ⁴⁷ Ña³ qui³ cjoa⁴ qui² xi⁴ ña³ qui³ cjoa⁴ qui² xi⁴ xi³ xin³-no³: Je² xi³ ma³ cja¹-le⁴ xi³ t⁷ a³ ts⁷ an⁴, tj¹ in¹-le⁴ cjoa⁴ vi³ jna³ chon³ nca³ ntsjai². ⁴⁸ An³ nia¹³ nio⁴ xti² la⁴ xi³ tsjoa¹ cjoa⁴ vi³ jna³ chon³. ⁴⁹ Je² n⁷ ai³ jcha¹ cjin³-no³ tsa³ cjen² je² nio⁴ xti² la⁴ maná ya⁴ n⁷ te³⁷ t⁷ a³ xin² t⁷ a³, c⁷ oa⁴ c⁷ en³-ni¹. ⁵⁰ Je²-vi⁴ je² nio⁴ xti² la⁴ xi³ vi³ tjo³ jen³-ni³ nc⁷ a³ jmi³, jme¹-ni³ nca³ tsi² coi⁴ ya²-si¹ ni³ je² xi³ je² coa⁴ cjen⁴. ⁵¹ An³ nia¹³ nio⁴ xti² la⁴ xi³ ti¹ jna³ con³, xi³ ji² tjo⁴ jen³-nia³ nc⁷ a³ jmi³. Tsa² jnc³ xi³ je² nio⁴ xti² la⁴ coa⁴ cjen⁴, c⁷ oe¹ jna³ con³-ni¹ nca³ ntsjai². Je² yao³-na⁴ je² nio⁴ xti² la⁴ xi³ an³ tsjoa³. Coi³ xi³ an³ tsjoa³, jme¹-ni³ nca³ coa⁴ tio⁴ con³-si¹ ni³ cho⁴ ta⁴ son³⁷ nte³. ⁵² C⁷ ia⁴ cho⁴ ta⁴ judíos qui³ nchja⁴ i⁴ qui³ nchja⁴ jan¹ qui³ tso²: Jo¹-s⁷ in² coan⁴-ni³ le⁴ je²-vi⁴ nca³ si⁴² cjen²-na¹ yao³-le⁴. ⁵³ Jesús c⁷ oi⁴ qui³ tso²-le⁴ cho⁴ ta⁴ judíos: Ña³ qui³ cjoa⁴ qui² xi⁴ ña³ qui³ cjoa⁴ qui² xi⁴ xi³ xin³-no³, tsa² tsi² tsa² chi⁴ nao⁴³ yao³-le⁴ n⁷ ti¹-le⁴ cho⁴ ta⁴, tsa² tsi² tsa² s⁷ io⁴³ njin¹-le⁴ je⁴, tsin²-no³ cjoa⁴ vi³ jna³ chon³-jin². ⁵⁴ Je² xi³ squi⁴ ne⁴ yao³-na⁴, c⁷ oa⁴ sc⁷ oi¹ njin¹-na⁴, tj¹ in¹-le⁴ cjoa⁴ vi³ jna³ chon³ nca³ ntsjai². An³ si³ cja³⁷ a¹ ya³-ni³ le⁴ nca³ coi⁴ cho³ cje³⁷ t⁷ a³ ni⁴ chjin³. ⁵⁵ Je² yao³-na⁴ xi³ ña³ qui³ ma³ chi³ ne³, c⁷ oa⁴ je² njin¹-na⁴ xi³ ña³ qui³ ma³⁷ yo². ⁵⁶ Je² xi³ squi⁴ ne⁴ yao³-na⁴, c⁷ oa⁴ xi³ sc⁷ oi¹ njin¹-na⁴, an³ ti¹ jna³ cao⁴ ntsjai²-na³, c⁷ oa⁴-ti⁴ an³ ti² jna⁴ jin³ ntsje²³ ni⁴ ma⁴-le⁴. ⁵⁷ Jo³-s⁷ in² qui³ si³ ca³ sen¹-na³ N⁷ ai³-na¹ xi³ ti¹ jna³ con³, c⁷ oa⁴ an³ ti² jna⁴ coan³ xi³ to⁴ t⁷ a³ ts⁷ e⁴ N⁷ ai³-na¹, c⁷ oa⁴-ti⁴ s⁷ in²

⁷ya³ xi³ an³ squi⁴ne⁴-na³ c⁷oe¹jna³con³ xi³ to⁴t⁷a³ts⁷an⁴. ⁵⁸Je²-vi⁴ nio⁴xti²la⁴ xi³ ji³tjo³jen³-ni³ nc⁷a³jmi³. A³li² jo³-s⁷in² n⁷ai³jcha¹cjin³-no³ tsa³cjen² je² nio⁴xti²la⁴ maná, c⁷oa⁴ c⁷en³-ni¹. Je² xi³ cjen² je² nio⁴xti²la⁴ c⁷oe¹jna³con³ nca³ntsjai². ⁵⁹Je² cjoa⁴ je²-vi⁴ c⁷oa⁴qui³tso² ya⁴³ nt⁷ia³ sinagoga c⁷ia⁴ nca³ tsa³ca³co¹ya³ ya⁴ Capernaum.

En¹ xi³ tsjoa¹ cjoa⁴vi³jna³chon³ nca³ntsjai²

⁶⁰Ncjin² cho⁴ta⁴-le⁴ c⁷oi⁴qui³tso² c⁷ia⁴ nca³ qui³nch⁷oe¹-le⁴: Cjai¹nca³ ñ⁷ain³ tjin¹ en¹ je²-vi⁴. ⁷ya¹ xi³ coan⁴ cjo¹i⁴nch⁷oe¹-le⁴. ⁶¹C⁷ia⁴ nca³ tsa³ve³-le⁴con³ Jesús nca³ cho⁴ta⁴-le⁴ tjio¹fao¹ya³-ni³ xi³ t⁷a³ts⁷e⁴ en¹-vi⁴ c⁷oi⁴qui³tso²-le⁴: A³ si¹lji³-no³ je² en¹-vi⁴. ⁶²Jo¹ coan⁴-no³ tsa² jchao⁴³ n⁷ti¹-le⁴ cho⁴ta⁴ nca³ coai⁴mi³ jña³ nca³ ja³⁷ai³-ni³. ⁶³Je² espíritu-na¹ xi³ tsjoa¹ cjoa⁴vi³jna³chon³. Je² yao³-na¹ li²jme³ xi³ chji¹-le⁴. Je² en¹ xi³ tsa³cja²cao⁴-no³ je² xi³ espíritu, c⁷oa⁴ je² xi³ cjoa⁴vi³jna³chon³. ⁶⁴To⁴nca³ tjin¹ c⁷ao³ nca³ jon² xi³ tsi² ma³cjain¹-no³. Jesús tsa³ve³-le⁴con³ jo³ sa³⁷nta³ nca³ ti¹tjon² ⁷ya³-ni³ve⁴ xi³ tsi² tsa² coi³ ma³cjain¹-le⁴, c⁷oa⁴ ⁷ya³-ni³ve⁴ xi³ c⁷oe⁴²t⁷ain³ na⁴jmi¹ xi³ t⁷a³ts⁷e⁴. ⁶⁵C⁷oi⁴qui³tso² Jesús: Coi³ c⁷oa⁴qui³xin³-no³, ni⁴⁷ya³-jin² xi³ coan⁴ cjoa⁴⁷ai¹con³-na³ tsa² tsi² je² N⁷ai³-na¹ xi³ qui³si³ca³sen¹con³-na³. ⁶⁶C⁷ia⁴ sa³⁷nta³ ncjin² cho⁴ta⁴-le⁴ Jesús qui³si³c⁷o¹fa³ya³, li²coi³ ti⁴ya⁴ ts⁷a³mjen³cao⁴-ni³. ⁶⁷C⁷ia⁴ Jesús qui³tso²-le⁴ xi³ te³jao² pa²stro⁴-le⁴: A³ c⁷oa⁴-ti⁴ me³-no³je⁴ nca³ jon² nca³ coa⁴nquion¹³. ⁶⁸Simón Pedro qui³tso²-le⁴: ⁷ya¹ xi³

coa⁴nquin¹chon³-lai⁴jin⁴. Ji³ xi³ tjin¹-li² en¹ xi³ tsjoa¹ cjoa⁴vi³jna³chon³ nca³ntsjai². ⁶⁹Jin⁴-jin⁴ ma³cjain¹-na³jin⁴, c⁷oa⁴ ⁷ya³-ni¹⁴jin⁴ nca³ ji³ ni¹³ Cristo, xi³ n⁷ti¹-le⁴ Ni³na¹ xi³ ti¹jna³con³. ⁷⁰C⁷ia⁴ Jesús qui³tso²-le⁴: A³ tsi² tsa² an³ qui³scoe²j³in³-no³ xi³ te³jao² mao³, to⁴nca³ jnco³ xi³ ti¹jna³j³in³-no³ xi³ nai⁴² cjoan³. ⁷¹Qui³nchja⁴ xi³ t⁷a³ts⁷e⁴ Judas Iscariote, n⁷ti¹-le⁴ Simón, nca⁴ je²-vi⁴ xi³ c⁷oe⁴²t⁷ain³ na⁴jmi¹ xi³ t⁷a³ts⁷e⁴ Jesús. Je² Judas jnco³ xi³ te³jao² ma³-ni¹ pa²stro⁴-ve⁴.

Nts⁷e⁴ Jesús li²coi³ coan³cjain¹-le⁴ xi³ t⁷a³ts⁷e⁴

7 Xi³ coan³ je² cjoa⁴-vi⁴ ts⁷a³mjen³ Jesús ya⁴ Galilea. Cai³-le⁴ v⁷a³mjen³ ya⁴ Judea, nca⁴ je² cho⁴ta⁴ judíos to⁴c⁷oa⁴-s⁷in² me³-le⁴ nca³ si⁴²c⁷en³.

²Je²n⁷choa¹chian³-le⁴ s⁷oi¹-le⁴ cho⁴ta⁴ judíos, je² s⁷oi¹ tabernáculos. ³Nts⁷e⁴ qui³tso²-le⁴ Jesús: Ti²tjo⁴-ni³ i⁴-vi⁴, t⁷in³ ya⁴ Judea, jme¹-ni³ nca³ cho⁴ta⁴-li⁴ c⁷oa⁴-ti⁴ scoe⁴-si¹ni³ jo³ n⁷ia²³. ⁴Ni⁴to⁴⁷ya³-jin² xi³ me³-le⁴ va³co¹son²tsen³ yao³-le⁴ si¹xa¹-nqui³⁷ma³. Tsa² c⁷oa⁴n⁷ia²³ je² cjoa⁴-vi⁴, ta³co²son²tsen³-lai⁴ yao³-li⁴ cho⁴ta⁴. ⁵Sa³⁷nta³ je² nts⁷e⁴ li²coi³ coan³cjain¹-le⁴ xi³ t⁷a³ts⁷e⁴. ⁶C⁷ia⁴ Jesús c⁷oi⁴qui³tso²-le⁴: Ni⁴chjin³-na⁴ cje³ fa³⁷ai³jin², to⁴nca³ ni⁴chjin³-no³ ti¹jna³ntsjai²-ni¹. ⁷Je² cho⁴ta⁴son³⁷nte³ li²coi³ ma³ nca³ jon² ch⁷ao³ ve³-no³, to⁴nca³ an³ ch⁷ao³ ve³-na³, nca⁴ an³ tsjoa³ en¹-na⁴ xi³ t⁷a³ts⁷e⁴ nca³ li²coi³ nta³ s⁷in¹. ⁸Jon² ta⁴nquin¹mio³ s⁷oi¹-ve⁴. Cje³ fi³mi³-jian²³ je² s⁷oi¹-vi⁴, nca³ ni⁴chjin³-na⁴ cje³ fi³cho¹-jin². ⁹C⁷ia⁴ nca³

je³c^oa⁴qui³tso²-le⁴, ya⁴ tsa³c^oe²jna³
ya⁴ Galilea.

Jesús qui³mi³ ya⁴ s^ooi¹ tabernáculos

¹⁰C^oia⁴ nca³ je³qui³mi³ nts^oe⁴,
c^oa⁴-ti⁴ qui³mi³ Jesús ya⁴ s^ooi¹-ve⁴.
Li²coi³ qui³tsen³, to⁴qui³⁷ma³-ni¹.
¹¹Cho⁴ta⁴ judíos tsa³ca¹sjai³ Jesús
ya⁴ s^ooi¹-ve⁴, c^ooi⁴qui³tso²: Jñā¹
ti¹jna³ nta⁴ nca³ je². ¹²Jo³ nca³
tsa³cjao¹ya³-ni³ nca³ts^oi³ cho⁴ta⁴
xi³ t^oa³ts^oe⁴ Jesús. Tjin¹ c^oa³ xi³
qui³tso²: Cjai¹nca³ nta³ nca³ je².
Xi³ cja⁴⁷ai¹ qui³tso²: Ma³jain²,
to⁴v^oa³na⁴cha⁴-le⁴ cho⁴ta⁴. ¹³Ni⁴⁷ya³-
jin² xi³ qui³nchja⁴tsen³ xi³ t^oa³ts^oe⁴,
nca⁴ qui³tsa³cjon¹-le⁴ cho⁴ta⁴ judíos.
¹⁴C^oia⁴ jin³ s^ooi¹-ve⁴ qui³mi³ Jesús
ya⁴ yo⁴nco⁴, c^oa⁴ tsa³ca³co¹ya³. ¹⁵Jo³
to⁴coan³xcon¹-le⁴ cho⁴ta⁴ judíos,
c^ooi⁴qui³tso²: Jo¹ ma³-ni³ nca³ c^oa⁴-
s^oin² to⁴chji⁴ne⁴-si¹ni³, nca³ tsi²
tsa² coi³ qui³sco²t^oa³ya³. ¹⁶Jesús
qui³tso⁴-le⁴: Je² en¹ xi³ ti²va³co³ya²³
a³li² ts^oan⁴-jian²³ en¹, to⁴nca³ ts^oe⁴-
ni³ je² xi³ qui³si³ca³sen¹-na³. ¹⁷Je²
xi³ me³-le⁴ nca³ s^oin¹ jo³-s^oin² me³-
le⁴ Ni³na¹, c^oa⁴-s^oin² scoe⁴ je² en¹
xi³ ti²va³co³ya²³, tsa² ts^oe⁴ Ni³na¹,
c^oa⁴ tsa² an³ nchja²³ xi³ to⁴ts^oan⁴.
¹⁸Je² xi³ to⁴ts^oe⁴ nchja⁴-ni¹, va¹sjai³
cjoa⁴je³ya³ xi³ ti⁴t^oa³ts^oe⁴-ni³. Je²
xi³ va¹sjai³ cjoa⁴je³ya³ xi³ t^oa³ts^oe⁴
je² xi³ qui³si³ca³sen¹ nca³ je²,
je²-vi⁴ xi³ cjoa⁴qui²xi⁴, c^oa⁴ tsin²-
le⁴ cjoa⁴ch^oa²na⁴cha⁴-jin². ¹⁹A³
tsi² tsa² qui³tsjoa³-no³ Moisés je²
cjoa⁴te¹xo³ma³, c^oa⁴ ni⁴⁷ya³-jin²
nca³ jon² xi³ coi³ ti¹si¹qui³tjo³son².
A¹-ni³ nca³ c^oa⁴-s^oin² me³-no³
nca³ si⁴c^oen³-nao¹³. ²⁰Cho⁴ta⁴-ve⁴
c^ooi⁴qui³tso²: Cho⁴ta⁴nai⁴²-lai⁴.
y^oya¹ xi³ me³-le⁴ nca³ si⁴²c^oen³-li².

²¹C^oia⁴ Jesús c^ooi⁴qui³tso²-le⁴: Jnc^o
xa¹ qui³s^oian³. Jo³ coan³xcon¹-no³
nca³ts^oio³. ²²Cjoa⁴qui²xi⁴-ni¹ Moisés
qui³tsjoa³-no³ je² cjoa⁴circuncisión
(a³li² tsa² je² Moisés xi³ ts^oe⁴,
to⁴c^oa⁴-s^oin² y^oa³-ni³ sa³⁷nta³
n^oai³jcha¹cjin³-na¹). Jon² n^oian²-
lao⁴³ cjoa⁴circuncisión cho⁴ta⁴x²in⁴
coi³ ni⁴chjin³ ni²cja¹ya³. ²³C^oia⁴
tsa² coi³ ni⁴chjin³ ni²cja¹ya³ cjoe¹
cjoa⁴circuncisión cho⁴ta⁴x²in⁴,
jme¹-ni³ nca³ tsi² cjo¹tson¹ya³-
si¹ni³ cjoa⁴te¹xo³ma³-le⁴ Moisés, a³
ma³jti³cha³-nao¹³ nca³ qui³si³nta³
nca³yi³je³ yao³-le⁴ jnc^o cho⁴ta⁴x²in⁴
coi³ ni⁴chjin³ ni²cja¹ya³. ²⁴A³li²coi³
c^oa⁴-s^oin² cho¹son²-ni³lao⁴³ jñā³-
le⁴ve⁴ jo³-s^oin² nca³ ma³tsen³, to⁴nca³
c^oa⁴-s^oin² cho¹son²-la²na¹nta³lao⁴³
jñā³-le⁴ xi³ tjin¹-le⁴ cjoa⁴qui²xi⁴.

A³ je²-vi⁴ je² Cristo

²⁵C^oia⁴ qui³tso² c^oa³ cho⁴ta⁴ xi³
Jerusalén ts^oe⁴: A³ tsi² tsa² je²-
vi⁴ xi³ tjio¹va¹sjai³ nca³ si⁴²c^oen³.
²⁶Coe⁴-si³ ti¹s^oin¹, ti¹nchja⁴jin³
va³sen³-le⁴ cho⁴ta⁴, c^oa⁴ li²jo³ tso²-
le⁴. Tsa² ñā³qui³ je³coan³cho⁴ya³-le⁴
cho⁴ta⁴ti¹tjon² nca³ je² je²-vi⁴ Cristo.
²⁷To⁴nca³ je²-vi⁴ y^oa³-nia¹ jñā³-ni³ve⁴
ts^oe⁴. C^oia⁴ nca³ cjoa⁴⁷ai¹ Cristo,
li²²ya³ xi³ scoe⁴ jñā³-ni³ve⁴ ts^oe⁴.
²⁸C^oia⁴ n^oian¹ qui³nchja⁴ Jesús ya⁴³
yo⁴nco⁴, tsa³ca³co¹ya³, c^ooi⁴qui³tso²:
y^oya³xcon³-nao¹³ nca³ an³, y^oa³-nio¹³
jñā³-ni³ve⁴ ts^oan⁴. Li²coi³ je²⁷e⁴
xi³ to⁴t^oa³ts^oan⁴, to⁴nca³ je² N^oai³-
na¹ xi³ qui³si³ca³sen¹-na³, je² xi³
cjoa⁴qui²xi⁴. A³li²coi³ y^oa³xcon³
nca³ je². ²⁹To⁴nca³ an³ y^ove³xcoan³
N^oai³-na¹, nca⁴ an³ nia¹³ xi³ ts^oe⁴. Je²
qui³si³ca³sen¹-na³. ³⁰C^oia⁴ cho⁴ta⁴
me³-le⁴ nca³ tsoa⁴ Jesús, to⁴nca³

ni⁴²ya³-jin² xi³ jo³ qui³si³cao⁴, nca⁴
cje³ fi³cho¹-jin² hora-le⁴. ³¹Cjai¹nca³
ncjin² cho⁴ta⁴na⁴xi⁴na³nta¹-ve⁴
xi³ coan³cjain¹-le⁴ t²a³ts⁷e⁴ Jesús.
C⁷oi⁴qui³tso² cho⁴ta⁴-ve⁴: C⁷ia⁴ nca³
cjoa⁴²ai¹ je² Cristo, a³ nqui²sa⁴
cja⁴²ai¹-s⁷in² tsjoa¹ choa⁴ jo³-s⁷in²
tsjoa¹ je²-vi⁴.

**Cho⁴ta⁴ fariseos qui³si³ca³sen¹
ma³yo² nca³ ca²ta³tsoa³ Jesús**

³²Cho⁴ta⁴ fariseos qui³nch⁷oe¹-
le⁴ cho⁴ta⁴-vi⁴ nca³ c⁷oa⁴tjio¹tso²
je² cjoa⁴-vi⁴ xi³ t²a³ts⁷e⁴. Je²
cho⁴ta⁴ti¹tjon²-le⁴ na⁴⁷mi³ cao⁴
cho⁴ta⁴ fariseos qui³si³ca³sen¹
ma³yo² nca³ ca²ta³tsoa³ Jesús.

³³C⁷ia⁴ c⁷oi⁴qui³tso² Jesús:
To⁴jo³ coa²te⁴jna³cao⁴-sa³no³
to⁴choa³ ni⁴chjin³. Cjoi¹con³-le⁴ xi³
qui³si³ca³sen¹-na³. ³⁴Coi⁴jnchi¹sjai³-
nao¹³, li²coi³ coan⁴sjai³-nao¹³.

Ya⁴ jña³ nca³ ti²jna⁴ li²coi³ coan⁴
cjoia⁴nchoao²³ nca³ jon². ³⁵C⁷ia⁴
cho⁴ta⁴ judíos qui³tso²-le⁴ xi¹ncjin¹:
Jña¹-la⁴ coai⁴ xo⁴cji³-vi⁴, nca³ tsi² tsa²
coan⁴sjai³-na¹. A³ ya⁴ coai⁴con³-le⁴
je² xi³ qui³jjin³-le⁴ cho⁴ta⁴ griegos. A³
coai⁴ ca³co¹ya³-le⁴ cho⁴ta⁴ griegos.
³⁶Jo¹ tso²-ni³le⁴ nca³ c⁷oi⁴ca²tso²:
Coi⁴jnchi¹sjai³-nao¹³, li²coi³
coan⁴sjai³-nao¹³. Ya⁴ jña³ nca³ ti²jna⁴
li²coi³ coan⁴ cjoia⁴nchoao²³ nca³ jon².

Xo³nca¹na³nta¹ xi³ ti¹jna³con³

³⁷Je² ni⁴chjin³ xi³ je³t²a³-ni³ nca³
s⁷oi¹je³, Jesús tsa³ca³sen¹nto³, n⁷ion¹
qui³nchja⁴: Tsa² jnco³ xi³ fa³ti²-le⁴,
ca²tji³nchoa¹con³-na³ ca²ta³⁷vi³.

³⁸Je² xi³ ma³cjain¹-le⁴ xi³ t²a³ts⁷an⁴,
jo³-ni³ xo³nca¹na³nta¹ xi³ ti¹jna³con³
coi⁴tjo³jjin³-ni³le⁴ ni⁴ma⁴-le⁴, jo³ tso²
xon⁴ Escritura. ³⁹Coi³ xi³ qui³tso²

xi³ t²a³ts⁷e⁴ je² Espíritu Santo xi³
je² xi³ ma³cjain¹-le⁴ t²a³ts⁷e⁴ Jesús
s⁷a⁴ scoe¹. Cje³-sa³ fa³⁷ai³-jin² je²
Espíritu Santo, nca⁴ cje³ s⁷e³-jin²le⁴
cjoa⁴je³ya³ Jesús.

Cho⁴ta⁴ tjio¹jao²ya³ xi³ t²a³ts⁷e⁴ Jesús

⁴⁰C⁷a³ cho⁴ta⁴ xi³ ya⁴ tjio¹jjin³
c⁷oi⁴qui³tso² c⁷ia⁴ nca³ qui³nch⁷oe¹
je² en¹-vi⁴: Je²-vi⁴ ntai⁴ xi³ ña³qui³
nchja⁴ya³ t²a³ts⁷e⁴ Ni³na¹. ⁴¹Cja⁴²ai¹-
sa³ xi³ c⁷oi⁴qui³tso²: Je²-vi⁴ Cristo.
To⁴nca³ tjjin¹ c⁷a³ xi³ qui³tso²: A³ ya⁴
Galilea cjoa⁴²ai¹-ni³ Cristo. ⁴²A³ tsi²
tsa² c⁷oa⁴tso² xon⁴ Escritura nca³
Cristo cjoa⁴²ai¹-ni³ ntje⁴-le⁴ David ya⁴
na⁴xi⁴na³nta¹ Belén, jña³ nca³ ts⁷e⁴
David. ⁴³C⁷oa⁴-s⁷in² coan³jao²ya³
cho⁴ta⁴ xi³ t²a³ts⁷e⁴ je² Cristo. ⁴⁴Tjin¹
c⁷a³ cho⁴ta⁴ xi³ me³-le⁴ nca³ tsoa⁴,
to⁴nca³ li²⁷ya³ xi³ je² qui³si³cao⁴.

**Ni⁴c⁷ia³-jin² qui³nchja⁴ cho⁴ta⁴
jo³-s⁷in² ti¹nchja⁴ Jesús**

⁴⁵Je² ma³yo² ja³⁷ai³con²-
le⁴ cho⁴ta⁴ti¹tjon²-le⁴ na⁴⁷mi³
cao⁴ cho⁴ta⁴ fariseos xi³
qui³sco²na³nqui³-le⁴: A¹-ni³ nca³ tsi²
ji³nchoa³cao⁴-si¹nio³.

⁴⁶Je² ma³yo² qui³nchja⁴:
Ni⁴to⁴c⁷ia³-jin² qui³nchja⁴ cho⁴ta⁴
jo³-s⁷in² ti¹nchja⁴ je² cho⁴ta⁴x⁷in⁴-
vi⁴. ⁴⁷C⁷ia⁴ je² cho⁴ta⁴ fariseos
c⁷oi⁴qui³tso²-le⁴:

A³ c⁷oa⁴²-ti⁴ qui³ch⁷a²na⁴cha⁴-
no³ nta³ tsa² jon². ⁴⁸A³ c⁷oa⁴-ti⁴
cji³ma³cjain¹c⁷a³-le⁴ cho⁴ta⁴ti¹tjon²
a³xo⁴ cho⁴ta⁴ fariseos. ⁴⁹To⁴nca³
je² cho⁴ta⁴yo⁴ma⁴ xi³ tsi² tsa² ve³
cjoa⁴te¹xo³ma³, nai⁴² ca²ta³fi²cao⁴.

⁵⁰Nicodemo c⁷oi⁴qui³tso²-le⁴ (je² ni¹
xi³ ja³⁷ai³con²-le⁴ Jesús nca³ njion²,
je² xi³ jnco³ xi³ ti⁴je²-ni³ cho⁴ta⁴):

51 Je² cjoa⁴te¹xo³ma³-na¹ a³ tsjoa¹-le⁴ cjoa⁴n³ain³ jnc³ cho⁴ta⁴, tsa² tsi² tsa² ti¹tjon²-cjoa²la² coi⁴no¹⁷ya²-le⁴², c²oa⁴ coan⁴cho⁴ya³-na¹ jme³ xi³ qui³s²in³.

52 Cho⁴ta⁴ fariseos qui³tso²-le⁴

Nicodemo:

A³ c²oa⁴-ti⁴ ya⁴² tsi⁴ ya⁴ Galilea. Tja³sja³j³in³, c²oa⁴ cho¹tsian³ nca³ ni⁴c²ia³-j³in² ja³⁷ai³-ni³ ya⁴ Galilea jnc³ xi³ nchja⁴ya³ t²a³ts²e⁴ Ni³na¹.

Je² chjon⁴² xi³ qui³si³cha³jnqui³

53 To⁴c²oa⁴-s²in² qui³tsao³ya³ cho⁴ta⁴. Nca³⁷i⁴ nca³jan¹ qui³ ni³⁷ya³-le⁴.

8 C²ia⁴ qui³ Jesús ya⁴ ni³nto³ Olivos. ²Xi³ qui³s²e³sen¹ ja³⁷ai³-nca¹ni³ yo⁴nco⁴. Nca³ts²i³ cho⁴ta⁴ ja³⁷ai³con²-le⁴. Jesús tsa³c²e²jna³ tsa³ca³co¹ya³-le⁴. ³C²ia⁴ je² cho⁴ta⁴ scribano cao⁴ cho⁴ta⁴ fariseos ja³⁷ai³cao⁴-le⁴ jnc³ chjon⁴² xi³ qui³si³cha³jnqui³. Cho⁴ta⁴ qui³si³c²e¹jna³va³sen³ chjon⁴²-ve⁴. ⁴C²oi⁴qui³tso²-le⁴ Jesús: Maestro, je² chjon⁴²-vi⁴ tsa³⁷ya³ain³-ni¹ nca³ qui³si³cha³jnqui³. ⁵Tj¹i¹t²a³ cjoa⁴te¹xo³ma³-le⁴ Moisés nca³ coa⁴sen²-le⁴² la⁴jao⁴ cho⁴ta⁴ xi³ c²oa⁴s²in¹. Jo¹ si³ nca³ ji³.

⁶To⁴c²oa⁴qui³tso² nca³ qui³sco²t²a³ Jesús, jme¹-ni³ nca³ coan⁴-ni³le⁴ nca³ coa⁴²nqui³. To⁴nca³ Jesús tsa³ca³sen²nia³, qui³squi³-ni³ na⁴jma¹ntsja³ ja⁴t²a³na³nqui³. ⁷C²ia⁴ nca³ to⁴jo³ qui³tsin²na³nqui³-sa³le⁴ Jesús qui³sa³sen³qui²xi⁴-ni³ qui³tso²-le⁴: Je² nca³ jon² xi³ tsin²-le⁴ je¹-jin², je²-vi⁴ xi³ ti¹tjon² ca²ta³sen¹-le⁴ la⁴jao⁴ chjon⁴²-ve⁴.

⁸Nqui²ntia³ tsa³ca³sen²nia³-nca¹ni³, qui³squi³ ja⁴t²a³na³nqui³. ⁹Cho⁴ta⁴

qui³nch²oe¹-le⁴, c²oa⁴ coan³soa³-le⁴. Jnc¹jnc¹ ji³tjo³, va³se²ts²ia⁴cjoan²-ni³ xi³ jchi¹nca³ sa³⁷nta³ xi³ ma³⁷nti¹. Tsa³c²e²jna³ to⁴je² Jesús cao⁴ chjon⁴²-ve⁴ xi³ ti¹jna³j³in³va³sen³.

¹⁰Qui³sa³sen³qui²xi⁴-ni³ Jesús, tsa³ve³ nca³ li²⁷ya³ xi³ ti⁴ya⁴ tjio¹-ni³ to⁴je²-sa³ chjon⁴²-ve⁴, qui³tso²-le⁴: Chjon⁴², jñ¹ tjio¹ xi³ tsa³ca¹nqui³-li². A³ tsi² ²ya³ xi³ tsa³c²aon³ne²-li² cjoa⁴n³ain³. ¹¹Chjon⁴²-ve⁴ qui³tso²: Señor, ni⁴⁷ya³-jin². C²ia⁴ Jesús qui³tso²-le⁴: C²oa⁴-ti⁴ an³ li²coi³ c²aon³ne²-le²³ cjoa⁴n³ain³. T²in³, a³li² ti⁴je¹-jin² vi³jnchi³-ni³.

Jesús je² l²i¹ xi³ si¹⁷i³sen³ son³⁷nte³

¹²Jesús c²oi⁴qui³tso²-nca¹ni³le⁴ cho⁴ta⁴ fariseos: An³ nia¹³ l²i¹ xi³ si¹⁷i³sen³ son³⁷nte³. Je² xi³ fi²t²a³-na³ li²coi³ c²oa¹mjen³ jñ³ nca³ njion², to⁴nca³ s²e⁴-le⁴ je² l²i¹ xi³ tsjoa¹ cjoa⁴vi³-jna³chon³. ¹³C²ia⁴ cho⁴ta⁴ fariseos c²oi⁴qui³tso²-le⁴: Ji³ v²ai²³ en¹-li⁴ xi³ to⁴t²a³tsi⁴-ni¹, to⁴nca³ li²coi³ cjoa⁴qui²xi⁴ en¹-li⁴. ¹⁴Qui³nchja⁴ Jesús c²oi⁴qui³tso²-le⁴: Nta³ tsa² an³ tsjoa³ en¹-na⁴ xi³ to⁴t²a³ts²an⁴, je² en¹-na⁴ cjoa⁴qui²xi⁴-ni¹, nca³ ²ve³ jñ³ nca³ ja²⁷ai⁴-nia³, c²oa⁴ jñ³ nca³ cjoia¹³, to⁴nca³ jon² li²coi³ ²yao³ jñ³ nca³ ja²⁷ai⁴-nia³, c²oa⁴ jñ³ cjoia¹³. ¹⁵Jon² c²oa⁴-s²in² cho¹son²-ni³lao⁴³ jo³ cjoan³ cho⁴ta⁴ jo³-s²in² cho²tsen³-lao⁴³, to⁴nca³ li²⁷ya³ xi³ an³ c²oa⁴-s²in² co³son²-ni³le⁴. ¹⁶Tsa² an³ co³son²-ni³le⁴, ñ³qui³ c²oa⁴tjin¹ xi³ an³ co³son²-ni³le⁴, nca³ tsi² tsa² to⁴⁷an³-jian²³, to⁴nca³ an³ cao⁴ je² xi³ qui³si³ca³sen¹-na³, je² N²ai³-na¹. ¹⁷Ya⁴ xon⁴ cjoa⁴te¹xo³ma³-no³ tji¹t²a³, c²ia⁴ nca³ jao² ma³-ni³

testigo, je² en¹-le⁴ cjoa⁴qui²xi⁴-ni¹.
 18 An³ nia¹³ xi³ tsjoa³ en¹-na⁴ xi³
 to⁴t'a³ts'an⁴, c'oa⁴-ti⁴ tsjoa¹ en¹-le⁴
 xi³ t'a³ts'an⁴ je² xi³ qui³si³ca³sen¹-
 na³, je² N'ai³-na¹. 19 Cho⁴ta⁴ fariseos
 c'oi⁴qui³tso²-le⁴ Jesús: Jña¹ ti¹jna³
 N'ai³-li⁴. Jesús qui³nchja⁴: Sa³⁷nta³
 an³ li²coi³ ya³xcon³-nao¹³, c'oa⁴
 ni⁴⁷ya³xcon³-jion²³ N'ai³-na⁴. Tsa²
 ya³xcon³-la²ni³nao¹³, c'oa⁴-ti⁴
 ya³xcon³ N'ai³-na⁴. 20 Je² en¹-vi⁴ ya⁴
 qui³nchja⁴ Jesús ya⁴ nte³ jña³ nca³
 s'e³xco¹ taon⁴, nca³ ti¹va³co¹ya³ ya⁴³
 yo⁴nco⁴. Ni⁴⁷ya³-jin² xi³ qui³tsoa³
 Jesús, nca⁴ cje³ fi³cho¹-jin² hora-le⁴.

**Jesús tso²: Jña³ nca³ cjoia¹³, jon²
 li²coi³ coan⁴ coa⁴nquion¹³**

21 Jesús c'oi⁴qui³tso²-nca¹ni³le⁴:
 Cjoi¹-nia³ an³, c'oa⁴ coi⁴jnchi¹sjai³-
 nao¹³, to⁴nca³ je¹-no³ coi⁴ya¹jion³.
 Jña³ nca³ cjoia¹³ nca³ an³, jon²
 li²coi³ coan⁴ coa⁴nquion¹³. 22 C'ia⁴
 c'oi⁴qui³tso² cho⁴ta⁴ judíos: A³ ti⁴je²
 si⁴²c'en³-ni³ yao³-le⁴ nca³ c'oa⁴
 tso²: Jña³ nca³ cjoia¹³ nca³ an³, jon²
 li²coi³ coan⁴ coa⁴nquion¹³. 23 Jesús
 c'oi⁴qui³tso²-le⁴: Jon² nio¹³ xi³ i⁴
 tsaon⁴³ na³nqui³-vi⁴, an³ ja⁴nc'a¹
 ts'an⁴. Jon² i⁴ son³⁷nte³-vi⁴ tsaon⁴³,
 to⁴nca³ an³-vi⁴ a³li² i⁴ son³⁷nte³-vi⁴
 ts'an⁴. 24 Coi³ c'oa⁴qui³xin³-ni³no³
 nca³ je¹-no³ coi⁴ya¹jion³. Tsa² tsi²
 tsa² coan⁴cjain¹-no³ ya³-ni³ nca³
 an³, to⁴ya⁴ je² je¹-no³ coi⁴ya¹jion³.
 25 Cho⁴ta⁴ judíos c'oi⁴qui³tso²-le⁴:
 ya¹-ni³ ji³. C'ia⁴ Jesús qui³tso²-le⁴:
 Je² xi³ je³c'oa⁴qui³xin³-no³ nca³
 ti¹tjon². 26 Cjai¹nca³ ncjin² cjoa⁴ xi³
 coi³nchja²³, xi³ sco³son²-ni³le⁴ xi³
 t'a³tsaon⁴³. Je² xi³ qui³si³ca³sen¹-
 na³, je² xi³ cjoa⁴qui²xi⁴. Je² en¹ xi³
 qui³nch'oe³-le⁴ nca³ je², ña³qui³

coi³ xi³ nchja²³ i⁴ son³⁷nte³-vi⁴.
 27 To⁴nca³ li²coi³ coan³cho⁴ya³-le⁴
 cho⁴ta⁴ judíos nca³ c'oa⁴qui³tso²-
 le⁴ xi³ t'a³ts'e⁴ N'ai³-na¹. 28 C'ia⁴
 Jesús c'oi⁴qui³tso²-le⁴: C'ia⁴ nca³
 cho¹mi³tjaon⁴³ nti¹-le⁴ cho⁴ta⁴,
 c'ia⁴² coan⁴cho⁴ya³-no³ nca³ an³
 nia¹³ nti¹-le⁴ cho⁴ta⁴. Ni⁴jme³-jin²
 xi³ s'ian³ nca³ to⁴⁷an³-nia¹³. Jo³-s'in²
 qui³tso²ya³-na³ N'ai³-na¹, c'oa⁴-s'in²
 nchja²³. 29 Je² xi³ qui³si³ca³sen¹-na³
 i⁴ ti¹jna³cao⁴-na³. Je² N'ai³-na¹ li²coi³
 qui³si³c'e¹jna³-na³ nca³ to⁴⁷an³, nca⁴
 c'oa⁴s'ian³ nca³ntsjai² je² xi³ sa³sen¹-
 le⁴ nca³ je². 30 C'ia⁴ nca³ Jesús
 qui³nchja⁴ je² cjoa⁴-vi⁴, cjai¹nca³
 ncjin² xi³ coan³cjain¹-le⁴ xi³ t'a³ts'e⁴.

Je² xi³ cjoa⁴qui²xi⁴ si⁴²ca³tio²ntai¹-no³

31 Jesús c'oi⁴qui³tso²-le⁴ cho⁴ta⁴
 judíos xi³ coan³cjain¹-le⁴: Tsa²
 en¹-na⁴ si⁴qui³tjo³son²ntsjaon²³,
 jon² nio¹³ xi³ ña³qui³ cho⁴ta⁴-na⁴.
 32 Jcha⁴-nio¹³ xi³ cjoa⁴qui²xi⁴, c'oa⁴
 je² xi³ cjoa⁴qui²xi⁴ si⁴²ca³tio²ntai¹-
 no³. 33 Cho⁴ta⁴ judíos qui³nchja⁴:
 Jin⁴ ni¹⁴-jin⁴ ntje⁴-le⁴ Abraham,
 ni⁴to⁴c'ia³-jin² ni⁴⁷ya³-jin² xi³
 qui³ni²xa¹nqui³-lai⁴jin⁴. Jo¹ si³ nca³
 ji³: Coi⁴yo³ntai¹-nio¹³. 34 Jesús
 qui³tso²-le⁴: Ña³qui³ cjoa⁴qui²xi⁴
 ña³qui³ cjoa⁴qui²xi⁴ xi³ xin³-
 no³: Nca³ts'i³ xi³ va³jnqui³ je¹,
 si¹xa¹nqui³-le⁴ je¹. 35 Je² xi³
 si¹xa¹nqui³-le⁴ cho⁴ta⁴ li²coi³
 v'e²jna³ntsjai² ni³⁷ya³. Je² xi³
 nti¹ ma³ v'e²jna³ntsjai². 36 C'ia⁴
 tsa² c'oa⁴-s'in² je² nti¹-le⁴ Ni³na¹
 si⁴²ca³tio²ntai¹-no³, ña³qui³
 cjoa⁴qui²xi⁴ nca³ coi⁴yo³ntao¹³.
 37 v'e³-nia¹³ nca³ jon² ntje⁴-le⁴
 Abraham, to⁴nca³ me³-no³ nca³
 si⁴c'en³-nao¹³, nca⁴ je² en¹-na⁴

tsin²-le⁴ ntia⁴²-jin² xi³ t'a³tsaon⁴³.
 38 An³ nchja²³ je² xi³ tsa³⁷ve³ c'ia⁴
 nca³ ti²jna⁴coa⁴ N'ai³-na¹. Jon²
 c'oa⁴-ti⁴s'in² c'oa⁴n'iaon²³ je² xi³
 qui³no²⁷ya²-lao⁴³ n'ai³-no³.

Jon² mo¹³ xi³ n'ai³-no³ je² nai⁴²

39 C'ia⁴ cho⁴ta⁴ judíos c'oi⁴qui³tso²-
 le⁴: Je² n'ai³-na⁴jin⁴ Abraham.
 Jesús qui³tso²-le⁴: Tsa² jon² nti¹-le⁴
 Abraham, c'oa⁴t'iaon⁴³ jo³ qui³s'in³
 Abraham. 40 To⁴nca³ nt'ai⁴-vi⁴
 c'oa⁴-s'in² me³-no³ nca³ si⁴c'en³-
 nao¹³. An³ nia¹³ cho⁴ta⁴x'in⁴ xi³
 c'oa⁴qui³xin³-no³ xi³ cjoa⁴qui²xi⁴,
 xi³ an³ qui³nch⁷oe³-le⁴ Ni³na¹.
 Li²coi³ c'oa⁴qui³s'in³ Abraham.
 41 Jon² c'oa⁴n'iaon²³ jo³ qui³s'in³
 n'ai³-no³. C'ia⁴ cho⁴ta⁴ qui³tso²-le⁴:
 Jin⁴-jin⁴ a³li² cjoa⁴cha³jnqui³-jin²
 qui³tsin³jin³-jin⁴. To⁴jnc³ ma³-ni³
 n'ai³-na⁴jin⁴, je² xi³ Ni³na¹. 42 C'ia⁴
 Jesús c'oa⁴qui³tso²-le⁴: Tsa² Ni³na¹
 je² n'ai³-no³, ña³qui³ cjoa⁴qui²xi⁴
 nca³ coan⁴tsjoa³cha³-nao¹³. An³
 ji²tjo⁴-nia³ Ni³na¹, coi³ ja²⁷ai⁴-nia³.
 Li²coi³ je²⁷e⁴ xi³ ti⁴t'a³ts'an⁴-nia³,
 to⁴nca³ je² qui³si³ca³sen¹-na³. 43 A¹-
 ni³ nca³ tsi² tsa² ma³cho⁴ya³-si¹ni³no³
 en¹-na⁴. Coi³ nca³ li²coi³ ma³-no³
 no²⁷yao²³ en¹-na⁴. 44 Jon² nio¹³ xi³
 n'ai³-no³ je² nai⁴², c'oa⁴ tsjoa³-no³
 nca³ c'oa⁴s'iaon⁴³ jo³-s'in² me³-
 le⁴ n'ai³-no³. Je² n'ai³-no³ si¹c'en³
 c'en³ sa³⁷nta³ ti¹tjon², c'oa⁴ li²coi³
 tsa³c'e²jna³jin³-le⁴ xi³ cjoa⁴qui²xi⁴,
 nca⁴ tsin²-le⁴ cjoa⁴qui²xi⁴-jin². C'ia⁴
 nca³ nchja⁴ en¹nti³so³, nchja⁴ jo³
 cjoan³ nca³ je². Nti³so³ nca³ je²,
 c'oa⁴ n'ai³-le⁴ cjoa⁴nti³so³. 45 Coi³
 nca³ an³ c'oa⁴xian³ xi³ cjoa⁴qui²xi⁴
 li²coi³ ma³cjain¹-no³. 46 ya¹-ni³
 xi³ jon² xi³ si⁴²qui²xi⁴ya³ nca³ an³

tjin¹-na³ je¹. Tsa² cjoa⁴qui²xi⁴ xi³
 xian³, a¹-ni³ nca³ tsi² tsa² ma³cjain¹-
 si¹ni³no³. 47 Je² xi³ ts'e⁴ Ni³na¹,
 nch⁷oe¹ je² en¹-le⁴ Ni³na¹. Coi³ nca³
 tsi² tsa² no²⁷ya²-lao⁴³ nca³ jon², nca⁴
 tsi² tsa² ts'e⁴ Ni³na¹-jion²³. 48 C'ia⁴
 cho⁴ta⁴ judíos c'oi⁴qui³tso²-le⁴
 Jesús: A³ tsi² tsa² nta³ vi³xoin¹⁴-
 jin⁴ nca³ ji³ cho⁴ta⁴ samaritano,
 nca³ cho⁴ta⁴nai⁴²-lai⁴. 49 Jesús
 qui³nchja⁴: A³li² cho⁴ta⁴nai⁴²-jian²³,
 to⁴nca³ ve³xcoan¹³ N'ai³-na⁴. Jon²
 tsa³⁷ya³taon³-nao¹³. 50 A³li²coi³ an³
 xi³ v'a³sje³je³ya³ yao³-na⁴. Tjin¹
 jnc³ xi³ ti¹v'a³sje³je³ya³-na³, xi³
 ti¹co³son²-ni³le⁴ nca³yi³je³. 51 Ña³qui³
 cjoa⁴qui²xi⁴ ña³qui³ cjoa⁴qui²xi⁴ xi³
 xin³-no³: Je² xi³ si¹qui³tjo³son² en¹-
 na⁴, ni⁴c'ia³-jin² scoe⁴ cjoa⁴vi³ya³.
 52 C'ia⁴ cho⁴ta⁴ judíos qui³tso²-
 le⁴: ya³-ni¹⁴jin⁴ nta⁴ nca³ ji³
 cho⁴ta⁴nai⁴². Ne³ Abraham c'en³-ni¹
 cao⁴ je² xi³ qui³nchja⁴ya³ t'a³ts'e⁴
 Ni³na¹, to⁴nca³ ji³ si³-ni¹³: Je² xi³
 si¹qui³tjo³son² en¹-na⁴, ni⁴to⁴c'ia³-
 jin² nca³ coi⁴cho³-le⁴ cjoa⁴vi³ya³.
 53 A³ ji³ nqui²sa⁴ ti¹tjon² cao⁴-ni³
 n'ai³-na⁴jin⁴ Abraham, je² xi³ c'en³.
 C'oa⁴-ti⁴ je² cho⁴ta⁴ xi³ qui³nchja⁴ya³
 t'a³ts'e⁴ Ni³na¹ c'en³-ni¹. ya¹ xi³
 ti⁴ji³-ni³ ch'a²sje³je³ya³-ni³ yao³-
 li⁴. 54 Qui³nchja⁴ Jesús: Tsa² an³
 v'a³sje³je³ya³ yao³-na⁴, je²-vi⁴
 ni⁴to⁴jme³-jin² chji¹-le⁴. Je² N'ai³-na⁴
 je² xi³ ti¹v'a³sje³je³ya³-na³, ti⁴je²-ni³
 xi³ Ni³na¹-na⁴jin⁴ mi²-lao⁴³. 55 Jon²
 li²coi³ ya³xcon³ nca³ je², to⁴nca³
 an³ ve³xcoan³. Tsa² c'oi⁴xian¹³
 a³li²coi³ ve³xcoan³, to⁴ya⁴²
 coan⁴nc¹son²-nia³⁷ni³ cao⁴ jon² xi³
 nti³so³. To⁴nca³ an³ ve³xcon³-nia¹³,
 c'oa⁴-s'in² si³qui³tjo³soan²³ en¹-le⁴.
 56 Je² Abraham n'ai³-no³ cjain¹nca³

coan³tsjoa³-le⁴ nca³ coi⁴cho³
 ve³ ni⁴čhjin³-na⁴, c⁷oa⁴ tsa³ve³
 coan³tsjoa³-le⁴. ⁵⁷C⁷ia⁴ cho⁴ta⁴
 judíos qui³tso²-le⁴ Jesús: Cje³ tjin¹-
 jin²li² ña³chan²te³ no¹. Jo¹ coan⁴-ni³
 nca³ tsa³⁷ya³-ni³ Abraham. ⁵⁸Jesús
 qui³tso²-le⁴: Ña³qui³ cjoa⁴qui²xi⁴
 ña³qui³ cjoa⁴qui²xi⁴ xi³ xin³-no³: An³
 ti¹tjon² ti²jna⁴-le⁴ Abraham. ⁵⁹C⁷ia⁴
 qui³sco¹ la⁴jao⁴ cho⁴ta⁴ judíos nca³
 coa⁴sen²-le⁴ Jesús. To⁴nca³ Jesús
 tsa³c⁷e²jna³⁷ma³, ji³tjo³-ni³ yo⁴nco⁴,
 ya⁴ ja³⁷a³jin³ va³sen³-le⁴ cho⁴ta⁴,
 qui³.

Jesús si¹nta³ cho⁴ta⁴ xi³ xca⁴ cji³

9 C⁷ia⁴ nca³ ja³⁷a³ Jesús, tsa³ve³
 jnc³ cho⁴ta⁴ xi³ xca⁴ cji³ jo³
 sa³⁷nta³ nca³ qui³tsin³.

²Cho⁴ta⁴-le⁴ qui³sco²na³nqui³-
 le⁴: Rabí, ⁷ya¹ xi³ tsa³jnqui³ je¹, a³
 je² xi³ xca⁴ cji³ a³xo⁴ je² xi³jcha¹-
 le⁴, nca³ c⁷oa⁴-s⁷in² xca⁴ cji³-ni³
 nca³ qui³tsin³. ³Jesús qui³nchja⁴:
 Ni⁴je²-jin² je²-vi⁴ tsa³jnqui³ je¹,
 c⁷oa⁴ ni⁴je²-jin² xi³jcha¹-le⁴, to⁴nca³
 c⁷oa⁴-s⁷in² qui³tsin³ jme¹-ni³ nca³
 coan⁴tsen³-si¹ni³ xa¹-le⁴ Ni³na¹ xi³
 to⁴t⁴a³ts⁷e⁴. ⁴Cjai¹nca³ to⁴ma³chjen¹-
 na³ nca³ si³qui³tjo³soan²³ xa¹ xi³
 ts⁷e⁴ je² xi³ qui³si³ca³sen¹-na³, nt⁷ai⁴
 ti⁴⁷a³-ni³ nca³ cje³ ma³njon²-jin².
 Nchoa¹ ma³njon² c⁷ia⁴ nca³ li²⁷ya³
 xi³ ti⁴coan⁴ si⁴²xa¹-ni³. ⁵Tjen⁴
 ti²jna⁴ i⁴ son³⁷nte³-vi⁴, an³ nia¹³
 l⁷i¹ xi³ si¹⁷i³sen³ son³⁷nte³. ⁶C⁷ia⁴
 nca³ je³c⁷oa⁴qui³tso², tsa³c⁷e¹cha¹
 t⁷a³na³nqui³, qui³si³nta³-ni³ nta¹si³
 nta¹na³cha¹-le⁴, qui³si³ca³jon³
 xcon⁴ xi³ xca⁴ cji³. ⁷C⁷oi⁴qui³tso²-
 le⁴: T⁷in³ cho¹ncjan⁴-ni³ ya⁴
 na³nta¹ Siloé (tso²-ni³ en¹-vi⁴
 je² xi³ qui³ni²ca³sen¹). C⁷ia⁴ qui³

qui³sco²ncjan⁴, ji³nchoa³-ni³,
 je³ma³tsen³-le⁴. ⁸C⁷ia⁴ cho⁴ta⁴
 nta¹ni³⁷ya³-le⁴ cao⁴ xi³ nca³s⁷a⁴
 tsa³ve³ nca³ xca⁴ cji³ c⁷oi⁴qui³tso²:
 A³ tsi² tsa² je²-vi⁴ xi³ ya⁴ tsa³c⁷e²jna³
 nca³ qui³si³je¹ qui⁴cha⁴si³ne².
⁹C⁷oi⁴qui³tso² xi³c⁷a³: Je²-nco¹. C⁷oa⁴
 xi³c⁷a³ c⁷oi⁴tso²: C⁷oa⁴-nco¹ me³cji³
 jo³ cji³ nca³ je². C⁷ia⁴ qui³nchja⁴
 xi³ xca⁴ cji³ nca³s⁷a⁴: An³ nia¹³.
¹⁰C⁷oi⁴qui³tso²-le⁴: Jo¹ coan³-ni³
 nca³ qui³tjo³⁷ai²nqui³-ni³ xcoin³.
¹¹Je² c⁷oi⁴qui³tso²: Je² cho⁴ta⁴x⁷in⁴
 xi³ Jesús ⁷mi² qui³-si³nta³ nta¹si³
 qui³si³ca³jon³ xcoan³, qui³tso²-na³:
 T⁷in³ ya⁴ na³nta¹ Siloé cho¹ncjan⁴.
 C⁷ia⁴ quia³-⁷ni³ qui³sco³ncjan⁴,
 coan³tsen³-na³. ¹²C⁷ia⁴ c⁷oi⁴qui³tso²-
 le⁴: Ña¹ ti¹jna³ nca³ je². Li²coi³ ⁷ve³
 qui³tso².

Cho⁴ta⁴ fariseos vi¹na³nqui³-le⁴

cho⁴ta⁴ xi³ qui³tjo³⁷ai²nqui³ xcon⁴

¹³Qui³cao⁴-le⁴ cho⁴ta⁴ fariseos
 je² xi³ xca⁴ cji³ nca³s⁷a⁴.
¹⁴Ni⁴čhjin³ ni²cja¹ya³ ni¹ c⁷ia⁴ nca³
 qui³si³nta³ nta¹si³-ve⁴ Jesús, nca³
 qui³sco³⁷ai²nqui³ xcon⁴ je² xi³
 xca⁴ cji³. ¹⁵C⁷ia⁴ cho⁴ta⁴ fariseos
 ti⁴qui³sco²na³nqui³-nca¹ni³le⁴ jo³
 coan³-ni³ nca³ qui³tjo³⁷ai²nqui³
 xcon⁴. C⁷ia⁴ je² c⁷oi⁴qui³tso²-le⁴:
 Nta¹si³ qui³si³ca³jon³ xcoan³, c⁷ia⁴
 qui³sco³ncjan⁴. Ma³tsen³-na³⁷ni³
 nta¹. ¹⁶C⁷ia⁴ c⁷oi⁴qui³tso² c⁷a³
 cho⁴ta⁴ fariseos: Je² cho⁴ta⁴x⁷in⁴-vi⁴
 a³li² Ni³na¹-jin² qui³si³ca³sen¹, nca³
 tsi² tsa² t⁷a³xin² v⁷e¹jna³ ni⁴čhjin³
 ni²cja¹ya³. C⁷oi⁴tso² xi³c⁷a³: Jo¹
 ma³-ni³ nca³ jnc³ cho⁴ta⁴x⁷in⁴
 xi³ je¹ tjin¹-le⁴ nca³ ma³-le⁴
 tsjoa¹ choa⁴ je²-vi⁴. Coan³jao²ya³
 cho⁴ta⁴. ¹⁷C⁷oi⁴qui³tso²-nca¹ni³le⁴

cho⁴ta⁴xca⁴-ve⁴: Ji³, jme¹-ni³
 en¹ xi³ no²cjoai⁴ xi³ t'a³ts'e⁴ xi³
 qui³sco³⁷ai²nqui³ xcoi³. C'ia⁴
 qui³nchja⁴ je² cho⁴ta⁴xca⁴: Je²
 ni¹ xi³ nchja⁴ya³ t'a³ts'e⁴ Ni³na¹.
 18 To⁴nca³ je² cho⁴ta⁴ judíos li²coi³
 coan³cjain¹-le⁴ nca³ je² xi³ xca⁴ cji³
 nca³ je³coan³tsen³-le⁴. C'ia⁴² sa³⁷nta³
 coan³cjain¹-le⁴ nca³ qui³no²cjoa⁴-le⁴
 xi³jcha¹-le⁴ je² xi³ coan³nta³ xcon⁴.
 19 Qui³sco²na³nqui³-le⁴: A³ je²-vi⁴
 nti¹-no³, je² xi³ vi³xon¹³ nca³ xca⁴
 cji³ nca³ qui³tsin³. Jo¹ ma³-ni³ nca³
 ma³tsen³-ni³le⁴ nt'a¹-vi⁴. 20 Xi³jcha¹-
 le⁴ c'oi⁴qui³tso²-le⁴: ya³-ni¹⁴jin⁴ nca³
 je²-vi⁴ nti¹-na⁴jin⁴, c'oa⁴ xca⁴ cji³
 nca³ qui³tsin³. 21 Jo¹ ma³-ni³ nca³
 ma³tsen³-le⁴ nt'a¹ li²coi³ ya³⁴-
 jin⁴. ya¹-ni³ xi³ qui³sco³⁷ai²nqui³
 xcon⁴ c'oa⁴-ti⁴ li²coi³ ya³⁴-
 jin⁴. Je³coan³jchi¹nca³, je² soa³
 cho¹na³nqui³-lao⁴³. 22 C'oi⁴qui³tso²
 xi³jcha¹-le⁴ nca³ qui³tsa³cjon¹-
 le⁴ cho⁴ta⁴ judíos. Je³c'oa⁴qui³tso²
 cho⁴ta⁴ judíos, tsa² ya³-ni³ve⁴
 xi³ je² Mesías coi⁴tso⁴-le⁴ Jesús,
 ña³qui³ coi⁴chon³sje³-ni³ ya⁴³ nt'ia³
 sinagoga. 23 Coi³ c'oa⁴qui³tso²-ni³
 xi³jcha¹-le⁴: Je³coan³jchi¹nca³, je²
 soa³ cho¹na³nqui³-lao⁴³. 24 Nqui²ntia³
 ti⁴qui³no²cjoa⁴-nca¹ni³le⁴ xi³ xca⁴
 cji³, c'oi⁴qui³tso²-le⁴: Ch'a⁴sje³je³yai³
 Ni³na¹. Jin⁴-jin⁴ ya³-ni¹⁴jin⁴
 nca³ cho⁴ta⁴je¹ je² cho⁴ta⁴x'in⁴-
 vi⁴. 25 C'ia⁴ cho⁴ta⁴xca⁴-ve⁴
 qui³tso²: Tsa² cho⁴ta⁴je¹ li²coi³
 ve³. To⁴coi³ xi³ ve³ nca³ xca⁴
 cji²⁷ya⁴, nt'a¹-vi⁴ je³ma³tsen³-na³.
 26 Ti⁴qui³sco²na³nqui³-nca¹ni³le⁴:
 Jme¹ xi³ qui³si³cao⁴-li². Jo¹
 qui³s'in³ nca³ qui³sco³⁷ai²nqui³
 xcoi³. 27 Cho⁴ta⁴xca⁴-ve⁴
 qui³tso²: Je³c'oa⁴qui³xin³-no³,

li²coi³ qui³no²⁷ya²³. A¹-ni³ nca³
 me³-si¹ni³no³ nca³ nqui²ntia³
 no²⁷ya²-nio³. A³ c'oa⁴²-ti⁴ me³-no³
 nca³ je² cho⁴ta⁴-le⁴ ca²ta³mao³.
 28 C'ia⁴ qui³nchja⁴⁷aon³-le⁴ qui³tso²:
 Ji³ ni¹³ cho⁴ta⁴-le⁴ Jesús, to⁴nca³
 jin⁴-jin⁴ cho⁴ta⁴-le⁴ Moisés ni¹⁴-
 jin⁴. 29 ya³-ni¹⁴jin⁴ nca³ Ni³na¹
 tsa³cja¹cao⁴ Moisés, to⁴nca³ je²-vi⁴
 li²coi³ ya³⁴-jin⁴ jña³ ja³⁷ai³-ni³.
 30 Cho⁴ta⁴-ve⁴ c'oi⁴qui³tso²-le⁴:
 Cjoa⁴qui²xi⁴-ni¹ nca³ cjai¹-nca³ tse³
 cjoa⁴ je²-vi⁴, nca³ jon² li²coi³ ya³
 jña³ ja³⁷ai³-ni³, to⁴nca³ c'oa⁴-s'in²
 qui³sco³⁷ai²nqui³ xcoan³. 31 Je³⁷ya³²
 nca³ Ni³na¹ li²coi³ nch'oe¹-le⁴
 cho⁴ta⁴ts'en⁴, to⁴nca³ tsa² jnc³ xi³
 c'oa⁴-s'in² tsa³cjon¹que³ Ni³na¹,
 xi³ c'oa⁴-s'in² si⁴²qui³tjo³son² jo³-
 s'in² me³-le⁴ Ni³na¹, je²-vi⁴ xi³
 Ni³na¹ nch'oe¹-le⁴. 32 Ni⁴c'ia³-
 jin² qui³no²⁷ya²-le⁴ nca³ tjin¹ xi³
 qui³sco³⁷ai²nqui³ xcon⁴ jnc³ xi³
 c'oa⁴-s'in² xca⁴ cji³ nca³ qui³tsin³.
 33 Tsa² je²-vi⁴ a³li²coi³ Ni³na¹ xi³
 qui³si³ca³sen¹, li²jme³ xi³ coan⁴
 s'in⁴². 34 Cho⁴ta⁴ judíos c'oi⁴qui³tso²-
 le⁴: A³ tsi² je¹ qui³tsin³jin³ ji³.
 A³ ji³ xi³ va³co²ya³-na³jin⁴. C'ia⁴
 tsa³c'aon³sje³ nti³tsin³.

Je² xi³ xca⁴ cjoan³ t'a³ts'e⁴ ni⁴ma⁴-le⁴

35 Jesús qui³nch'oe¹ nca³
 tsa³qui³chon³sje³ nti¹cho⁴ta⁴-
 ve⁴. C'ia⁴ nca³ qui³sa³te³jin³
 qui³sco²na³nqui³-le⁴: A³ ma³cjain¹-
 li² ji³ xi³ t'a³ts'e⁴ je² nti¹-le⁴ Ni³na¹.
 36 Cho⁴ta⁴-ve⁴ c'oi⁴qui³tso²: ya¹-ni³
 je², Señor, jme¹-ni³ nca³ c'oa⁴-
 s'in² coan⁴cjain¹-si¹ni³na³ xi³
 t'a³ts'e⁴. 37 Jesús c'oi⁴qui³tso²-le⁴:
 je³tsa³⁷yai³, je² xi³ fa¹cao⁴-li², je² ni¹.
 38 Cho⁴ta⁴-ve⁴ c'oi⁴qui³tso²-le⁴ Jesús:

Ma³cjain¹-na³, Señor. C⁷oa⁴-s⁷in²
tsa³ve³xcon¹ Jesús. ³⁹C⁷oi⁴qui³tso²
Jesús: An³ to⁴coi³ xa¹ ja²⁷ai⁴-nia³
i⁴ son³⁷nte³-vi⁴, nca³ c⁷oa⁴-s⁷in²
sco³son²-ni³le⁴ jo³-s⁷in² va³quin²-
le⁴ cho⁴ta⁴, jme¹-ni³ nca³ je² xi³ tsi²
ma³tsen³-le⁴ coan⁴tsen³-ni³le⁴, c⁷oa⁴
je² xi³ ma³tsen³-le⁴ coan⁴xca⁴-ni³.
⁴⁰Tjin¹ c⁷a³ cho⁴ta⁴ fariseos xi³ ya⁴
tjio¹cao⁴ Jesús, xi³ qui³nch⁷oe¹ je²
en¹-ve⁴. C⁷oi⁴qui³tso²-le⁴: A³ c⁷oa⁴-ti⁴
xca⁴ cjoain³-jin⁴. ⁴¹Jesús qui³tso²-le⁴:
Tsa² xca⁴ cjoaon³, tsin²-la⁴no³ je¹-
jin². To⁴nca³ nt⁷ai⁴-vi⁴ c⁷oi⁴vi³xon¹³:
Ma³tsen³-na³jin⁴. Coi³ cjoa⁴ nca³
c⁷oa⁴-s⁷in² c⁷oe¹jna³t⁷a³-ni³no³ je¹-
no³.

Cjoa⁴xco¹son² t⁷a³ts⁷e⁴ je²
nch⁷oa¹-le⁴ va³rre²

10 Ña³qui³ cjoa⁴qui²xi⁴ ña³qui³
cjoa⁴qui²xi⁴ xi³ xin³-no³: Je²
xi³ tsi² fa³⁷a³s⁷en³-ni³ ya⁴ xo⁴ntjoa⁴-
le⁴ nch⁷oa¹-le⁴ va³rre², to⁴xin²
mi³jon³-ni³ nch⁷oa¹, je² xi³ che¹, c⁷oa⁴
cho⁴ta⁴ xi³ fi²cao⁴che¹ cho⁴.

²To⁴nca³ je² xi³ xo⁴ntjoa⁴-le⁴
nch⁷oa¹ fa³⁷a³s⁷en³-ni³, je² ni¹ xi³
co³⁷nta³ va³rre². ³Je² xi³ si¹coi²nta⁴
xo⁴ntjoa⁴ cjo³⁷ai²-le⁴, c⁷oa⁴ je² va³rre²
xi³ ncha³⁷ya³ nch⁷oe¹ jta⁴-le⁴. Nchja⁴-
le⁴ jan³⁷ain¹-le⁴ va³rre²-le⁴, c⁷ia⁴
v⁷a³sje³. ⁴C⁷ia⁴ nca³ je³ts⁷a³sje³jin³
nca³ts⁷i³ va³rre²-le⁴, c⁷oa⁴-s⁷in²
fi²ti¹tjon²-le⁴. To⁴fi²tjen⁴nqui³
va³rre²-ve⁴ nca³ ve³ jta⁴-le⁴. ⁵To⁴nca³
li²coi³ coai⁴tjen⁴nqui³-le⁴ cho⁴ta⁴
xi³ cja⁴⁷ai¹, to⁴sa³-la⁴ to⁴coa⁴nca³-
le⁴, nca⁴ tsi² tsa² ve³ jta⁴-le⁴ cho⁴ta⁴
xi³ cja⁴⁷ai¹. ⁶Je²-vi⁴ cjoa⁴xco¹son²
xi³ Jesús qui³tso²-le⁴, to⁴nca³
li²coi³ coan³cho⁴ya³-le⁴ cho⁴ta⁴ jo³
qui³tso²-le².

Jesús xi³ nta³ co³⁷nta³ va³rre²

⁷Nqui²ntia³ Jesús ti⁴c⁷oa⁴qui³tso²-
nca¹ni³le⁴: Ña³qui³ cjoa⁴qui²xi⁴
ña³qui³ cjoa⁴qui²xi⁴ xi³ xin³-no³,
an³ nia¹³ xo⁴ntjoa⁴-le⁴ va³rre².

⁸Je² nca³ts⁷i³ xi³ ja³⁷ai³ti¹tjon²-na³
to⁴cho⁴ta⁴che¹ ni¹, c⁷oa⁴ cho⁴ta⁴ xi³
fi²cao⁴che¹ cho⁴, to⁴nca³ va³rre²
li²coi³ qui³nch⁷oe¹-le⁴. ⁹An³ nia¹³
xo⁴ntjoa⁴. Je² xi³ cjoa⁴⁷a³s⁷en³
t⁷a³ts⁷an⁴, c⁷oa⁴-s⁷in² coi⁴tjo³ntjai².
Cjoa⁴⁷a³s⁷en³ coi⁴tjo³ sa⁴co²-le⁴ li⁴-
ji⁴. ¹⁰Cho⁴ta⁴che¹ to⁴fa³⁷ai³ si¹che¹,
fa³⁷ai³ si¹c⁷en³, fa³⁷ai³ si¹qui³xo¹ya³,
to⁴nca³ an³ coi³ xa¹ ja²⁷ai⁴-

nia³, jme¹-ni³ nca³ tjin¹-si¹ni³le⁴
cjoa⁴vi³jna³chon³, jme¹-ni³ nca³
n⁷ion¹ tse³ tjin¹-si¹ni³le⁴. ¹¹An³ nia¹³
xi³ nta³ co³⁷nta³ va³rre². Je² xi³ nta³
co³⁷nta³ va³rre², tsjoa¹ntjai² ni⁴ma⁴-
le⁴ xi³ to⁴t⁷a³ts⁷e⁴ va³rre². ¹²To⁴nca³
je² xi³ cho⁴⁷nta³ ma³, xi³ li² je²-jin²
xi³ co³⁷nta³ va³rre², xi³ tsi² tsa² nai³-
le⁴ va³rre², ve³ nca³ nchoa¹ tsen⁴²,
to⁴c⁷oa⁴-s⁷in² si¹ca³tio¹ va³rre², c⁷oa⁴
ma³nca³-le⁴. Je² tsen⁴²-ve⁴ tsoa³,
tsao³va³ va³rre². ¹³Coi³-jin²⁷ni³ nca³
je² xi³ cho⁴⁷nta³ ma³ ma³nca³-le⁴,
nca⁴ cho⁴⁷nta³ ni¹. A³li²coi³ nta³
si¹coi²nta⁴ va³rre²-ve⁴. ¹⁴An³ nia¹³
xi³ nta³ co³⁷nta³ va³rre². C⁷oa⁴-
s⁷in² ⁷ve³xcon³-nia¹³ va³rre²-na⁴ jo³
cjoan³, c⁷oa⁴ je² ve³xcon³-na³ nca³
an³. ¹⁵Jo³-s⁷in² nca³ ve³xcon³-na³
N⁷ai³-na¹, c⁷oa⁴-ti⁴ an³ ⁷ve³xcoan³
N⁷ai³-na¹. Tsjoa³ntje²³ ni⁴ma⁴-na⁴ xi³
t⁷a³ts⁷e⁴ je² ⁷nti¹cho⁴va³rre². tjio¹jin³.
C⁷oa⁴-ti⁴ je²-ve⁴ ma³chjen¹-na³ nca³
cjoia⁴nchoa³

¹⁶C⁷oa⁴-ti⁴ tjin¹-sa³na³ xi³
cja⁴⁷ai¹ va³rre² xi³ tsi² tsa² i⁴ coa⁴,
cjoia⁴nch⁷oe¹ jta⁴-na⁴. To⁴jnc³

coan⁴jtin¹, c²oa⁴ to⁴jnc³ coan⁴ xi³
sco³⁷nta³. 17 Coi³ nca³ c²oa⁴-s²in²
tjao²que³-ni³na³ N²ai³-na¹, nca⁴
c²oa⁴-s²in² tsjoa³ntje²³ ni⁴ma⁴-na⁴,
jme¹-ni³ nca³ nqui²ntia³ c²oa⁴-s²in²
scoe¹-si¹nia³. 18 Ni⁴to⁴ya³-jin² xi³
cjoa⁴⁷a²xin²-na³ ni⁴ma⁴-na⁴, to⁴⁷an³
c²oa⁴-s²in² tsjoa³ntje²³ ni⁴ma⁴-na⁴.
Tjin¹-na³ ²nte³ nca³ c²oa⁴s²ian³,
c²oa⁴ tjin¹-na³ ²nte³ nca³ nqui²ntia³
scoe¹-nia³ ni⁴ma⁴-na⁴. Coi³
cjoa⁴te¹xo³ma³ xi³ tsa³c²e¹ne²-na³
N²ai³-na⁴. 19 Nqui²ntia³ coan³jao²ya³
cho⁴ta⁴ judíos xi³ t²a³ts²e⁴ je² en¹-
vi⁴. 20 Ncjin² cho⁴ta⁴ judíos xi³
c²oi⁴qui³tso²: Cho⁴ta⁴nai⁴²-la⁴, sca¹-
la⁴le⁴. A¹-ni³ nca³ no²⁷ya²-si¹ni³lao⁴³.
21 C²oi⁴qui³tso² xi³c²a³: Je² en¹-
vi⁴ a³li² ts²e⁴ cho⁴ta⁴nai⁴²-jin². A³
coan⁴²-le⁴ nai⁴²-ve⁴ nca³ sco¹⁷ai²nqui³
xcon⁴ xi³ xca⁴ cjoan³.

Cho⁴ta⁴ judíos si¹jti³que³ Jesús

22 C²ia⁴ ji³tjo³ s²oi¹ dedicación ya⁴
Jerusalén, c²ia⁴ nca³ chan⁴nch²an¹.
23 Jesús tso²⁷va³ ya⁴ nqui³
corredor Salomón ya⁴ yo⁴nco⁴.
24 Cho⁴ta⁴ judíos tsa³ca³tio²ntai³-
le⁴ qui³tso²-le⁴: C²ia¹ sa³⁷nta³ nca³
cho¹ya³-lai²⁴jin⁴. Tsa² ji³ ni¹³ Cristo,
ti⁴no²cjoa⁴tsen³-na³jin⁴. 25 C²ia⁴
qui³nchja⁴ Jesús: C²oi⁴qui³xin³-no³,
to⁴nca³ li²coi³ ma³cjain¹-no³. Je²
xa¹ xi³ c²oa⁴s²ian³ cao⁴ jan³⁷ain¹-
le⁴ N²ai³-na⁴, je² xi³ c²oa⁴-s²in²
si¹qui²xi⁴ya³nta³ xi³ t²a³ts²an⁴.
26 To⁴nca³ jon² li²coi³ c²oa⁴-s²in²
ma³cjain¹-no³, nca⁴ li² jon²-jion²³
ts²e⁴ va³rre²-na⁴, jo³ nca³ qui³xin³-
no³. 27 Je² va³rre²-na⁴ nch²oe¹
jta⁴-na⁴, c²oa⁴ an³ ²ve³xcon³-nia¹³,
c²oa⁴ fi²tjen⁴nqui³-na³. 28 An³ tsjoa³-
le⁴ cjoa⁴vi³jna³chon³ nca³ntsjai².

Ni⁴to⁴c²ia³-jin² nca³ ntia³ cha⁴,
ni⁴to⁴⁷ya³-jin² xi³ cjoa⁴⁷a²xin²ya³-ni³
ntsa⁴. 29 Je² N²ai³-na⁴ xi³ qui³tsjoa³-
na³ va³rre²-na⁴, je² ni¹ ti¹tjon²-le⁴
nca³yi³je³ cjoa⁴. Ni⁴⁷ya³-jin² xi³ coan⁴
cjoa⁴⁷a²xin²ya³-ni³ ntsja³ N²ai³-na⁴
je² va³rre²-na⁴. 30 An³ cao⁴ N²ai³-na¹
to⁴jnc³-ni¹⁴jin⁴. 31 C²ia⁴ qui³scoe¹-
nca¹ni³ la⁴jao⁴ je² cho⁴ta⁴ judíos
nca³ coa⁴sen²-le⁴ Jesús. 32 Jesús
qui³tso²-le⁴: Cjai¹nca³ to⁴ncjin² xa¹
xi³ nta³ xi³ tsa³ca³co³-no³ xi³ ts²e⁴
N²ai³-na⁴. Jña¹-le⁴ xi³ je¹ntjai²-le⁴
xa¹-vi⁴ coa⁴sen²-si¹ni³nao¹³ la⁴jao⁴.
33 Cho⁴ta⁴ judíos c²oi⁴qui³tso²-le⁴:
Li²coi³ la⁴jao⁴ coa⁴sen²-lai²⁴jin⁴
ja⁴⁷a³ts²e⁴ xa¹ xi³ nta³, to⁴coi³ nca³
no²cjoa⁴⁷aon³-lai⁴ Ni³na¹, nca⁴ ji³ xi³
cho⁴ta⁴x²in⁴, Ni³na¹ nia¹³ c²oi⁴si³.
34 Jesús qui³tso²-le⁴: A³ tsi² c²oa⁴-
s²in² tji¹⁴a³ cjoa⁴te¹xo³ma³-no³:
An³ c²oi⁴qui³xian³: Jon² xi³ ni³na¹
nio¹³. 35 Tsa² ni³na¹ tsa³c²in²-
le⁴ je² xi³ ja³⁷ai³-le⁴ en¹-le⁴ Ni³na¹
(xon⁴ Escritura li²coi³ ²ya³ xi³
coan⁴ si⁴²qui³xo²ya³jin³), 36 Je²
xi³ N²ai³-na¹ tsa³ca³sen¹ xa¹ c²oa⁴
qui³si³ca³sen¹ i⁴ son³⁷nte³-vi⁴, jon²
vi³xon¹-lao⁴³: Ji³ no²cjoa⁴⁷aon³-
lai⁴ Ni³na¹, nca⁴ coi³ qui³xian³,
²nti¹-le⁴ Ni³na¹ nia¹³. 37 Tsa² tsi²
tsa² c²oa⁴s²ian³ xa¹-le⁴ N²ai³-na⁴,
a³li² ma³cjain¹-jin²no³ jo³ xian³.
38 Nta³ tsa² tsi² ma³cjain¹-no³
jo³ xian³, tsa² c²oa⁴s²ian³ xa¹-le⁴
N²ai³-na⁴, ca²ta³ma³cjain¹-no³ xi³
to⁴t²a³ts²e⁴ xa¹ xi³ s²ian³, jme¹-
ni³ nca³ c²oa⁴-s²in² jcha⁴-si¹nio³
c²oa⁴ coan⁴cjain¹-si¹ni³no³ nca³ je²
N²ai³-na¹ ti¹jna³cao⁴-na³ c²oa⁴ an³
ti²jna⁴cao⁴ N²ai³-na¹. 39 Nqui²ntia³
ti⁴me³-le⁴ qui³tsoa³-nca¹ni³, to⁴nca³
je² ji³tjo³ca³ya³ ntsja³. 40 C²ia⁴

ti⁴qui³-nca¹ni³ ya⁴ xi³ncoa³nta¹
 Jordán, ya⁴ jña³ nca³ Juan ti¹tjon²
 tsa³ca³te¹nta¹. Ya⁴ tsa³c²e²jna³ Jesús.
 41 Cjai¹nca³ to⁴ncjin² xi³ ja³⁷ai³con²-
 le⁴ Jesús, c²oi⁴qui³tso²: Juan, ña³qui³
 cjoa⁴qui²xi⁴-ni¹ nca³ tsi²jme³ choa⁴
 qui³tsjoa³. To⁴nca³ nca³yi³je³ jo³
 qui³tso² Juan xi³ t²a³ts⁷e⁴ Jesús
 ña³qui³ cjoa⁴qui²xi⁴ ni¹. 42 Cjai¹nca³
 to⁴ncjin² xi³ ya⁴ coan³cjain¹-le⁴ xi³
 t²a³ts⁷e⁴ Jesús.

C'en³ Lázaro

11 C²ia⁴ jnco³ xi³ ti¹m²en³ xi³
 Lázaro ²mi², ya⁴ Betania
 ts⁷e⁴, ya⁴ na⁴xi⁴na³nta¹-le⁴ María cao⁴
 Marta nti³chja³.

2 (Je² María je² xi³ qui³si³ca³jon³
 je² Señor cao⁴ jnco³ xqui³xi¹ne¹.
 Ntsja⁴-le⁴ qui³si³xi²-ni³ ntso⁴co⁴.
 Je² nts⁷e⁴ xi³ Lázaro ²mi², xi³
 ti¹m²en³.) 3 Nti³chja³ Lázaro
 qui³si³ca³sen¹cjoa⁴-le⁴ Jesús,
 c²oi⁴qui³tso²-le⁴: Señor, coe⁴-ni³ je²
 xi³ tjao²chai³ ti¹m²en³-ni¹. 4 C²ia⁴ nca³
 Jesús qui³nch⁷oe¹-le⁴, c²oi⁴qui³tso²:
 Je² ch⁷in³-vi⁴ li²coi³ coi⁴ya¹-ni³,
 to⁴nca³ t²a³ts⁷e⁴ cjoa⁴je³ya³-le⁴
 Ni³na¹, jme¹-ni³ nca³ je² ²nti¹-le⁴
 Ni³na¹ coi⁴tjo³je³ya³-si¹ni³. 5 Jesús
 cjai¹nca³ tjao²que³ Marta cao⁴
 nti³chja³ cao⁴ Lázaro. 6 C²ia⁴ nca³
 qui³nch⁷oe¹ nca³ ti¹m²en³ nqui²jao²
 ni⁴chjin³ tsa³c²e²jna³ ya⁴ ²nte³ jña³
 nca³ ti¹jna³. 7 Xi³ je³coan³ je²-vi⁴, c²ia⁴
 c²oi⁴qui³tso²-le⁴ cho⁴ta⁴-le⁴: Tjin³-
 la²nca¹nia³² ya⁴ Judea. 8 Cho⁴ta⁴-le⁴
 c²oi⁴qui³tso²-le⁴ Jesús: Rabí, la⁴jao⁴-
 na¹ me³-le⁴ va³sen¹-li² cho⁴ta⁴
 judíos. A³ nqui²ntia³ ti⁴c²oin¹-nca¹ni³
 ya⁴-ve⁴. 9 Qui³nchja⁴ Jesús: A³ tsi²
 te³jao² hora tjin¹-le⁴ ni⁴chjin³. Je²
 xi³ tso²⁷va³ nca³ ni⁴chjin³ li²coi³

sa⁴te¹nqui³, nca⁴ ma³tsen³-ni³le⁴
 je² I²i¹ xi³ si¹⁷i³sen³ son³⁷nte³.
 10 To⁴nca³ je² xi³ tso²⁷va³ nca³ njion²,
 sa⁴te¹nqui³-ni¹, nca⁴ tsi² tsa² i³sen³-
 le⁴. 11 C²ia⁴ nca³ je³c²oa⁴qui³tso²,
 c²ia⁴ Jesús c²oi⁴qui³tso²-le⁴
 cho⁴ta⁴-le⁴: Lázaro je² mi²yo⁴-
 na¹ ti¹qui³jna³fe²-ni¹, to⁴nca³ cjo¹
 si³cja³⁷a¹-ni³le⁴. 12 C²ia⁴ qui³tso²
 cho⁴ta⁴-le⁴: Señor, tsa² qui³jna³fe²,
 coan⁴nta³-ni¹. 13 C²oi⁴qui³tso² Jesús
 t²a³ts⁷e⁴ cjoa⁴vi³ya³-le⁴ Lázaro.
 C²oa⁴ je² cho⁴ta⁴-le⁴ cja⁴⁷ai¹-
 s⁷in² coan³cho⁴ya³-le⁴ xi³ Jesús
 ca²nchja⁴. Qui³si³cja³⁷ai³tsjen³
 nca³ to⁴ti¹si¹cja¹ya³ Lázaro
 nca³ ti¹qui³jna³fe². 14 C²ia⁴
 Jesús qui³nchja⁴tsen³: Lázaro
 ti¹qui³jna³c²en³-ni¹. 15 Ma³tsjoa³-
 na³ xi³ t²a³tsaon⁴³ nca³ tsi² ya⁴
 ti²jna⁴, jme¹-ni³ nca³ coan⁴cjain¹-
 si¹ni³no³. To⁴nca³ tjjin³chon¹-le⁴².
 16 C²ia⁴ Tomás, je² xi³ Dídimo ²mi²,
 c²oi⁴qui³tso²-le⁴ xi³c²a³ cho⁴ta⁴-le⁴
 Jesús: C²oa⁴-ti⁴ tjian¹ nca³ ña¹, jme¹-
 ni³ nca³ ya⁴ coi⁴ya²cao⁴-si¹nia³².

Jesús xi³ si¹cja³²a¹ya³, c²oa⁴

Jesús xi³ cjoa⁴vi³jna³chon³

17 C²ia⁴ ji³nchoa³ Jesús,
 qui³s⁷e³jjin³-le⁴ nca³ je³coan³ ño³
 ni⁴chjin³ nca³ qui³s⁷e³ñai³ Lázaro.
 18 Betania ti¹jna³ chian³-ni³le⁴
 Jerusalén, jo³-ni³ tsa² va³sen³
 hora-la⁴. 19 Cjai¹nca³ to⁴ncjin²
 cho⁴ta⁴ judíos ja³⁷ai³nch⁷oe² Marta
 cao⁴ María. Ja³⁷ai³ si¹je³con³
 nca³ c²en³ nts⁷e⁴. 20 C²ia⁴ nca³
 Marta qui³nch⁷oe¹ nca³ Jesús
 ti¹nchoa¹ ya⁴³ ntia⁴², qui³ cja³⁷a¹,
 to⁴nca³ je² María ya⁴ tsa³c²e²jna³
 ya⁴³ ni³⁷ya³. 21 Marta qui³tso²-
 le⁴ Jesús: Señor, tsa² i⁴-la²sa³

ti³jnai³ tsa²cai³, je² nts²e³ li²coi³
 c²en³. **22**To⁴nca³ c²oa⁴-ti⁴ ⁷ve³-nia¹³
 nt²ai⁴-vi⁴, to⁴jme³-ni³ xi³ ni²je¹-lai⁴
 Ni³na¹, Ni³na¹ tsjoa¹-li². **23**Jesús
 qui³tso²-le⁴: Cjoa⁴⁷a¹ya³-ni³le⁴
 nts²ai⁴. **24**Marta c²oi⁴qui³tso²-le⁴:
⁷ve³-nia¹³ nca³ cjoa⁴⁷a¹ya³-ni³le⁴
 c²ia⁴ nca³ coi⁴cho³cje³t²a³ ni⁴χjin³.
25Jesús qui³tso²-le⁴: An³ nia¹³
 xi³ si³cja³⁷a¹ya³, c²oa⁴ an³ nia¹³
 xi³ cjoa⁴vi³jna³chon³. Je² xi³
 ma³cjain¹-le⁴ t²a³ts²an⁴, nta³ tsa²
 c²en³, c²oe¹jna³con³-ni¹. **26**C²oa⁴
 to⁴⁷ya³-ni³ve⁴ xi³ ti¹jna³con³, xi³
 ma³cjain¹-le⁴ t²a³ts²an⁴, li²coi³ ntia³
 coi⁴ya¹. A³ ma³cjain¹-li² je²-vi⁴.
27Marta qui³tso²-le⁴ Jesús: Jaon³,
 Señor, je³coan³cjain¹-na³ nca³ ji³ ni¹³
 Cristo, je² ²nti¹-le⁴ Ni³na¹, xi³ ja²⁷ai⁴
 son³⁷nte³.

**Jesús qui³squi³⁷nta¹ ya⁴
 t²a³tsjo¹-le⁴ Lázaro**

28C²ia⁴ nca³ je³c²oa⁴qui³tso² Marta,
 qui³ qui³nchja⁴⁷ma³-le⁴ María xi³
 nti³chja³, c²oi⁴qui³tso²-le⁴: I⁴ ti¹jna³-
 vi⁴ Maestro, ti¹nchja⁴-li². **29**C²ia⁴
 nca³ María qui³nch²oe¹-le⁴, nti⁴ton⁴
 tsa³qui³so²tjen⁴ ji³nchoa³nch²oe²
 Jesús. **30**Cje³-sa³ fi³cho¹-jin² Jesús
 ya⁴ na⁴xi⁴na³nta¹, to⁴ya⁴ ti¹jna³ ya⁴
⁷nte³ jñā³ nca³ Marta qui³sa³te³cjao³.
31C²ia⁴ je² cho⁴ta⁴ judíos xi³ tjio¹cao⁴
 María ya⁴³ ni³⁷ya³-le⁴, xi³ si³je³con³,
 tsa³ve³ nca³ María tsa³qui³so²tjen⁴
 nti⁴ton⁴ c²oa⁴ ji³tjo³, qui³tjen⁴nqui³-
 le⁴, c²oi⁴qui³tso²: Ya⁴-la⁴ coai⁴
 cji³⁷nta¹ ya⁴ t²a³tsjo¹-le⁴. **32**María
 ji³cho² ya⁴ jñā³ nca³ ti¹jna³ Jesús,
 tsa³ve³ tsa³ca³sen²xco¹nch²in³t²a³-le⁴,
 c²oi⁴qui³tso²-le⁴: Señor, tsa² i⁴-la²sa³
 ti³jnai³ tsa²cai³, je² nts²e³ li²coi³
 c²en³. **33**C²ia⁴ nca³ Jesús tsa³ve³ nca³

ti¹cji³⁷nta¹ María c²oa⁴ti⁴ tjio¹cji³⁷nta¹
 je² cho⁴ta⁴ judíos xi³ tjen⁴cao⁴, c²ia⁴
 aon³ coan³-le⁴ Jesús, coan³fao¹-le⁴.
34C²oi⁴qui³tso²: Jñā¹ tsa³c²e²nāo³.
 Qui³tso²-le⁴: Señor, nchoai¹³
 cho¹tsain³. **35**Qui³squi³⁷nta¹ Jesús.
36C²ia⁴ qui³nchja⁴ cho⁴ta⁴ judíos:
 Coe⁴-ni³ jo³ nca³ tjao²que³ coan³
 Lázaro. **37**Tjin¹ c²a³ cho⁴ta⁴ judíos xi³
 c²oi⁴qui³tso²: Ne³ qui³sco³⁷ai²nqui³
 xcon⁴ xi³ xca⁴ cji³. A³ tsi² tsa² coan³-
 le⁴ je²-vi⁴ nca³ qui³s²in³ cjoa⁴nta³
 nca³ tsi² tsa² c²en³ Lázaro.

Qui³ni²cja³⁷a¹ya³-le⁴ Lázaro

38Aon³ coan³-nca¹ni³le⁴ Jesús.
 Ja³⁷ai³ ja⁴tsjo¹-ve⁴, jnco³ nqui³jao³
 jñā³ nca³ qui³jna³jcho³ jnco³
 la⁴jao⁴te³. **39**C²oi⁴qui³tso² Jesús:
 Cha³⁷a²xion²³ la⁴jao⁴. Marta,
 nti³chja³ Lázaro, c²oi⁴qui³tso²-
 le⁴: Señor, je³njen⁴, nca⁴ je³nō³-le⁴
 ni⁴χjin³ nca³ qui³s²e³nai³. **40**Jesús
 qui³tso²-le⁴ Marta: A³ tsi² tsa²
 c²oa⁴qui³xin³-le²³, tsa² coan⁴cjain¹-
 li², jcha⁴-ni¹³ cjoa⁴je³ya³-le⁴ Ni³na¹.
41C²ia⁴ tsa³cja³⁷a¹xin² la⁴jao⁴ jñā³
 nca³ qui³s²e³nai³ c²en³. Jesús
 qui³sco²tsen³nc²a¹ qui³tso²: N²ai³-na⁴,
 tsjoa³-le²³ cjoa⁴nta³ nca³ c²oa⁴-s²in²
 ca²no²⁷ya²-nai¹³. **42**An³ tsa³⁷ve³-
 nia¹³ nca³ no²⁷ya²-nai¹³ nca³ntsjai².
 To⁴coi³ nca³ ncjin² cho⁴ta⁴ tjio¹ntai³,
 c²oa⁴ca²xin³-nia³, jme¹-ni³ nca³ c²oa⁴-
 s²in² ca²ta³ma³cjain¹-si¹ni³le⁴ nca³
 ji³ qui³ni²ca³sen¹-nai¹³. **43**C²ia⁴ nca³
 je³c²oa⁴qui³tso² nca³yi³je³ en¹-vi⁴,
 n²ion¹ qui³nchja⁴: Lázaro, nchoai¹³
 nti³tsin³-vi⁴. **44**Je² xi³ qui³jna³c²en³
 ji³tjo³. Ntsja³ cao⁴ ntso⁴co⁴ tj¹n²ion¹-
 ni³ na³jñō³. Je² ncjain¹ jnco³ na³jñō³
 ti¹jte¹jjin³. Jesús qui³tso²-le⁴ cho⁴ta⁴:
 Cho¹jnta¹-nio³, ca²ta³fi².

**Cho⁴ta⁴ judíos fao¹ya³ co²ntran⁴-ni³
Jesús**

(Mt. 26:1-5; Mr. 14:1-2; Lc. 22:1-2)

45 Cjai¹nca³ ncjin² cho⁴ta⁴
judíos xi³ ja³⁷ai³nch³oe² María.
Tsa³ve³ nca³yi³je³ jo³ qui³s⁷in³
Jesús, coan³cjain¹-le⁴ xi³ t⁷a³ts⁷e⁴.
46 To⁴nca³ tjin¹ c⁷a³ cho⁴ta⁴ judíos
xi³ qui³con³-le⁴ cho⁴ta⁴ fariseos,
c⁷oa⁴qui³tso²-le⁴ jo³ qui³s⁷in³ Jesús.
47 C⁷ia⁴ cho⁴ta⁴ti¹tjon²-le⁴ na⁴⁷mi³
cao⁴ cho⁴ta⁴ fariseos qui³s⁷in³ junta
qui³tso²: Jme¹ xi³ n⁷ian², nca³
ncjin² choa⁴ xi³ tsjoa¹ je² cho⁴ta⁴-
vi⁴. **48** Tsa² to⁴c⁷oa⁴-s⁷in² si⁴c⁷e¹jna³²,
ñ³qui³ nca³ts⁷i³ coan⁴cjain¹-le⁴ xi³
t⁷a³ts⁷e⁴. Cjoa⁴⁷ai¹ cho⁴ta⁴ romanos,
cjoa⁴⁷a²xin²-na¹ ⁷nte³-na¹ cao⁴
na⁴xi⁴na³nta¹-na¹. **49** Je² Caifás jnco³
xi³ ya⁴ tjio¹, je² xi³ na⁴⁷mi³ti¹tjon²
coi³ no¹-ve⁴, c⁷oi⁴qui³tso²-le⁴: Jon²
li²jme³ xi³ ma³-no³. **50** Sa³⁷nta³ li²coi³
ni²cja³⁷ai³tsjaon³ nca³ ma³chjen¹-
na¹ nca³ jnco³ cho⁴ta⁴ coi⁴ya¹ntjai²
na⁴xi⁴na³nta¹-na¹, c⁷oa⁴ li²coi³
nta³ nca³ ñ³qui³ si⁴cha³² nca³ts⁷i³
cho⁴ta⁴. **51** Je²-vi⁴ a³li² to⁴je² xi³
c⁷oa⁴qui³tso². To⁴coi³ nca³ xa¹-
le⁴ na⁴⁷mi³ti¹tjon² v⁷a³ je² no¹-ve⁴,
c⁷oa⁴-s⁷in² tsa³ca¹ya³con³ nca³
Jesús coi⁴ya¹ntjai² na⁴xi⁴na³nta¹.
52 A³li² tsa² to⁴je² na⁴xi⁴na³nta¹-ve⁴
xi³ coi⁴ya¹ntjai² Jesús, c⁷oa⁴²-
ti⁴ c⁷oe⁴²xco¹ nca³ts⁷i³ ⁷nti¹-le⁴
Ni³na¹ xi³ tjio¹tsao³va³ son³⁷nte³.
53 Sa³⁷nta³ coi³ ni⁴chjin³-ve⁴ c⁷oa⁴-
s⁷in² tsa³cjao¹ya³-ni³ jo³-s⁷in² nca³
si⁴²c⁷en³. **54** To⁴coi³ cjoa⁴-vi⁴ Jesús
li²coi³ ti⁴tsa³c⁷a³mjen³ va³sen³jjin³-
ni³le⁴ cho⁴ta⁴ judíos. Qui³-ni³
ya⁴-ve⁴, qui³ jnco³ na⁴xi⁴na³nta¹
xi³ Efraín ⁷mi², xi³ ti¹jna³chian³-le⁴

⁷nte³t⁷a³xin²t⁷a³. Ya⁴ tsa³c⁷e²jna³cao⁴
cho⁴ta⁴-le⁴. **55** Je³nchoa¹chian³ s⁷oi¹
pa²xco⁴ xi³ ts⁷e⁴ cho⁴ta⁴ judíos.
Cjai¹nca³ ncjin² xi³ qui³-ni³ ya⁴
⁷nte³-ve⁴. Qui³mi³ Jerusalén, nca³
cje³ vi³tjo³-jin²sa³ pa²xco⁴, jme¹-
ni³ nca³ si⁴²tsje³-si¹ni³ yao³-le⁴.
56 Tsa³ca¹sjai³ Jesús. Nca³⁷i⁴ nca³jan¹
tsa³cja¹cao⁴ xi¹-ncjin¹ nca³ tjio¹ ya⁴³
yo⁴nco⁴: Jo¹ vi³xon¹³, a³ tsi² cjoa⁴⁷ai¹
s⁷oi¹-vi⁴. **57** Je² cho⁴ta⁴ti¹tjon²-
le⁴ na⁴⁷mi³ cao⁴ cho⁴ta⁴ fariseos
c⁷oa⁴-s⁷in² tsa³ca³te¹xo³ma³, tsa²
⁷ya³-ve⁴ xi³ ve³ jña³ nca³ ti¹jna³
Jesús, c⁷oa⁴ca²ta³tso², jme¹-ni³ nca³
coi⁴ntoa⁴-si¹ni³.

Je² María si¹ca³jon³ Jesús

(Mt. 26:6-13; Mr. 14:3-9)

12 Jaon³ ni⁴chjin³ nca³ cje³
vi³tjo³-jin²sa³ s⁷oi¹ pa²xco⁴,
Jesús ja³⁷ai³ ya⁴ Betania jña³ nca³
ti¹jna³ Lázaro, je² xi³ c⁷en³ xi³
Jesús qui³si³cja³⁷a¹ya³jín³-ni³le⁴ xi³
c⁷en³. **2** Ya⁴ qui³si³cjen² Jesús nca³
njion². Je² Marta tsa³c⁷e¹ya³-le⁴. Je²
Lázaro c⁷oa⁴-ti⁴ jnco³ xi³ ti⁴je²-ni³
xi³ tsa³ca³tio²t⁷a³ ya¹mi²xa⁴ cao⁴
Jesús. **3** C⁷ia⁴ María qui³sco¹ jnco³
libra xqui³xi¹ne¹ xi³ ⁷mi² nardo xi³
cjai¹nca³ chji¹. Qui³si³ca³jon³ ntso⁴co⁴
Jesús, cao⁴ ntsja⁴-le⁴ qui³si³xi²-ni³
ntso⁴co⁴. A³li² to⁴jo³ xi³ qui³njen³
ja⁴ya³ ni³⁷ya³. **4** Qui³tso² jnco³
cho⁴ta⁴-le⁴ Jesús, je² Judas Iscariote,
⁷nti¹-le⁴ Simón, je² xi³ c⁷oe⁴²t⁷ain³
na⁴jmi¹ xi³ t⁷a³ts⁷e⁴ Jesús. **5** A¹-ni³
nca³ tsi² jan² ciento qui³sa³te³na²-
si¹ni³ je² xqui³xi¹ne¹-vi⁴, c⁷oa⁴
tsa² qui³ts⁷ai²-le⁴ cho⁴ta⁴yo⁴ma⁴.
6 To⁴coi³ c⁷oa⁴qui³tso²-ni³, a³li²
tsa² nca³ cjoa⁴qui²xi⁴-jin² nca³
n⁷ion¹ cji³jín³-le⁴ cho⁴ta⁴yo⁴ma⁴,

to⁴coi³² nca³ che¹. Ti¹jna³-le⁴ ⁷nti¹
ca²xa⁴taon⁴, qui³si³che¹ je² xi³
ya⁴ qui³s²e³ya³. ⁷C²ia⁴ Jesús
c²oi⁴qui³tso²: Ca²ta³v⁷e²-le⁴.
Ca²ta³v⁷e¹jna³tjao² sa³⁷nta³ c²ia⁴ nca³
an³ xi³ s²e⁴ñe²³. ⁸Je² cho⁴ta⁴yo⁴ma⁴
tjio¹cao⁴ntsjai²-no³, to⁴nca³ an³
li²coi³ i⁴ coa²te⁴jna³cao⁴ntsjai²-
no³. ⁹Cjai¹nca³ to⁴ncjin² cho⁴ta⁴
judíos tjini¹jini³-le⁴ nca³ Jesús ya⁴
ti¹jna³. A³li² to⁴coi³cjoan² cjoa⁴
ja³⁷ai³-ni³ xi³ t²a³ts²e⁴ Jesús. C²oa⁴-
ti⁴ ja³⁷ai³ co³tsen³-le⁴ je² Lázaro
xi³ Jesús qui³si³cja³⁷a¹ya³-ni³le⁴ xi³
c²en³. ¹⁰C²oa⁴-s²in² tsa³cjao¹ya³-
ni³ je² cho⁴ta⁴ti¹tjon²-le⁴ na⁴⁷mi³,
nca³ c²oa⁴-ti⁴ me³-le⁴ nca³ si⁴²c²en³
Lázaro. ¹¹Coi³ nca³ cjai¹nca³
to⁴ncjin² cho⁴ta⁴ judíos qui³, c²oa⁴
coan³cjain¹-le⁴ t²a³ts²e⁴ Jesús xi³
to⁴coi³ cjoa⁴-le⁴ Lázaro.

Jesús fa³⁷a³s²en³ Jerusalén

(Mt. 21:1-11; Mr. 11:1-11; Lc. 19:28-40)

¹²Xi³ coan³ nchaon³ cjai¹nca³
to⁴ncjin² cho⁴ta⁴ xi³ ja³⁷ai³ je² s²oi¹-
ve⁴ c²ia⁴ nca³ qui³nch⁷oe¹ nca³ Jesús
ti¹nchoa¹ ya⁴ Jerusalén. ¹³Qui³scoe¹
xca⁴jen¹, ji³tjo³cja³⁷a¹ya³ntia³, n⁷ion¹
qui³nchja⁴: Viva. Jo¹ to⁴nta³-le⁴
je² xi³ fa³⁷ai³ nca³jao³-le⁴ Nai³na¹,
je² cho⁴ta⁴ti¹tjon² xi³ ts²e⁴ cho⁴ta⁴
Israel. ¹⁴Jesús qui³sa³co³-le⁴ jnco³
bo¹rro¹⁷nti¹, tsa³c²e²jna³son²-
le⁴ jo³-s²in² tji¹t²a³ xon⁴: ¹⁵A³li²
jcon³-jin²³, tso²ti³-le⁴ Sión, coe⁴-
ni³ cho⁴ta⁴ti¹tjon²-li⁴ ti¹nchoa¹,
ti¹jna³son² jnco³ bo¹rro¹⁷nti¹.
¹⁶Je² en¹-vi⁴ li²coi³ coan³cho⁴ya³-
le⁴ cho⁴ta⁴-le⁴ Jesús nca³ ti¹tjon².
To⁴nca³ c²ia⁴ nca³ qui³s²e³-le⁴
cjoa⁴je³ya³ Jesús, c²ia⁴² ja³⁷ai³tsjen³-
le⁴ nca³ c²oa⁴-s²in² tji¹t²a³ xon⁴

xi³ t²a³ts²e⁴, c²oa⁴ nca³ c²oa⁴-s²in²
qui³si³cao⁴ Jesús. ¹⁷Je² cho⁴ta⁴ xi³
ya⁴ tjio¹cao⁴ c²oa⁴-s²in² qui³tsjoa³ en¹,
jo³-s²in² nca³ qui³nchja⁴-le⁴ Lázaro
ja⁴tsjo¹-le⁴ nca³ qui³si³cja³⁷a¹ya³jini³-
ni³le⁴ xi³ c²en³. ¹⁸Coi³ cjoa⁴ nca³
c²oa⁴-s²in² to⁴nta³ coan³xco¹-ni³
cho⁴ta⁴ nca³ qui³ co³ya³ntia³-le⁴,
nca³ qui³nch⁷oe¹ nca³ qui³tsjoa³ je²
choa⁴ je²-vi⁴. ¹⁹To⁴nca³ je² cho⁴ta⁴
fariseos c²oi⁴qui³tso²-le⁴ xi¹ncjin¹: A³
tsi² ²yao³ nca³ li²jme³ xi³ njen³-no³.
Coe⁴-si³s²in² nca³ts²i³, cjai¹nca³ nta³
fi²t²a³-le⁴.

Cho⁴ta⁴ griegos va¹sjai³ Jesús

²⁰Tjin¹ c²a³ cho⁴ta⁴ griegos xi³
ji³cho² que³xcon¹ ya⁴ s²oi¹. ²¹Je²-
vi⁴⁷ni³ ji³cho²con³-le⁴ Felipe xi³ ts²e⁴
Betsaida ya⁴ Galilea, tsa³c²e¹ts²oa³-
le⁴: Señor, cjai¹nca³ me³-na³jini⁴
nca³ jchai⁴-jin³ Jesús. ²²Felipe
ja³⁷ai³, c²oa⁴qui³tso²-le⁴ Andrés. C²ia⁴
Andrés cao⁴ Felipe c²oa⁴qui³tso²-le⁴
Jesús. ²³C²ia⁴ Jesús c²oi⁴qui³tso²:
Je³ja³⁷ai³ hora nca³ je² ²nti¹-le⁴
cho⁴ta⁴ s²e⁴-le⁴ cjoa⁴je³ya³. ²⁴Ña³qui³
cjoa⁴qui²xi⁴ ña³qui³ cjoa⁴qui²xi⁴ xi³
xin³-no³: Tsa² je² na⁴xin⁴-le⁴ trigo
li²coi³ sca⁴jini³ na³nqui³, c²oa⁴ tsa²
tsi² coi⁴ya¹, to⁴je² c²oe¹jna³. To⁴nca³
tsa² coi⁴ya¹, a³li² to⁴c²oa⁴ cji³ to³ xi³
coa⁴-le⁴. ²⁵Je² xi³ tsjoa³que³ ni⁴ma⁴-
le⁴, c²oa⁴-s²in² si⁴²cha³ ni⁴ma⁴-le⁴,
to⁴nca³ je² xi³ ma³jiti³que³ ni⁴ma⁴-le⁴
i⁴ son³nte³-vi⁴, c²oa⁴-s²in² c²oe⁴²tjao²
ni⁴ma⁴-le⁴ sa³⁷nta³ cjoa⁴vi³jna³chon³
nca³ntsjai². ²⁶Tsa² jnco³ xi³ si¹xa¹-
na³, ca²ta³fi²t²a³-na³. Jña³ nca³
coa²te⁴jna³ nca³ an³, c²oa⁴-ti⁴ ya⁴
c²oe¹jna³ je² xi³ si¹xa¹-na³. Tsa²
jnco³ xi³ si¹xa¹-na³, je² N⁷ai³-na⁴
cjai¹nca³ nta³ c²oa⁴sje³. ²⁷Nt⁷ai⁴

cjai¹nca³ fao¹-le⁴ ni⁴ma⁴-na⁴. Jo¹xian¹³. N²ai³-na⁴, ch²a⁴sje³ntjai²-nai¹³ je² hora je²-vi⁴, to⁴nca³ coi³ xa¹ja²⁷ai⁴-nia³ je² hora je²-vi⁴. ²⁸N²ai³-na⁴, ch²a⁴sje³je³yai³ jan³⁷ain¹-li⁴. C²ia⁴ qui³no²⁷ya²-ni³le⁴ jnc³o³ jta⁴ nc²a³jmi³: Je³ts⁷a³sje³je³ya²³ jan³⁷ain¹-na⁴, c²oa⁴ c²oa⁴-s²in² c²oa³sje³je³ya³-nca¹nia³. ²⁹Je² cho⁴ta⁴ xi³ ya⁴ tjio¹cao⁴ qui³nch⁷oe¹, c²oa⁴qui³tso² nca³ ch⁷aon⁴. Xi³c²a³ qui³tso²: A²ncje⁴ xi³ ca²fa¹cao⁴. ³⁰Jesús c²oi⁴qui³tso²: Je² jta⁴-vi⁴ a³li²t²a³ts⁷an⁴ ja³⁷ai³, to⁴nca³ t²a³tsaon⁴³nio¹³. ³¹Nt²ai⁴-vi⁴ nta⁴ cho¹son²-ni³le⁴ jo³ cjoan³ cho⁴ta⁴son³⁷nte³. Nt²ai⁴-vi⁴ je² nai⁴² xi³ va³te¹xo³ma³son³⁷nte³-vi⁴ coi⁴chon³sje³-ni³. ³²An³ tsa² tjo¹mi³tjen⁴t⁷a³-nia³ na³nqui³, cjoa⁴⁷ai²t⁷a³ts⁷i³-na³. ³³Coi³ c²oa⁴qui³tso²-ni³ nca³ c²oa⁴-s²in² qui³tso²ya³-ni³ jo³-s²in² nca³ coi⁴ya¹. ³⁴Cho⁴ta⁴ c²oi⁴qui³tso²-le⁴ Jesús: Jin⁴-jin⁴ qui³no²⁷ya²-lai⁴jin⁴ cjoa⁴te¹xo³ma³ xi³ c²oa⁴tso² nca³ Cristo ti¹jna³ nca³ntsjai². A¹-ni³ c²oi⁴si³-si¹ni³ nca³ ji³, nca³ ma³chjen¹ nca³ je² nti¹-le⁴ cho⁴ta⁴ tjio¹mi³tjen⁴t⁷a³-ni³ na³nqui³. ³⁵C²ia⁴ Jesús c²oi⁴qui³tso²-le⁴: To⁴jo³ ti¹jna³j³in³-la²sa³no³ nca³ jon² l¹i¹-vi⁴. Ti⁴mao³ ti⁴⁷a³-ni³ nca³ i³sen³-sa³no³, jme¹-ni³ nca³ tsi² coan⁴njon²-ni³no³. Je² xi³ v²e¹ma³njon², li²coi³ ve³ jña³ fi².

Cho⁴ta⁴ judíos li²coi³ ma³cjain¹-le⁴

³⁶Nt²ai⁴-vi⁴ ti⁴⁷a³-ni³ nca³ i³sen³-no³, ca²ta³ma³cjain¹-no³ xi³ t²a³ts⁷e⁴ je² l¹i¹-vi⁴, jme¹-ni³ nca³ nti¹-le⁴ l¹i¹-ve⁴ coan⁴-si¹nio³. C²oi⁴qui³tso² Jesús. C²ia⁴ qui³, tsa³c²e²jna³⁷ma³-le⁴ nca³ts⁷i³. ³⁷Nta³ tsa² c²oa⁴-s²in²

to⁴tse³ choa⁴ qui³tsjoa³-le⁴, to⁴jo³ li²coi³ coan³cjain¹-le⁴ xi³ t²a³ts⁷e⁴ Jesús, ³⁸jme¹-ni³ nca³ c²oa⁴-s²in² coi⁴tjo³son²-ni³ je² en¹-le⁴ Isaías xi³ qui³nchja⁴ya³ t²a³ts⁷e⁴ Ni³na¹: Señor, ³⁹ya¹-ni³ xi³ coan³cjain¹-le⁴ je² en¹ xi³ ⁴⁰mi²ya¹jin⁴. ⁴¹ya¹ xi³ coan³tsen³-le⁴ je² čhja³-le⁴ Nai³-na¹. ³⁹Coi³ nca³ li²coi³ coan³cjain¹-le⁴ nca³ nqui²jnc³c²a² c²oa⁴qui³tso²-nca¹ni³ Isaías: ⁴⁰Qui³si³xca⁴ xcon⁴, qui³si³ta²ja³ ni⁴ma⁴-le⁴, jme¹-ni³ nca³ tsi² coan⁴tsen³-ni³le⁴ cao⁴ xcon⁴, nca³ tsi² coan⁴cho⁴ya³j³in³-ni³le⁴ ni⁴ma⁴-le⁴, nca³ si⁴²c²o¹fa³ya³t⁷a³-le⁴, c²oa⁴ nca³ an³ si³nta³ nca³ je². ⁴¹Je² cjoa⁴-vi⁴ c²oa⁴qui³tso² Isaías, c²ia⁴ nca³ tsa³ve³ cjoa⁴je³ya³-le⁴ Nai³-na¹, c²oa⁴ qui³nchja⁴ xi³ t²a³ts⁷e⁴. ⁴²Coi³ cjoa⁴ nta³ tsa² ncjin² cho⁴ta⁴ti¹tjon² coan³cjain¹-le⁴ xi³ t²a³ts⁷e⁴ Jesús. To⁴nca³ to⁴coi³ cjoa⁴ nca³ tsa³cjon¹-le⁴ cho⁴ta⁴ fariseos li²coi³ c²oa⁴cjoan³-s²in² tsa³ca³co¹ yao³-le⁴ nca³ coan³cjain¹-le⁴ xi³ t²a³ts⁷e⁴ Cristo, jme¹-ni³ nca³ tsi² ya⁴ coi⁴chon³sje³-si¹ni³ ya⁴³ nt⁷ia³ sinagoga. ⁴³Nqui²sa⁴ coan³tsjoa³que³ cjoa⁴je³ya³ xi³ cho⁴ta⁴ tsjoa¹-le⁴ cao⁴-ni³ tsa² cjoa⁴je³ya³ xi³ Ni³na¹ tsjoa¹. ⁴⁴To⁴nca³ Jesús n²ion¹ qui³nchja⁴, c²oi⁴qui³tso²: Je² xi³ ma³cjain¹-le⁴ xi³ t²a³ts⁷an⁴, a³li²coi³ tsa² to⁴t⁷a³ts⁷an⁴ ma³cjain¹-le⁴, to⁴nca³ ma³cjain¹-le⁴ xi³ t²a³ts⁷e⁴ je² xi³ qui³si³ca³sen¹-na³. ⁴⁵Je² xi³ ve³-na³, c²oa⁴²-ti⁴ ve³ je² xi³ qui³si³ca³sen¹-na³. ⁴⁶An³ je²⁷e⁴ son³⁷nte³-vi⁴ jo³-ni³ l¹i¹, jme¹-ni³ nca³ nca³ts⁷i³-si¹ni³ xi³ ma³cjain¹-le⁴ xi³ t²a³ts⁷an⁴, a³li²coi³ jin³njon² coa⁴tio⁴ntsjai². ⁴⁷Je² xi³ cjo⁴i⁴nch⁷oe¹ en¹-na⁴, c²oa⁴ tsi² tsa² coan⁴cjain¹-le⁴, an³ a³li²coi³

tsjoa³-le⁴ cjoa⁴ñ²ain³. Nca⁴ tsi² tsa²
coi³ xa¹ ja²⁷ai⁴-nia³ nca³ tsjoa³-le⁴
cjoa⁴ñ²ain³ cho⁴ta⁴son³⁷nte³, to⁴coi³
xa¹ ja²⁷ai⁴-nia³ nca³ c⁷oa³sje³ntje²³
cho⁴ta⁴son³⁷nte³. ⁴⁸Je² xi³
ch²ao³que³-na³, c⁷oa⁴ tsi² cjoe¹ en¹-
na⁴, tjín¹ xi³ tsjoa¹-le⁴ cjoa⁴ñ²ain³. Je²
en¹ xi³ qui³nchja²³, coi³ xi³ tsjoa¹-le⁴
cjoa⁴ñ²ain³ c⁷ia⁴ nca³ coi⁴cho³cje³t²a³
ni⁴chjin³. ⁴⁹A³li² to⁴⁷an³ xi³ c⁷oa⁴-
s⁷in² qui³nchja²³, to⁴nca³ je²
N⁷ai³-na¹ xi³ qui³si³ca³sen¹-na³, je²
tsa³ca³te¹xo³ma³-na³ jñā³-le⁴ xi³
xian¹³, c⁷oa⁴ jñā³-le⁴ xi³ coi³nchja²³.
⁵⁰ve³-nia¹³ nca³ je² cjoa⁴te¹xo³ma³-
le⁴ je² xi³ tsjoa¹ cjoa⁴vi³jna³chon³
nca³ntsjai². Je² en¹ xi³ nchja²³, c⁷oa⁴-
s⁷in² nchja²³ jo³-s⁷in² qui³tso²-na³
N⁷ai³-na¹.

Jesús va³ne¹jon³ ntso⁴co⁴ cho⁴ta⁴-le⁴

13 Cje³ vi³tjo³-jin²sa³ s⁷oi¹
pa²xco⁴. Tjin¹jín³-le⁴ Jesús
nca³ je³nchoa⁴chian³ hora⁴-le⁴ nca³
coi⁴tjo³-ni³ son³⁷nte³, nca³ coai⁴con³-
le⁴ N⁷ai³-na¹. Jesús tjao²que³
coan³ nca³ts⁷i³ xi³ ts⁷e⁴ xi³ tjio¹ i⁴
son³⁷nte³-vi⁴, c⁷oa⁴-s⁷in² tjao²que³
coan³ sa³⁷nta³ xi³ je³t²a³-ni³.

²C⁷ia⁴ nca³ je³coan³ tsa³cjen²
nca³ njion², je² nai⁴² je³c⁷oa⁴-s⁷in²
qui³sca³ni¹jín³ ni⁴ma⁴-le⁴ Judas,
xi³ ⁷nti¹-le⁴ Simón Iscariote, nca³
je² xi³ c⁷oe⁴²t²ain³ na⁴jmi¹ xi³
t²a³ts⁷e⁴ Jesús. ³Ve³ Jesús nca³ je²
N⁷ai³-na¹ c⁷oa⁴-s⁷in² qui³tsjoa³-
le⁴ nca³yi³je³ cjoa⁴ ja⁴ya³ ntsja³,
nca³ c⁷oa⁴-s⁷in² ja³⁷ai³-ni³ t²a³ts⁷e⁴
Ni³na¹, c⁷oa⁴-ti⁴ ya⁴ coai⁴con³-le⁴
Ni³na¹. ⁴Ji³so²tjen⁴t²a³ ya¹mi²xa⁴
nca³ je³tsa³cjen², tsa³cja³⁷a¹xin²
tso⁴nca⁴-le⁴, qui³scoe¹ jnco³ toalla,
tsa³c⁷e¹cja¹ntia³. ⁵C⁷ia⁴ tsa³c⁷e¹ya³

na³nta¹ jnco³ bandeja, tsa³ca³ne¹jon³
ntso⁴co⁴ cho⁴ta⁴-le⁴. Qui³si³tsje³jon³-
ni³ toalla xi³ tji¹cja¹ntia³. ⁶C⁷ia⁴
nca³ ja³⁷ai³ ca³t²a³-le⁴ Simón Pedro,
Pedro c⁷oi⁴qui³tso⁴-le⁴: Señor, a³
ji³ coa⁴ne²join³ ntso⁴coa³. ⁷Jesús
c⁷oi⁴qui³tso²-le⁴: Je² xi³ s⁷ian³ nca³
an³, li²coi³ ⁷yai³ nt²ai⁴-vi⁴, to⁴nca³
coan⁴scan³-ni³ coan⁴cho⁴ya³-li².
⁸Pedro qui³tso²-le⁴: Li²coi³ c⁷ia³
coa⁴ne²join³ ntso⁴coa³. Jesús
qui³tso²-le⁴: Tsa² tsi² coa³ne³jon³-le²³,
li²coi³ s⁷e⁴-li² ⁷nte³ cao⁴ an³. ⁹Simón
Pedro c⁷oi⁴qui³tso²-le⁴: Señor, a³li²
to⁴je²-jin² ntso⁴coa³, c⁷oa⁴-ti⁴ ntsa⁴
cao⁴ jcoa³. ¹⁰Jesús c⁷oi⁴qui³tso²-le⁴:
Je² xi³ tsa³ca³nc⁷o¹ya³, to⁴je² ntso⁴co⁴
xi³ ma³chjen¹-le⁴ nca³ va³ne¹jon³,
nca³ je³tsje³ nca³yi³je³. Jon² je³tsje³
cjoaon³, nta³ tsa² tsi² nca³ts⁷io³.
¹¹Jesús je³ve³-le⁴con³ ⁷ya³ xi³ c⁷oa⁴-
s⁷in² c⁷oe⁴²t²ain³ na⁴jmi¹ xi³ t²a³ts⁷e⁴.
Coi³ c⁷oa⁴qui³tso²-ni³: Li²coi³ tsje³
cjoaon³ nca³ts⁷io³. ¹²C⁷ia⁴ nca³
je³tsa³ca³ne¹jon³ ntso⁴co⁴, tsa³c⁷a³cja¹
tso⁴nca⁴-le⁴, tsa³c⁷e²jna³t²a³-nca¹ni³
ya¹mi²xa⁴, c⁷oi⁴qui³tso²-le⁴: A³
ma³cho⁴ya³-no³ xi³ ca²si³cao⁴-no³.
¹³Jon² Maestro c⁷oa⁴ Señor ⁷mi²-
nao¹³. Cjai¹nca³ nta³ vi³xon¹³, nca³
coi³ nia¹³. ¹⁴Ne³-ni³ tsa² an³ xi³
Señor, xi³ Maestro, ca²va³ne³joan²³
ntso⁴co³, c⁷oa⁴-ti⁴ jon² ma³chjen¹-
no³ nca³ ta⁴ne²jon³-nca³ñao¹³
ntso⁴co⁴ xi²nquio⁴³. ¹⁵C⁷oa⁴-s⁷in²
ca²v⁷e³jna²cho⁴ya³-no³ jo³-s⁷in²
nca³ an³ ca²si³cao⁴-no³. C⁷oa⁴-
s⁷in² ti⁴cao⁴³ xi²nquio⁴³. ¹⁶Ña³qui³
cjoa⁴qui²xi⁴ ña³qui³ cjoa⁴qui²xi⁴
xi³ xin³-no³: Je² xi³ cho⁴⁷nta³ ma³,
a³li² je²-jin² ti¹tjon²-le⁴ nai³-le⁴.
Ni⁴je²-jin² xi³ qui³ni²ca³sen¹ ti¹tjon²-
le⁴ je² xi³ qui³si³ca³sen¹ nca³ je².

17 Tsa² ʔya³-nio¹³ cjoa⁴ je²-vi⁴, jo¹ to⁴nta³-no³ tsa² cʰoa⁴sʰiaon⁴³. 18 A³li² cʰoa⁴-sʰin² nchja²³ xi³ tʰa³tsaon⁴³ nca³tsʰio³. ʔve³nia¹³ jo³ cjoan³ xi³ tsa³cja³⁷a³jian³, to⁴nca³ jme¹-ni³ nca³ cʰoa⁴-sʰin² ca²ta³vi³tjo³son²-ni³ je² xon⁴ Escritura: Je² xi³ cjen²cao⁴-na³ nio⁴xti²la⁴, qui³tsjon²-na³. 19 Cʰoa⁴ ti²xin³-no³ ntʰai⁴-vi⁴ to⁴nqui³-ni³ nca³ cʰoa⁴coan⁴, jme¹-ni³ nca³ coan⁴cjain¹-si¹ni³no³ nca³ an³ nia¹³ cʰia⁴ nca³ cʰoa⁴coan⁴. 20 Ña³qui³ cjoa⁴qui²xi⁴ ña³qui³ cjoa⁴qui²xi⁴ xi³ xin³-no³: Je² xi³ cjoe¹tjao² xi³ an³ si³ca³sen¹³, an³ xi³ cjoe¹tjao²-na³. Cʰoa⁴ je² xi³ an³ cjoe¹tjao²-na³, cjoe¹tjao² xi³ qui³si³ca³sen¹-na³.

Jesús va¹ya³con³ ʔya³ xi³ cʰoe⁴²tʰain³ na⁴jmi¹ xi³ tʰa³tsʰe⁴

(Mt. 26:20-25; Mr. 14:17-21; Lc. 22:21-23)

21 Cʰia⁴ nca³ je³cʰoa⁴qui³tso², Jesús aon³ coan³-le⁴, qui³si³qui²xi⁴ya³: Ña³qui³ cjoa⁴qui²xi⁴ ña³qui³ cjoa⁴qui²xi⁴ xi³ xin³-no³, jnc³ xi³ jon² cʰoe⁴²tʰain³ na⁴jmi¹ xi³ tʰa³tsʰan⁴. 22 Cʰia⁴ nca³⁷i⁴ nca³jan¹ qui³sco²tsen³-le⁴ xi¹ncjin¹ cho⁴ta⁴-le⁴, nca³ tsi² tsa² ve³ ʔya³-ve⁴ xi³ cʰoa⁴tso²-le⁴. 23 Jnc³ xi³ ti⁴je²-ni³ cho⁴ta⁴-le⁴, je² xi³ Jesús cjai¹nca³ tjao²que³, ti¹jna³tʰa³-le⁴ Jesús. 24 Simón Pedro qui³si³cao⁴ seña, jme¹-ni³ nca³ sco¹na³nqui³-si¹ni³ ʔya³-ni³ xi³ cʰoa⁴tso²-le⁴. 25 Cʰia⁴ je² xi³ ti¹jna³tʰa³-le⁴ Jesús cʰoi⁴qui³tso²-le⁴: Señor, ʔya¹-ni³. 26 Qui³nchja⁴ Jesús: Je² ni¹ je² xi³ nio⁴xti²la⁴ ʔnchi⁴ tsjoa³-le⁴. Qui³si³ca³⁷nchi⁴ nio⁴xti²la⁴, qui³tsjoa³-le⁴ Judas Iscariote, ʔnti¹-le⁴ Simón. 27 Cʰia⁴ nca³ je³qui³scoe¹ nio⁴xti²la⁴ ʔnchi⁴, cʰoa⁴-sʰin² je² nai⁴² Satanás ja³⁷a³sʰen³jjin³-le⁴ Judas.

Cʰia⁴ Jesús cʰoi⁴qui³tso²-le⁴: Je² xi³ nʰiain²³, xi¹ti¹ tʰiain⁴. 28 Ni⁴⁷ya³-jin² xi³ tjio¹tʰa³ ya¹mi²xa⁴ coan³cho⁴ya³-le⁴ a³-ni³ nca³ cʰoa⁴qui³tso²-ni³le⁴. 29 Tjin¹ cʰa³ xi³ qui³si³cja³⁷ai³tsjen³ nca³ coi³ nca³ je² Judas xi³ ti¹jna³-le⁴ ʔnti¹ ca²xa⁴taon⁴, coi³ nca³ Jesús cʰoi⁴qui³tso²-le⁴: Ti⁴ntai¹³ jme³-ni³ xi³ ma³chjen¹-na¹ i⁴ sʰoi¹-vi⁴, a³xo⁴ tʰai² jo³ tjini¹-lai⁴ cho⁴ta⁴yo⁴ma⁴. 30 Cʰia⁴ nca³ Judas je³qui³scoe¹ nio⁴xti²la⁴, ji³tjo³ nti⁴ton⁴. Je³coan³ njion².

Je² cjoa⁴te¹xo³ma³ cho⁴tse⁴

31 Cʰia⁴ nca³ je³ji³tjo³ Judas, cʰoi⁴qui³tso² Jesús: Ntʰai⁴ntai⁴ je³ji³tjo³je³ya³ ʔnti¹-le⁴ cho⁴ta⁴, cʰoa⁴ Ni³na¹ je³ji³tjo³je³ya³ xi³ tʰa³tsʰe⁴ nca³ je². 32 Tsa² Ni³na¹ ji³tjo³je³ya³ xi³ tʰa³tsʰe⁴, cʰoa⁴-ti⁴ Ni³na¹ cʰoa⁴sje³je³ya³ Jesús cao⁴ cjoa⁴je³ya³-le⁴ xi³ ti⁴tsʰe⁴-ni³ Ni³na¹, nti⁴ton⁴ cʰoa⁴sje³je³ya³. 33 ʔnti¹xti³, to⁴jo³ ti²jna⁴cao⁴-sa³no³ nqui²jnc³ tjo². Coi⁴jnchi¹sjai³-nao¹³, to⁴nca³ jo³ qui³xin³-le⁴ cho⁴ta⁴ judíos, cʰoa⁴xin³-no³ ntʰai⁴-vi⁴, jña³ nca³ cjoia¹³, jon² li²coi³ coan⁴ coa⁴nquion¹³. 34 Jnc³ cjoa⁴te¹xo³ma³ cho⁴tse⁴ xi³ tsjoa³-no³: Ca²ta³ma³tsjoa³chao³ xi²nquio⁴³. Jo³-sʰin² nca³ an³ coan³tsjoa³que⁴-no³, cʰoa⁴-sʰin² ca²ta³ma³tsjoa³chao³ xi²nquio⁴³. 35 Cʰoi⁴-sʰin² scoe⁴ nca³tsʰi³ nca³ jon² nio¹³ cho⁴ta⁴-na⁴, tsa² cʰoa⁴-sʰin² ma³tsjoa³chao³ xi²nquio⁴³.

Jesús va¹ya³con³ nca³ Pedro cʰoe¹jna³⁷ma³cao⁴ nca³ je².

(Mt. 26:31-35; Mr. 14:27-31; Lc. 22:31-34)

36 Simón Pedro cʰoi⁴qui³tso²-le⁴: Señor, jña¹ ti³⁷mi³. Jesús qui³tso²-le⁴: Jña³ nca³ cjoia¹³, li²coi³

coan⁴-li² c^ooin¹tjen⁴nqui³-nai¹³
 nt²ai⁴-vi⁴, to⁴nca³ coan⁴scan³-ni³
 c^ooin¹tjen⁴nqui³-nai¹³. **37** Pedro
 qui³tso²-le⁴: Señor, a¹-ni³ nca³ tsi²
 coan⁴-na³ cjo¹tjen⁴nqui³-si¹ni³le²³
 nt²ai⁴-vi⁴. Je² ni⁴ma⁴-na⁴ c^ooe³jna²³
 xi³ t²a³tsi⁴. **38** Jesús qui³tso²-le⁴: A³
 ni⁴ma⁴-li⁴ c^ooe¹jnai³ xi³ t²a³ts²an⁴.
 Ña³qui³ cjoa⁴qui²xi⁴ ña³qui³
 cjoa⁴qui²xi⁴ xi³ xin³-le²³: Li²coi³
 squi¹⁷ntia¹ cha¹xi³cha¹ sa³nta³ ji³
 coi⁴jna³⁷ma³cao⁴-nai¹³ jan² c^oa³.

Jesús cao⁴ N²ai³-na¹

14 A³li² aon³-jin² ma³-le⁴
 ni⁴ma⁴-no³. Ma³cjain¹-no³
 xi³ t²a³ts²e⁴ Ni³na¹, c^ooa⁴-ti⁴
 ca²ta³ma³cjain¹-no³ xi³ t²a³ts²an⁴.
²Ya⁴ nt²ia³-le⁴ N²ai³-na⁴ cjai¹nca³
 to⁴tjin¹ ²nte³. Tsa² tsi² c^ooa⁴tjin¹,
 c^ooa⁴qui³xin³-no³. Cjoia¹³ tso²c^ooa⁴,
 cjo¹ si³nta³chon³-no³ ²nte³ xi³
 t²a³tsaon⁴³. ³Tsa² cjoia¹³, tsa²
 si³nta³chon³-no³ ²nte³, cjoa²⁷ai⁴
 nqui²ntia³-nia³. Scoe²tjao²-no³
 t²a³ts²an⁴, jme¹-ni³ nca³ c^ooa⁴-ti⁴
 jon² ya⁴ coi⁴yo³-si¹nio³, jña³ nca³
 ti²jna⁴ nca³ an³. ⁴ya³-nio¹³ jña³
 nca³ cjoia¹³, c^ooa⁴ ²ya³-nio¹³ ntia⁴².
⁵Tomás qui³tso²-le⁴: Señor, li²coi³
²ya³⁴-jin⁴ jña³ nca³ c^ooin¹³. Jo¹ coan⁴-
 ni³⁷ni³ nca³ jchai⁴-jin⁴ ntia⁴². **6** Jesús
 qui³tso²-le⁴: An³ nia¹³ xi³ ntia⁴², an³
 nia¹³ xi³ cjoa⁴qui²xi⁴, an³ nia¹³ xi³
 cjoa⁴vi³jna³chon³. Ni⁴to⁴⁷ya³-jin² xi³
 fa³⁷ai³con²-le⁴ N²ai³-na¹, tsa² tsian²
 nca³ an³. ⁷Tsa² tsa³⁷ya³-ni³nao¹³,
 c^ooa⁴-ti⁴s²in² tsa³⁷yao³ N²ai³-na⁴.
 Va³se²ts²ia⁴-ni³ nt²ai⁴ ²ya³-nio¹³ nca³
 je², c^ooa⁴ qui³cho²tsen³-lao⁴³. **8** Felipe
 qui³tso²-le⁴: Señor, ta⁴co²-na³jin⁴
 N²ai³-na¹. To⁴coan⁴-ni³na³jin⁴. **9** Jesús
 qui³tso²-le⁴: A³ to⁴c^ooa⁴² cji³tse³

ti²jna⁴cao⁴-no³, c^ooa⁴ li²coi³ tsa³⁷ya³-
 nai¹³, Felipe. Je² xi³ tsa³ve³-na³
 nca³ an³, tsa³ve³ N²ai³-na¹. A¹-ni³
 c^ooa⁴si³-si¹ni³ ta⁴co²-na³jin⁴ N²ai³-
 na¹. **10** A³ tsi² ma³cjain¹-li² nca³ an³
 ti²jna⁴cao⁴ N²ai³-na¹, c^ooa⁴ je² N²ai³-
 na¹ ti¹jna³cao⁴-na³. Je² en¹ xi³ an³
 fa²cao⁴-no³, a³li² to⁴⁷an³ xi³ c^ooa⁴-
 s²in² nchja²³, to⁴nca³ je² N²ai³-na¹
 xi³ ti¹jna³cao⁴-na³, je² xi³ c^ooa⁴s²in¹
 je² xa¹-vi⁴. **11** Ca²ta³ma³cjain¹-no³
 nca³ an³ ti²jna⁴cao⁴ N²ai³-na¹, c^ooa⁴
 je² N²ai³-na¹ ti¹jna³cao⁴-na³. Tsa²
 tsi² c^ooa⁴-s²in², ca²ta³ma³cjain¹-
 no³ t²a³ts²an⁴ xi³ to⁴⁷a³ts²e⁴ je² xa¹
 xi³ ti²s²ian³. **12** Ña³qui³ cjoa⁴qui²xi⁴
 ña³qui³ cjoa⁴qui²xi⁴ xi³ xin³-no³:
 Je² xi³ ma³cjain¹-le⁴ xi³ t²a³ts²an⁴,
 je² nca³yi³je³ jo³ nca³ ti²s²ian³,
 c^ooa⁴-ti⁴s²in² s²in⁴² nca³ je², sa³⁷nta³
 nqui²sa⁴-sa³ cjoa⁴⁷a³to³ntjai²-le⁴,
 nca⁴ an³ cjo¹con³-le⁴ N²ai³-na¹.
¹³To⁴jme³-ni³ xi³ si⁴je¹-lao⁴³ N²ai³-na¹
 cao⁴ jan³⁷ain¹-na⁴, c^ooa⁴-s²in² s²ian³,
 jme¹-ni³ nca³ c^ooa⁴-s²in² N²ai³-na¹
 coi⁴tjo³je³ya³ xi³ to⁴⁷a³ts²e⁴ ²nti¹-
 le⁴. **14** Tsa² si⁴jao¹³ jme³-ni³ve⁴ cao⁴
 jan³⁷ain¹-na⁴, an³ c^ooa⁴-s²ian³.

Jesús si¹s²e³nqui³ Espíritu Santo

15 Tsa² tsjoa³cha³-nao¹³,
 ti⁴qui³tjo³son²³ cjoa⁴te¹xo³ma³-na⁴.
¹⁶ C^ooa⁴-s²in² c^ooe³ts²oa²³-le⁴ N²ai³-
 na¹, c^ooa⁴ je² tsjoa¹ nqui²jnc³-no³
 xi³ coa⁴sen⁴cao⁴-no³, jme¹-ni³ nca³
 c^ooe¹jna³cao⁴ntsjai²-si¹ni³no³. **17** Je²
 xi³ N²ai³-na¹ tsjoa¹-no³, je² Espíritu
 Santo xi³ ña³qui³ cjoa⁴qui²xi⁴, xi³
 cho⁴ta⁴son³⁷nte³-vi⁴ li²coi³ ma³-
 le⁴ cjoe¹tjao² nca³ tsi² tsa² coi³
 ve³, ni⁴ve³xcon³-jin². To⁴nca³ jon²
²ya³xcon³-nio¹³, nca⁴ ti¹jna³cao⁴-no³,
 c^ooa⁴ cjoa⁴⁷a³s²en³jin³ ni⁴ma⁴-no³.

18 A³li²coi³ si³ca³tio¹jch⁷an⁴-no³,
 cjoa²⁷ai⁴con³-no³. 19 Nqui²jnc³
 tjo², c⁷ia⁴ son³⁷nte³ li²coi³ ti⁴scoe⁴-
 ni³na³, to⁴nca³ jon² jcha⁴-nao¹³.
 Coi³ nca³ ti²jna⁴coan³, c⁷oa⁴-ti⁴ jon²
 coi⁴yo³chon³. 20 C⁷oa⁴ coi³ ni⁴chjin³-
 ve⁴ jcha⁴-nio¹³ nca³ an³ ti²jna⁴coa⁴
 N⁷ai³-na¹, c⁷oa⁴ jon² ti³yo³cao⁴-
 nao¹³, c⁷oa⁴ an³ ti²jna⁴cao⁴-no³. 21 Je²
 xi³ tjin¹-le⁴ cjoa⁴te¹xo³ma³-na⁴, xi³
 si¹qui³tjo³son² coi³ cjoa⁴te¹xo³ma³-
 vi⁴, je²-vi⁴ xi³ tsjoa³que³-na³. Je²
 xi³ tsjoa³que³-na³ nca³ an³, c⁷oa⁴-
 s⁷in² N⁷ai³-na⁴ tsjoa³que³ nca³ je²,
 c⁷oa⁴ an³ tsjoa³que⁴ nca³ je². C⁷oa⁴-
 ti⁴ coa³co³son²tsen³-le⁴ yao³-na⁴.
 22 Judas, a³li² je² xi³ Iscariote ⁷mi²,
 qui³tso²-le⁴: Señor, jme¹ xi³ coan³
 nca³ jin⁴ coa⁴co²son²tsen³-na³jin⁴
 yao³-li⁴, nca³ tsi² scoe⁴-ni³ nca³ts⁷i³
 cho⁴ta⁴. 23 Jesús qui³tso²-le⁴: Je²
 xi³ tsjoa³que³-na³, si⁴²qui³tjo³son²
 en¹-na⁴. N⁷ai³-na⁴ tsjoa³que³ nca³
 je², cjoa²⁷ai⁴chon³-lai⁴jin⁴, c⁷oa⁴
 coi⁴yo³coa⁴-jin⁴. 24 Je² xi³ tsi²
 tsjoa³que³-na³, li²coi³ si¹qui³tjo³son²
 en¹-na⁴. Je² en¹ xi³ qui³no²⁷yao²³
 a³li² ts⁷an⁴-jian²³, ts⁷e⁴ N⁷ai³-na¹
 xi³ qui³si³ca³sen¹-na³. 25 Je² en¹
 xi³ c⁷oi⁴s⁷in² tsa³cja²cao⁴-no³ nca³
 ti²jna⁴jin³-no³. 26 Je² N⁷ai³-na¹
 si⁴²ca³sen¹ nca³jao³-na⁴ je² Espíritu
 Santo, je² xi³ va³sen¹cao⁴. Je²-
 vi⁴ xi³ coa⁴co²ya³-no³ nca³yi³je³,
 c⁷oa⁴ si⁴²cja³⁷ai³tsjen³-no³
 nca³yi³je³ jo³ qui³xin³-no³. 27 An³
 si³qui³njen³nch⁷an¹jian³ ni⁴ma⁴-
 no³. Jo³-s⁷in² nca³ nch⁷an¹ ti²jna⁴,
 c⁷oa⁴-s⁷in² tsjoa³-no³. A³li² c⁷oa⁴-
 s⁷in² si³qui³njen³nch⁷an¹jian³
 ni⁴ma⁴-no³, jo³-s⁷in² tsjoa¹
 son³⁷nte³-vi⁴. A³li² aon³-jin² ma³-
 le⁴ ni⁴ma⁴-no³, a³li² jcon³-jion²³.

28 Qui³no²⁷ya²-nio¹³ jo³ qui³xin³-no³:
 Cjoia¹³, cjoa²⁷ai⁴con³-nca¹ni³no³.
 Tsa² coan³tsjoa³cha³-nao¹³,
 cjai¹nca³ to⁴tsjoa³ coan³-no³, nca⁴
 c⁷oa⁴qui³xian³ nca³ cjo¹con³-
 le⁴ N⁷ai³-na¹. Je² N⁷ai³-na¹
 nqui²sa⁴ ti¹tjon² cao⁴-ni³ tsa² an³.
 29 C⁷oa⁴qui³xin³-no³ to⁴nqui³-
 ni³ nca³ c⁷oa⁴coan⁴, jme¹-ni³ nca³
 coan⁴cjai¹-si¹ni³no³ c⁷ia⁴ nca³
 c⁷oa⁴coan⁴. 30 A³li²coi³ ti⁴tse³
 coi³nchja²cao⁴-ni³no³, nca³ nchoa¹
 je² nai⁴² xi³ va³te¹xo³ma³ son³⁷nte³-
 vi⁴. To⁴nca³ ni⁴jme³-jin² xi³ tjin¹-le⁴
 xi³ t⁷a³ts⁷an⁴. 31 C⁷oa⁴-s⁷in² s⁷ian³
 jo³-s⁷in² nca³ N⁷ai³-na¹ qui³tsjoa³-na³
 cjoa⁴te¹xo³ma³, jme¹-ni³ nca³ c⁷oa⁴-
 s⁷in² ca²ta³ve³-ni³ son³⁷nte³-vi⁴ nca³
 tsjoa³que⁴ N⁷ai³-na¹. Ti²so⁴tjaon⁴³
 cjoian¹.

Jesús je² ya¹je³ xi³ cjoa⁴qui²xi⁴

15 An³ nia¹³ ya¹je³ xi³ ña³qui³
 cjoa⁴qui²xi⁴, c⁷oa⁴ je²
 N⁷ai³-na⁴ xi³ si¹coi²nta⁴. 2 Nca³yi³je³
 ya¹ntsa⁴ xi³ tsi² tsa² va³-le⁴ to³,
 fa³⁷a¹xin². Nca³yi³je³ ya¹ntsa⁴ xi³
 va³-le⁴ to³, va³te³t⁷a³ts⁷a³, jme¹-
 ni³ nca³ nqui²sa⁴ to⁴ncjin² to³
 coa⁴-si¹ni³le⁴. 3 Jon² je³c⁷oa⁴-s⁷in²
 coan³tsjao³, xi³ to⁴t⁷a³ts⁷e⁴ je² en¹
 xi³ qui³nchja²³-no³. 4 Ti⁴yo³cao⁴-
 nao¹³, c⁷oa⁴ an³ coa²te⁴jna³cao⁴-no³.
 Jo³-ni³ tsa² jnc³ ya¹ntsa⁴ xi³ tsi²
 tsa² va³-le⁴ to³ nca³ to⁴je², tsa² tsi²
 ti¹jna³t⁷a³n⁷ion¹ ya¹je³, c⁷oa⁴-ti⁴s⁷in²
 li²jme³ xi³ coan⁴ s⁷iaon⁴³ nca³ jon²,
 tsa² tsi² c⁷oa⁴-s⁷in² coi⁴yo³cao⁴-nao¹³.
 5 An³ nia¹³ ya¹je³, c⁷oa⁴ jon² nio¹³
 ya¹ntsa⁴. Je² xi³ an³ ti¹jna³cao⁴-na³,
 c⁷oa⁴ an³ ti²jna⁴coa⁴ nca³ je², je²-
 vi⁴ xi³ cjai¹nca³ to⁴ncjin² to³ va³-le⁴.
 Li²jme³ xi³ ma³ n⁷iaon²³ nca³ jon²,

t²a² t³i³y³o³t²a³xin²-nao¹³. ⁶Je² xi³ tsi²
 ti¹jna³cao⁴-na³, c²oa⁴-s²in² tjo¹xin²
 jo³-ni³ tsa² jnco³ ya¹ntsa⁴ xi³ tsi²
 tsa² jme³ xi³ tsjoa¹, c²oa⁴ xi¹-ni³.
 C²ia⁴ s²e⁴xco¹, s²e⁴yo³j³in³ l¹i¹, c²oa⁴
 ti²-ni³. ⁷Tsa² an³ ti³yo³cao⁴-nao¹³,
 c²oa⁴ tsa² en¹-na⁴ tjin¹j³in³-no³,
 nca³yi³je³ xi³ me³-no³, ti⁴jao¹³, c²oa⁴-
 s²in² coi⁴tjo³son²-no³. ⁸Coi³-vi⁴ xi³
 c²oa⁴-s²in² v²a³sje³je³ya³ N²ai³-na⁴,
 nca³ c²oa⁴-s²in² to⁴ncjin² to³ coa⁴-
 no³. C²oa⁴-s²in² jcha⁴qui²xi⁴-no³
 nca³ cho⁴ta⁴-na⁴ mao³. ⁹Jo³-s²in²
 nca³ tsjoa³que³-na³ N²ai³-na¹, c²oa⁴-
 s²in² tsjoa³que⁴-no³. Ti⁴yo³cao⁴³
 cjoa⁴tsjoa³cha³-na⁴. ¹⁰Tsa²
 si⁴qui³tjo³son²³ cjoa⁴te¹xo³ma³-na⁴,
 coi⁴yo³cao⁴³ cjoa⁴tsjoa³cha³-na⁴, jo³-
 s²in² nca³ an³ qui³si³qui³tjo³soan²³
 je² cjoa⁴te¹xo³ma³-le⁴ N²ai³-na⁴,
 c²oa⁴ ti²jna⁴coa⁴ cjoa⁴tsjoa³cha³-
 le⁴. ¹¹Je² en¹-vi⁴ tsa³cja²cao⁴-no³,
 jme¹-ni³ nca³ je² cjoa⁴tsjoa³-na⁴
 s²e⁴jna³j³in³-si¹ni³ ni⁴ma⁴-no³, c²oa⁴
 je² cjoa⁴tsjoa³-no³ coan⁴tse³ya³-
 si¹ni³. ¹²Je²-vi⁴ cjoa⁴te¹xo³ma³-na⁴:
 Ca²ta³ma³tsjoa³chao³ xi²-nquio⁴³,
 jo³-s²in² tsjoa³que⁴-no³ nca³ an³.
¹³Li²⁷ya³-sa³ xi³ nqui²sa⁴ tsjoa³que³
 jo³-ni³ jnco³ xi³ tsjoa¹ntjai² ni⁴ma⁴-
 le⁴ xi³ t²a³ts²e⁴ mi²yo⁴-le⁴. ¹⁴Jon²
 nio¹³ mi²yo⁴-na⁴, tsa² c²oa⁴-s²in²
 s²iaon⁴³ nca³yi³je³ jo³-s²in² v²e³ne²³-
 no³. ¹⁵Li²coi³ ti⁴cho⁴⁷nta³-na⁴
 xin¹-ni³no³, nca⁴ je² cho⁴⁷nta³ li²coi³
 ve³ jme³ xi³ s²in¹ nai³-le⁴. To⁴nca³
 mi²yo⁴-na⁴ qui³xin³-no³, nca⁴ c²oa⁴-
 s²in² qui³xin³ya³-no³ nca³yi³je³
 cjoa⁴ xi³ qui³nch²oe³-le⁴ N²ai³-na⁴.
¹⁶A³li² jon²-jion²³ qui³chjoe¹j³in³-
 nao¹³, to⁴nca³ an³ qui³scoe²j³in³-no³
 nca³ jon². Qui³si³qui³ncha²nta³-
 no³, jme¹-ni³ nca³ coa⁴nquin¹-nio³,

c²oa⁴ nta³ si⁴xa¹-si¹nio³, c²oa⁴ je²
 xa¹-no³ sa⁴tio²-si¹ni³, jme¹-ni³ nca³
 N²ai³-na¹ tsjoa¹-ni³no³ nca³yi³je³
 xi³ ni²je¹-lao⁴³ cao⁴ jan³⁷ain¹-na⁴.
¹⁷Je²-vi⁴ xi³ c²oa⁴-s²in² v²e³ne²³-no³:
 Ca²ta³ma³tsjoa³chao³ xi²nquio⁴³.

**Cho⁴ta⁴son³⁷nte³ jti³que³
 Jesús cao⁴ cho⁴ta⁴-le⁴**

¹⁸Tsa² cho⁴ta⁴son³⁷nte³
 jti³que³-no³, ²ya³-nio¹³ nca³
 an³ ti¹tjon² coan³jti³que³-na³.
¹⁹Tsa² i⁴ tsaon⁴³ i⁴ son³⁷nte³-vi⁴,
 je² cho⁴ta⁴son³⁷nte³ tsjoa³que³ xi³
 ts²e⁴. To⁴nca³ jon² li²coi³ i⁴ tsaon⁴³,
 to⁴sa³ an³ qui³scoe²j³in³-ni³no³
 cho⁴ta⁴son³⁷nte³. Coi³ nca³ jti³que³-
 ni³no³ cho⁴ta⁴son³⁷nte³-vi⁴. ²⁰Nta³
 ca²ta³fa³⁷ai³tsjen³-no³ je² en¹ xi³
 qui³xin³-no³: Je² xi³ cho⁴⁷nta³ ma³,
 a³li² je²-jin² ti¹tjon²-le⁴ nai³-le⁴.
 Tsa² an³ ch²ao³ qui³si³cao⁴-na³,
 c²oa⁴-ti⁴ jon² ch²ao³ si⁴²cao⁴-no³.
 Tsa² qui³si³qui³tjo³son² en¹-na⁴,
 c²oa⁴-ti⁴ si⁴²qui³tjo³son² tsaon⁴³.
²¹To⁴ña³qui³ c²oa⁴-s²in² si⁴²cao⁴-no³
 xi³ to⁴⁷a³ts²an⁴, nca⁴ tsi² tsa² coi³
 ve³xcon³ je² xi³ qui³si³ca³sen¹-na³.
²²Tsa² tsi² je²⁷e⁴, c²oa⁴ tsa² tsi² tsa²
 tsa³cja³coa⁴, a³li²coi³ je¹ tjin¹-le⁴⁷ni³.
 To⁴nca³ nt²ai⁴-vi⁴ ntai⁴ li²jme³ xqui³
 tjin¹-le⁴ xi³ t²a³ts²e⁴ je¹-le⁴. ²³Je² xi³
 an³ jti³que³-na³, c²oa⁴-ti⁴ jti³que³
 N²ai³-na⁴. ²⁴Tsa² tsi² c²oa⁴qui³s²ian³
 jin³-le⁴ nca³ je², je² cjoa⁴ xi³ ni⁴⁷ya³-
 jin²sa³ c²oa⁴qui³s²in³, a³li²coi³ je¹
 tjin¹-le⁴⁷ni³. To⁴-nca³ je³tsa³ve³-
 na³j³in⁴, c²oa⁴ coan³jti³que³-na³j³in⁴
 an³ cao⁴ N²ai³-na⁴. ²⁵C²oa⁴-s²in²
 ca²ta³vi³tjo³son²-ni³ je² en¹ xi³
 tji¹t²a³ je² cjoa⁴te¹xo³ma³-le⁴: Tsi² tsa²
 jme³ cjoa⁴ xi³ tjin¹ nca³ c²oa⁴-s²in²
 coan³jti³que³-na³. ²⁶To⁴nca³ c²ia⁴

nca³ cjoa⁴⁷ai¹ je² xi³ va³sen¹cao⁴, xi³
an³ si³ca³sen¹³-no³ t'a³ts'e⁴ N'a³ai³-
na¹, je² Espiritu Santo xi³ ña³qui³
cjoa⁴qui²xi⁴, xi³ ya⁴ fa³⁷ai³-ni³ N'a³ai³-
na¹, je² xi³ tsjoa¹ en¹-le⁴ xi³ t'a³ts'an⁴.
27 C'oa⁴-ti⁴ jon² c'oa⁴³ en¹-no³
nca⁴ c'oa⁴-s'in² ti³yo³cao⁴-nao¹³ jo³
sa³⁷nta³ nca³ ti¹tjon².

16 Je² cjoa⁴-vi⁴ tsa³cja³cao⁴-
no³, jme¹-ni³ nca³ tsi²
tsao⁴⁷a³xin²-si¹nio³. 2 C'aon⁴sje³-
no³ nt'ia³ sinagoga. Cjoa⁴⁷ai¹ hora
c'ia⁴ nca³ to⁴⁷ya³-ni³ xi³ si⁴²c'en³-
no³ si⁴²cja³⁷ai³tsjen³ nca³ c'oa⁴-s'in²
si⁴²xa¹-le⁴ Ni³na¹. 3 Je²-vi⁴ cjoa⁴
c'oa⁴si⁴²cao⁴-no³, nca⁴ tsi² tsa²
ve³xcon³ N'a³ai³-na¹ cao⁴ an³.

Je² xa¹ xi³ s'in¹ Espiritu Santo

4 C'oa⁴qui³xin³-no³ je² cjoa⁴-vi⁴,
jme¹-ni³ nca³ cjoa⁴⁷ai¹tsjen³-si¹ni³no³
nca³ je³c'oa⁴qui³xin³-no³, c'ia⁴
nca³ cjoa⁴⁷ai¹ hora je²-ve⁴. A³li²coi³
c'oa⁴qui³xin³-no³ nca³ ti¹tjon²,
nca⁴ an³ tsa³ca²te⁴jna³cao⁴-no³.
5 To⁴nca³ je³ti²fi³con³-le⁴ je² xi³
qui³si³ca³sen¹-na³. Ni⁴⁷ya³:jin²
xi³ jon² xi³ tso²-na³: Jña¹ ti³⁷mi³.
6 To⁴nca³ cjai¹nca³ to⁴va³-le⁴
ni⁴ma⁴-no³, nca⁴ tsa³cja³cao⁴-no³
je² cjoa⁴-vi⁴. 7 C'oa⁴ ti²xin³-no³ xi³
cjoa⁴qui²xi⁴: Cjai¹nca³ to⁴ma³chjen¹-
no³ nca³ an³ cjoia¹³. Tsa² tsi² tsa²
cjoia¹³, li²coi³ cjoa⁴⁷ai¹con³-no³ je²
xi³ va³sen¹cao⁴. Tsa² an³ cjoia¹³,
si³ca³sen¹³-no³ je² xi³ va³sen¹cao⁴.
8 C'ia⁴ nca³ je² cjoa⁴⁷ai¹, c'oa⁴-s'in²
si⁴²qui²xi⁴ya³-le⁴ cho⁴ta⁴son³⁷nte³-
vi⁴ je¹-le⁴, c'oa⁴ si⁴²qui²xi⁴ya³-le⁴
cjoa⁴qui²xi⁴ xi³ tjin¹-na³, c'oa⁴
si⁴²qui²xi⁴ya³-le⁴ nca³ s'e⁴nta³jjin³
cjoa⁴. 9 Si⁴²qui²xi⁴ya³-le⁴ je¹-le⁴, nca⁴
tsi² tsa² ma³cjain¹-le⁴ xi³ t'a³ts'an⁴.

10 Si⁴²qui²xi⁴ya³-le⁴ cjoa⁴qui²xi⁴
xi³ tjin¹-na³, nca⁴ cjoia¹con³-le⁴
N'a³ai³-na⁴, c'oa⁴ li²coi³ ti⁴jcha⁴-
ni³nao¹³. 11 Si⁴²qui²xi⁴ya³-le⁴ nca³
s'e⁴nta³jjin³ cjoa⁴, nca⁴ je² nai⁴² xi³
va³te¹xo³ma³ son³⁷nte³-vi⁴ ti¹jna³ne²-
le⁴ cjoa⁴ñ'ain³. 12 To⁴jo³ tjin¹-sa³na³
cjoa⁴ xi³ c'oa⁴xin³-no³, to⁴nca³
nt'ia⁴-vi⁴ li²coi³ coan⁴cho⁴ya³-no³.
13 C'ia⁴ nca³ cjoa⁴⁷ai¹ je² Espiritu
Santo xi³ ña³qui³ cjoa⁴qui²xi⁴,
je² xi³ si⁴²qui³ncha¹ya³ntia³-no³
nca³yi³je³ xi³ ña³qui³ cjoa⁴qui²xi⁴,
nca⁴ tsi² tsa² to⁴je² xi³ c'oa⁴-s'in²
coi⁴nchja⁴, to⁴c'oa⁴-s'in² coi⁴nchja⁴
jña³-le⁴ xi³ cjoia⁴nch'oe¹, c'oa⁴-s'in²
si⁴²cji³nch'oe¹-no³ jme³-sa³ni³ cjoa⁴
xi³ cjoa⁴⁷ai¹. 14 Je² xi³ c'oa⁴sje³je³ya³-
na³, nca⁴ scoe¹ xi³ ts'an⁴, c'oa⁴
si⁴²cji³nch'oe¹-no³. 15 Je² nca³yi³je³
xi³ tjin¹-le⁴ N'a³ai³-na¹, ts'an⁴ nia¹³.
Coi³ c'oa⁴ca²xin³-nia³ nca³ scoe¹ xi³
ts'an⁴, c'oa⁴ si⁴²cji³nch'oe¹-no³.

Cjoa⁴va³ cjoa⁴tsjoa³ coan⁴

16 Jnc³ tjo², c'ia⁴ li²coi³ ti⁴jcha⁴-
ni³nao¹³. Nqui²jnc³ tjo², c'ia⁴
jcha⁴-nao¹³, nca⁴ cjoia¹con³-le⁴
N'a³ai³-na¹. 17 C'ia⁴ c'a³ cho⁴ta⁴-le⁴
tsa³cja¹cao⁴ xi¹njin¹: Jme¹-ni³ xo⁴
tso²-le⁴vi⁴. Jnc³ tjo², c'ia⁴ li²coi³
ti⁴jcha⁴-ni³nao¹³. Nqui³jnc³ tjo²,
c'ia⁴ jcha⁴-nao¹³, nca⁴ cjoia¹con³-
le⁴ N'a³ai³-na¹. 18 C'oi⁴qui³tso²:
Jme¹-ni³ xo⁴ tso²-le⁴ve⁴: Jnc³ tjo².
Li²coi³ ma³cho⁴ya³-na¹ jo³ tso².
19 Tsen³ coan³-le⁴ Jesús nca³ me³-
le⁴ nca³ sco¹na³nqui³-le⁴, c'oa⁴
qui³tso²-le⁴: A³ cho¹na³nqui³-
lao⁴³ xi²nqui⁴³ jo³ ca²xian³: Jnc³
tjo², c'ia⁴ li²coi³ ti⁴jcha⁴-ni³nao¹³.
Nqui²jnc³ tjo², c'ia⁴ jcha⁴-nao¹³.
20 Na³qui³ cjoa⁴qui²xi⁴ ña³qui³

cjoa⁴qui²xi⁴ xi³ xin³-no³: Cjai¹nca³
to⁴chi¹ntao¹³, jo³ to⁴coan⁴va³-
no³, to⁴nca³ je² son³⁷nte³ cjai¹nca³
to⁴tsjoa³ coan⁴-le⁴. Nta³ tsa² jon² va³
coan⁴-no³, je² cjoa⁴va³-no³ cjoa⁴tsjoa³
coan⁴. ²¹C⁷ia⁴ nca³ jnco³ chjon⁴²
v²e¹ ¹nti¹, tse³ cjoa⁴n²ain³ v²e¹-ni³,
nca⁴ je³ja³⁷ai³ hora-le⁴. To⁴nca³
c²ia⁴ nca³ je³tsa³c²e¹ ¹nti¹, li²coi³
ti⁴fa³⁷ai³tsjen³-ni³le⁴ je² cjoa⁴n²ain³
xi³ ca²fa³⁷a³to³. To⁴cjoa⁴tsjoa³
xi³ tjin¹-le⁴ nca³ jnco³ cho⁴ta⁴
ca²tsin³ i⁴ son³⁷nte³. ²²C⁷oa⁴-ti⁴ jon²
cjoa⁴qui²xi⁴ cjai¹nca³ va³-no³ nt²ai⁴-
vi⁴, to⁴nca³ scoe³ nqui²jnco³c²a²-no³.
Cjai¹nca³ coan⁴tsjoa³-le⁴ ni⁴ma⁴-
no³. Ni⁴⁷ya³-jin² xi³ cjoa⁴⁷a²xin²-no³
cjoa⁴tsjoa³-no³. ²³C⁷ia⁴ ni⁴chjin³-ve⁴
ni⁴jme³-jin² xi³ cho⁴na³nqui³-nao¹³.
Ña³qui³ cjoa⁴qui²xi⁴ ña³qui³
cjoa⁴qui²xi⁴ xi³ xin³-no³, to⁴jme³-
ni³ xi³ si⁴je¹-lao⁴³ N⁷ai³-na¹ cao⁴
jan³⁷ain¹-na⁴, je² tsjoa¹-no³.
²⁴Sa³⁷nta³ nt²ai⁴-vi⁴ ni⁴jme³-jin² xi³
ti³ma³ni²jao¹³ cao⁴ jan³⁷ain¹-na⁴.
Ti⁴jao¹³, c²oa⁴-s²in² c²oi⁴-no³, jme¹-
ni³ nca³ c²oa⁴-s²in² cjoa⁴tsjoa³-no³
coan⁴tse³ya³-si¹ni³.

**Jesús tso²: An³ je³qui³si³qui³njen³-
le⁴ son³⁷nte³**

²⁵Je² en¹ tsa³cja³cao⁴-ni³no³
cao⁴ cjoa⁴xco¹son². Cjoa⁴⁷ai¹ hora
c²ia⁴ nca³ tsi² tsa² ti⁴cjoa²cao⁴-
ni³no³ cao⁴ cjoa⁴xco¹son², to⁴nca³
si³cji³nch⁷oe¹tsen³-no³ xi³ t²a³ts²e⁴
Ni³na¹. ²⁶C⁷ia⁴ ni⁴chjin³-ve⁴
si⁴jao¹³ cao⁴ jan³⁷ain¹-na⁴. A³li²coi³
c²oa⁴xin³-no³ nca³ an³ c²oe³ts⁷oa²³-le⁴
N⁷ai³-na¹ xi³ t²a³tsaon⁴³. ²⁷Ti⁴je²-
ni³ N⁷ai³-na¹ tsjoa³que³-no³ nca⁴
je³coan³tsjoa³cha³-nao¹³, c²oa⁴
je³coan³cjain¹-no³ nca³ ya⁴ ji²tjo⁴-

nia³ Ni³na¹. ²⁸Ji²tjo⁴-nia³ N⁷ai³-na¹,
ja²⁷a⁴s²en³ son³⁷nte³. C²oe³jna²³-nia³
son³⁷nte³, cjo¹con³-le⁴ N⁷ai³-na¹.
²⁹Cho⁴ta⁴-le⁴ qui³tso²-le⁴: Coe⁴-
ni³ nt²ai⁴-vi⁴, ti³no²cjoa⁴tsain³.
Ni⁴jme³-jin² cjoa⁴xco¹son² si³.
³⁰Je³⁷yai³⁴-jin⁴ nt²ai⁴ nca³ ji³ ni¹³ xi³
²yai³ nca³yi³je³, li²coi³ ma³chjen¹-li²
nca³ ²ya³ xi³ sco¹na³nqui³-li². C²oa⁴-
s²in² ma³cjain¹-na³jin⁴ nca³ ji²tjo⁴-ni³
Ni³na¹. ³¹Jesús qui³tso²-le⁴: A³
ma³cjain¹-no³ nt²ai⁴. ³²Coe⁴-ni³
cjoa⁴⁷ai¹ hora, c²oa⁴ je³ja³⁷ai³, c²ia⁴
nca³ jnco¹jnco¹³ tsa⁴va³-nio³ jñā³
nca³ tsaon⁴³. To⁴⁷an³ si⁴c²e¹jna³-nao¹³.
To⁴nca³ li² to⁴⁷an³-jin² ti²jna⁴, nca⁴
je² N⁷ai³-na¹ ti¹jna³cao⁴-na³. ³³Je²
cjoa⁴-vi⁴ je³qui³xin³-no³, jme¹-ni³
nca³ cao⁴ an³ coi⁴njen³nch⁷an¹jin³-
si¹ni³no³. I⁴ son³⁷nte³-vi⁴ cjoa⁴n²ain³
chja⁴⁷ao²³, to⁴nca³ ca²ta³ma³n⁷ion¹-
ta³con²³. An³ je³qui³si³qui³njen³-le⁴
son³⁷nte³.

Jesús v²e¹ts²oa³ntjai² cho⁴ta⁴-le⁴

17 Je² en¹-vi⁴ qui³nchja⁴
Jesús, qui³sco²tsen³nc²a³,
c²oi⁴qui³tso²: N⁷ai³, je² hora
je³ji³cho²ca³, ch²a⁴sje³je³yai³ ²nti¹-
li⁴, jme¹-ni³ nca³ c²oa⁴-ti⁴ ²nti¹-li⁴
c²oa⁴sje³je³ya³-ni³li².
²Jo³-s²in² nca³ tsa³c²ai²-lai⁴
cjoa⁴te¹xo³ma³ xi³ t²a³ts²e⁴ nca³ts²i³
cho⁴ta⁴, jme¹-ni³ nca³ tsjoa¹-si¹ni³le⁴
cjoa⁴vi³jna³chon³ nca³ntsjai²
nca³ts²i³ xi³ tsa³c²ai²-lai⁴. ³Je² xi³
cjoa⁴vi³jna³chon³ nca³ntsjai², nca³
c²oa⁴-s²in² scoe⁴-li² xi³ to⁴jnco³ ji³
Ni³na¹ xi³ ña³qui³ cjoa⁴qui²xi⁴,
c²oa⁴ scoe⁴ Jesucristo je² xi³
qui³ni²ca³sain¹³. ⁴An³ ts²a³sje³je³ya³-
le²³ i⁴ son³⁷nte³. Je³qui³si³jncoa³ je²
xa¹ xi³ ji³ tsa³c²ai²-nai¹³. ⁵Nt²ai⁴-vi⁴

N²ai³, c⁷oa⁴-s⁷in² ch⁷a⁴sje³je³ya³-
 nai¹³ ya⁴t⁷a³-li⁴ nca³ ji³, cao⁴ je²
 cjoa⁴je³ya³-ve⁴ xi³ qui³s⁷e³-na³ c⁷ia⁴
 nca³ tsa³ca²te⁴jna³t⁷a³-le²³ c⁷ia⁴ nca³
 cje³ tsin²-jin² son³⁷nte³. ⁶Je² cho⁴ta⁴
 xi³ tsa³c⁷ai²-nai¹³ i⁴ son³⁷nte³-
 vi⁴, an³ tsa³ca³co³son²tsen³-le⁴ jo³
 cjoain³ nca³ ji³. Tsi⁴ ni¹³, c⁷oa⁴ ji³
 tsa³c⁷ai²-nai¹³. Qui³si³qui³tjo³son²
 en¹-li⁴. ⁷Nt⁷ai⁴-vi⁴ je²tsa³ve³ nca³
 nca³yi³je³ cjoa⁴ xi³ tsa³c⁷ai²-nai¹³
 tsi⁴ ni¹³. ⁸Nca⁴ je² en¹ xi³ tsa³c⁷ai²-
 nai¹³ c⁷oa⁴-s⁷in² qui³tsjoa³-le⁴,
 c⁷oa⁴ je² qui³scoe¹. Tsa³ve³ nca³
 cjoa⁴qui²xi⁴ nca³ ja²ai⁴-nia³ xi³
 t⁷a³tsi⁴. C⁷oa⁴-s⁷in² coan³cjain¹-le⁴
 nca³ ji³ qui³ni²ca³sen¹-nai¹³. ⁹An³
 v⁷e³ts⁷oa³ntje²³ nca³ je². A³li² je²
 cho⁴ta⁴son³⁷nte³-vi⁴ v⁷e³ts⁷oa³ntje²³,
 to⁴je² cho⁴ta⁴ xi³ ji³ tsa³c⁷ai²-nai¹³,
 nca⁴ je² xi³ tsi⁴. ¹⁰Je² nca³ts⁷i³ xi³
 ts⁷an⁴, tsi⁴ ni¹³. C⁷oa⁴ je² xi³ tsi⁴,
 ts⁷an⁴ nia¹³. Ji²tjo⁴je³ya³-nia¹³ xi³
 to⁴t⁷a³ts⁷e⁴. ¹¹Li²coi³ ti⁴i⁴ ti²jna⁴-nia³
 i⁴ son³⁷nte³-vi⁴, to⁴nca³ je² i⁴ tjio¹ i⁴
 son³⁷nte³-vi⁴. An³ cjo¹con³-le²³ nca³
 ji³. N²ai³tsje³, nta³ ti⁴ca³tio²tjoa²nqui³
 nca³n⁷ion¹-li⁴ je² xi³ cao⁴ jan³⁷ain¹-
 li⁴ tsa³c⁷ai²-nai¹³. ¹²C⁷ia⁴ nca³
 tsa³ca²te⁴jna³coa⁴ i⁴ son³⁷nte³-
 vi⁴, an³ qui³si³ca³tio²tjoa²³ cao⁴
 jan³⁷ain¹-li⁴. Je² xi³ ji³ tsa³c⁷ai²-nai¹³,
 c⁷oa⁴-s⁷in² qui³si³coi²nta⁴. Ni⁴jnc³-
 jin² qui³cha³, to⁴je² xi³ cjoe⁴t⁷a³
 ni⁴chjin³-le⁴ cha⁴ nca³ntsjai², jme¹-ni³
 nca³ c⁷oa⁴-s⁷in² ca²ta³vi³tjo³son²-
 ni³ je² xon⁴ Escritura. ¹³To⁴nca³
 nt⁷ai⁴-vi⁴ cjo¹con³-le²³. Je² en¹-vi⁴
 xi³ nchja²³ i⁴ son³⁷nte³-vi⁴, jme¹-ni³
 nca³ c⁷oa⁴-s⁷in² coan⁴tse³ya³-si¹ni³
 je² cjoa⁴tsjoa³-na⁴ ja⁴jin³ ni⁴ma⁴-
 le⁴. ¹⁴An³ qui³tsjoa³-le⁴ en¹-li⁴.
 Je² cho⁴ta⁴son³⁷nte³ coan³jti³que³

cho⁴ta⁴-na⁴, nca⁴ li² ts⁷e⁴ son³⁷nte³-
 jin², jo³-ni³ nca³ c⁷oa⁴-ti⁴ an³ li²
 ts⁷e⁴ son³⁷nte³-jian²³. ¹⁵A³li²coi³
 v⁷e³ts⁷oa²³-nia³ nca³ cha³⁷a²xin²-
 lai⁴ son³⁷nte³ cho⁴ta⁴-na⁴. To⁴coi³
 xi³ v⁷e³ts⁷oa³ntje²³ nca³ c⁷oa⁴-s⁷in²
 si⁴coi²ntai⁴, jme¹-ni³ nca³ je² xi³
 ts⁷en⁴ li²coi³ si⁴cao⁴-si¹ni³. ¹⁶A³li²
 ts⁷e⁴ son³⁷nte³-jin², jo³-ni³ nca³
 c⁷oa⁴-ti⁴ an³ li² ts⁷e⁴ son³⁷nte³-
 jian²³. ¹⁷Ti⁴ca³tio²nta³tsjai³ xi³
 to⁴t⁷a³ts⁷e⁴ cjoa⁴qui²xi⁴-li⁴. Je² en¹-li⁴
 xi³ ña³qui³ cjoa⁴qui²xi⁴. ¹⁸Jo³-s⁷in²
 nca³ qui³ni²ca³sen¹-nai¹³ nca³
 an³ i⁴ son³⁷nte³-vi⁴, c⁷oa⁴-ti⁴s⁷in²
 qui³si³ca³sen¹³ je² cho⁴ta⁴-na⁴ i⁴
 son³⁷nte³. ¹⁹Xi³ t⁷a³ts⁷e⁴ c⁷oa⁴-
 s⁷in² v⁷e²jna⁴nta³tsje³-le⁴ yao³-na⁴,
 jme¹-ni³ nca³ c⁷oa⁴-ti⁴ je² ña³qui³
 cjoa⁴qui²xi⁴ coa⁴tio²nta³tsje³-si¹ni³.
²⁰A³li² tsa² to⁴je² cho⁴ta⁴-vi⁴ xi³
 v⁷e³ts⁷oa³ntje²³, to⁴nca³ c⁷oa⁴-ti⁴
 v⁷e³ts⁷oa³ntje²³ je² xi³ coan⁴cjain¹-le⁴
 xi³ t⁷a³ts⁷an⁴, xi³ to⁴t⁷a³ts⁷e⁴ en¹-
 le⁴ je² cho⁴ta⁴-vi⁴, ²¹jme¹-ni³ nca³
 to⁴jnc³ coan⁴-si¹ni³ nca³ts⁷i³, jo³-ni³
 nca³ ji³, N²ai³, ti³jna³cao⁴-nai¹³, c⁷oa⁴
 an³ ti²jna⁴cao⁴-le²³. C⁷oa⁴-ti⁴ je²
 to⁴jnc³ ca²ta³tio²cao⁴-na¹, jme¹-ni³
 nca³ cho⁴ta⁴son³⁷nte³ coan⁴cjain¹-
 si¹ni³le⁴ nca³ ji³ qui³ni²ca³sen¹-nai¹³.
²²Je² cjoa⁴je³ya³ xi³ ji³ tsa³c⁷ai²-
 nai¹³, c⁷oa⁴-ti⁴s⁷in² qui³tsjoa³-le⁴,
 jme¹-ni³ nca³ to⁴jnc³ coan⁴-si¹ni³
 jo³-ni³ tsa² ña¹ to⁴jnc³ ma³-nia³².
²³An³ ti²jna⁴coa⁴ je² cho⁴ta⁴-na⁴,
 c⁷oa⁴ ji³ ti³jna³cao⁴-nai¹², jme¹-ni³
 nca³ ña³qui³ to⁴jnc³ coan⁴-si¹ni³,
 jme¹-ni³ nca³ c⁷oa⁴-s⁷in² scoe⁴-
 si¹ni³ cho⁴ta⁴son³⁷nte³ nca³ ji³
 qui³ni²ca³sen¹-nai¹³, c⁷oa⁴ nca³ ji³
 coan³tsjoa³chai³ nca³ je², jo³-s⁷in²
 nca³ c⁷oa⁴-ti⁴ coan³tsjoa³cha³-nai¹³

nca³ an³. **24** N²ai³, coi³ xi³ me³-na³, nca³ je² cho⁴ta⁴ xi³ ji³ tsa³c²ai²-nai¹³, c²oa⁴-ti⁴ ya⁴ coa⁴tio⁴cao⁴-na³ jña³ nca³ an³ ti²jna⁴, jme¹-ni³ nca³ c²oa⁴-s²in² scoe⁴-si¹ni³ cjoa⁴je³ya³-na⁴ xi³ ji³ tsa³c²ai²-nai¹³, nca⁴ coan³tsjoa³cha³-nai¹³ to⁴nqui³-ni³ nca³ cje³ s²e³nta³-jin² son³⁷nte³. **25** N²ai³ xi³ tjin¹-li² cjoa⁴qui²xi⁴, cho⁴ta⁴son³⁷nte³-vi⁴ li²coi³ tsa³ve³-li², to⁴nca³ an³ tsa³ve³-le²³. C²oa⁴-ti⁴ je² cho⁴ta⁴-na⁴vi⁴ tsa³ve³ nca³ ji³ qui³ni²ca³sen¹-nai¹³. **26** Je² cho⁴ta⁴-vi⁴ an³ tsa³ca³co³son²tsen³-le⁴ jo³ cjoain³ nca³ ji³. To⁴jo³ c²oa⁴-la²s²in² coa³co³son²tsen³ nqui²sa⁴-le⁴, jme¹-ni³ nca³ s²e⁴-si¹ni³le⁴ cjoa⁴tsjoa³cha³, jo³-s²in² nca³ coan³tsjoa³cha³-nai¹³, c²oa⁴ an³ coa²te⁴jna³jian³ ni⁴ma⁴-le⁴.

Cho⁴ta⁴ tsoa³ Jesús

(Mt. 26:30, 47-56; Mr. 14:26, 43-50; Lc. 22:39, 47-53)

18 C²ia⁴ nca³ je³c²oa⁴qui³tso² Jesús nca³yi³je³ je² en¹-vi⁴, qui³cao⁴ cho⁴ta⁴-le⁴ xi³ncoa³nta¹-ni³ xo⁴nca¹ Cedrón, jña³ nca³ cji³ tso³jmi²ntje². Ya⁴ ja³⁷a³s²en³ Jesús cao⁴ cho⁴ta⁴-le⁴.

2 C²oa⁴-ti⁴ Judas, je² xi³ tsa³c²e¹t²ain³ na⁴jmi¹ xi³ t²a²ts²e⁴ Jesús, ve³ je² ²nte³-ve⁴, nca⁴ ncjin² c²a³ coan³ña³ ya⁴-ve⁴ Jesús cao⁴ cho⁴ta⁴-le⁴. **3** Judas cao⁴ ncjin² so³nta²do⁴, cao⁴ policia⁴ xi³ ts²e⁴ cho⁴ta⁴ti¹tjon²-le⁴ na⁴⁷mi³, cao⁴ cho⁴ta⁴ fariseos, ja³⁷ai³ ya⁴-ve⁴. Y²a³ linterna cao⁴ l¹i¹ni³cha³ cao⁴ qui⁴cha⁴. **4** Jesús je³tjin¹jin³-le⁴ nca³yi³je³ cjoa⁴ xi³ cjoa⁴⁷ai¹ne²-le⁴, ji³tjo³ ti¹tjon², c²oi⁴qui³tso²-le⁴: ²ya¹-ni³ xi³ vi³jnchi³sja³. **5** Cho⁴ta⁴ qui³tso²-le⁴: Je² Jesús xi³ Nazaret

ts²e⁴. Jesús qui³tso²-le⁴: An³ nia¹³. Judas, je² xi³ qui³sca³ni¹t²a³ Jesús, c²oa⁴-ti⁴ ya⁴ ti¹jna³cao⁴ cho⁴ta⁴ncjin²-ve⁴. **6** C²ia⁴ nca³ Jesús qui³tso²-le⁴: An³ nia¹³, cho⁴ta⁴-ve⁴ qui³-ni³ ya¹ts²in⁴, qui³tsao³ t²a³na³nqui³. **7** C²ia⁴ Jesús ti⁴qui³sco²na³nqui³-nca¹ni³le⁴: ²ya¹-ni³ xi³ vi³jnchi³sja³. C²oa⁴ cho⁴ta⁴-ve⁴ qui³tso²: Je² Jesús xi³ Nazaret ts²e⁴. **8** Qui³nhja⁴ Jesús: Je³c²oa⁴ca²xin³-no³ nca³ an³ nia¹³. Tsa² an³ xi³ vi³jnchi³sja¹-nao¹³, ca²ta³fi² je² cho⁴ta⁴ je²-vi⁴. **9** C²oa⁴qui³tso² jme¹-ni³ nca³ c²oa⁴-s²in² coi⁴tjo³son²-si¹ni³ en¹ xi³ qui³nhja⁴: Je² xi³ ji³ tsa³c²ai²-nai¹³, ni⁴jnc³-jin² qui³si³cha²³. **10** C²ia⁴ Simón Pedro tsa³c²a³sje³ qui⁴cha⁴nto³-le⁴, qui³si³qui²⁷aon³ jnc³ cho⁴⁷nta³-le⁴ na⁴⁷mi³ti¹tjon². Tsa³ca³te³t²a³ xo⁴ño³ nca³qui²xi⁴. Malco [?]mi² cho⁴⁷nta³-ve⁴. **11** C²ia⁴ Jesús c²oi⁴qui³tso²-le⁴ Pedro: Qui⁴cha⁴nto³-li⁴ve⁴ cha⁴ni²s²en³-ni³ čhjoa⁴-le⁴. Je² cho⁴tsin¹cjoa⁴n²ain³ xi³ je² N²ai³-na¹ qui³tsjoa³-na³, a³ tsi²sc²oi⁴.

Jesús ti¹jna³ nqui³xcon⁴ Anás

(Mt. 26:57-66, 69-70; Mr. 14:53-68; Lc. 22:54-57, 66-71)

12 C²ia⁴ so³nta²do⁴ cao⁴ nai³-le⁴ cao⁴ je² policia⁴-le⁴ cho⁴ta⁴ judíos qui³tsoa³ Jesús, tsa³ca¹n²ion¹. **13** Ya⁴ ti¹tjon² qui³cao⁴-le⁴ Anás, je² n²ai³cha¹-le⁴ Caifás, je² xi³ na⁴⁷mi³ti¹tjon² coi³ no¹-ve⁴. **14** Je² Caifás xi³ tsa³qui³ncha¹⁷a³ cho⁴ta⁴ judíos, nca³ cjai¹nca³ ma³chjen¹ nca³ jnc³ cho⁴ta⁴ coi⁴ya¹ntjai² na⁴xi⁴na³nta¹. **15** Je² Simón Pedro qui³tjen⁴nqui³-le⁴ Jesús cao⁴ nqui²jnc³-sa³ cho⁴ta⁴-

le⁴. Je² xi³jnc³-ve⁴ tjia¹xcon³ je² na⁴⁷mi³ti¹tjon². Ja³⁷a³en³ca⁴ Jesús ya⁴ nti³tsin³-le⁴ na⁴⁷mi³ti¹tjon².
 16 To⁴nca³ je² Pedro ya⁴ tsa³c²e²jna³ nti³tsin³, ya⁴ jcho³ xo⁴ntjoa⁴. Ji³tjo³-ni³ je² xi³jnc³-ve⁴ xi³ tjia¹xcon³ na⁴⁷mi³ti¹tjon², tsa³cja¹ca⁴ chjon⁴² xi³ si¹coi²nta⁴ xo⁴ntjoa⁴, qui³si³cja³⁷a³s⁷en³ Pedro. 17 C⁷ia⁴ je² chjon⁴² xi³ si¹coi²nta⁴ xo⁴ntjoa⁴ c⁷oi⁴qui³tso²-le⁴ Pedro: A³ tsi² tsa² ji³-je⁴ ts⁷e⁴ je² cho⁴ta⁴ xo⁴cji³-vi⁴. C⁷oi⁴qui³tso² Pedro: Ma³jain².
 18 Cho⁴⁷nta³ ca⁴ policía ya⁴ ncha³nto³ntai³-le⁴ l⁷i¹ xi³ tsa³c⁷e¹tse³. Tjio¹ma³ si¹so³-le⁴ yao³-le⁴ nca³ cjai¹nca³ nch⁷an¹. C⁷oa⁴-ti⁴ Pedro ya⁴ ti¹jna³ca⁴. Ti¹si¹so³-le⁴ yao³-le⁴. 19 Je² na⁴⁷mi³ti¹tjon² qui³sco²na³nqui³-le⁴ Jesús xi³ t⁷a³ts⁷e⁴ cho⁴ta⁴-le⁴ c⁷oa⁴ xi³ t⁷a³ts⁷e⁴ je² en¹ xi³ va³co¹ya³. 20 Jesús qui³tso²-le⁴: Cjai¹nca³ to⁴qui³nchja²tsen³-le⁴ nca³ts⁷i³ cho⁴ta⁴. Nca³ntsjai² tsa³ca³co³ya²³ ya⁴³ nt⁷ia³ sinagoga ca⁴ ya⁴³ yo⁴nc⁴ jā³ nca³ ma³ñā³ nca³ts⁷i³ cho⁴ta⁴ judíos. Ni⁴jme³-jin² xi³ qui³nchja²⁷ma³. 21 A¹-ni³ nca³ cho¹na³nqui³-si¹ni³nai¹³. Je² cho¹na³nqui³-lai⁴ xi³ qui³nch⁷oe¹ jo³ qui³xin³-le⁴. Coe⁴-ni³ je²-ve⁴ xi³ ve³ jo³ qui³xian³. 22 C⁷ia⁴ nca³ je²c⁷oa⁴qui³tso² je²-ve⁴, jnc³ policía xi³ ya⁴ ti¹jna³ qui³si³jtsin³jnc³-le⁴ Jesús, c⁷oi⁴qui³tso²: A³ c⁷oa⁴tso² en¹ xi³ no²cjoa⁴coai⁴ na⁴⁷mi³ti¹tjon².
 23 Jesús qui³tso²-le⁴: Tsa² ca²nchja²³ en¹ts⁷en⁴, t⁷ai²³ en¹-li⁴ xi³ t⁷a³ts⁷e⁴ je² cjoa⁴ts⁷en⁴. Tsa² nta³ ca²xian³, a¹-ni³ nca³ v⁷e²-si¹ni³nai¹³.
 24 Jesús tji¹t⁷a³n⁷ion¹ nca³ je² Anás qui³si³ca³sen¹t⁷a³-le⁴ Caifás xi³ na⁴⁷mi³ti¹tjon².

Pedro v⁷e²jna³⁷ma³ca⁴ Jesús

(Mt. 26:71-75; Mr. 14:69-72; Lc. 22:58-62)

25 Pedro se¹jna³⁷nqui³ nca³ ti¹si¹so³-le⁴ yao³-le⁴. C⁷oi⁴qui³tso²-le⁴: A³ tsi² tsa² c⁷oa⁴-ti⁴ ji³ ts⁷e⁴ cho⁴ta⁴-le⁴. Pedro tsa³c⁷e²jna³⁷ma³ca⁴, ma³jain² qui³tso². 26 Jnc³ cho⁴⁷nta³-le⁴ na⁴⁷mi³ti¹tjon², xi¹ncjin¹ ma³-ni³ je² xi³ Pedro tsa³ca³te⁷a³ xo⁴ño³, c⁷oi⁴qui³tso²-le⁴: A³ tsi² tsa³⁷ve³-le²³ jā³ cji³ tso³jmi²ntje² ca⁴ Jesús. 27 Nqui²jnc³ c⁷a² mai³ ti⁴qui³tso²-nca¹ni³ Pedro. Qui³squi³⁷ntia¹ nti⁴ton⁴-sa³ni³ cha¹xi³cha¹.

Jesús ti¹jna³ nqui³xcon⁴ Pilato

(Mt. 27:1-2, 11-31; Mr. 15:1-20; Lc. 23:1-5, 13-25)

28 Qui³ca⁴-ni³ Jesús nt⁷ia³-le⁴ Caifás sa³⁷nta³ nt⁷ia³-le⁴ Pilato cho⁴ta⁴xa¹ti¹tjon². Ta⁴njon²ya³ ni¹. Cho⁴ta⁴-ve⁴ li²coi³ ya⁴ ja³⁷a³s⁷en³ nt⁷ia³-le⁴ Pilato, jme¹-ni³ nca³ tsi² cjoi⁴tson¹-si¹ni³, jme¹-ni³ nca³ coan⁴ coa⁴cjen⁴-si¹ni³ s⁷oi¹ pa²xco⁴. 29 C⁷ia⁴ ji³tjo³con³-le⁴ Pilato ya⁴ nti³tsin³, c⁷oi⁴qui³tso²: Jme¹ xi³ sa³yo³je¹t⁷ain³-nio³ je² cho⁴ta⁴x⁷in⁴-vi⁴. 30 Cho⁴ta⁴-ve⁴ c⁷oi⁴qui³tso²-le⁴: Tsa² je² cho⁴ta⁴-vi⁴ tsi² tsa² jme³ je¹ tjin¹-le⁴, li²coi³-la⁴ i⁴ cjoa²⁷ai⁴ca⁴-lai²⁴jin⁴. 31 C⁷ia⁴ Pilato c⁷oi⁴qui³tso²-le⁴: Ta⁴nquin¹ca⁴³ nca³ jon², t⁷e²nta³jin³-lao⁴³ jo³ tjin¹ cjoa⁴te¹xo³ma³-no³. Cho⁴ta⁴ judíos c⁷oi⁴qui³tso²-le⁴: To⁴nca³ jin⁴-jin⁴ li²coi³ tjo³⁷n³te³-na³jin⁴ nca³ ni²c⁷ain³-jin⁴ cho⁴ta⁴. 32 C⁷oa⁴-s⁷in² ji³tjo³son²-ni³ jo³ qui³tso² Jesús, nca³ c⁷oa⁴-s⁷in² tsa³c⁷e¹jna³ en¹ jo³-s⁷in² nca³ coi⁴ya¹. 33 Pilato ja³⁷a³s⁷en³-nca¹ni³ ya⁴³ nt⁷ia³-le⁴,

qui³nchja⁴-le⁴ Jesús c⁷oi⁴qui³tso²-le⁴: A³ ji³ ni¹³ cho⁴ta⁴ti¹tjon²-le⁴ cho⁴ta⁴ judíos. ³⁴Jesús qui³tso²-le⁴: A³ c⁷oa⁴⁷mi²-nai¹³ nca³ to⁴ji³, a³xo⁴ cja⁴⁷ai¹ xi³ c⁷oa⁴qui³tso²-li² xi³ t⁷a³ts⁷an⁴. ³⁵Pilato qui³nchja⁴: A³ an³ nia¹³ cho⁴ta⁴ judío. Ti⁴je²-ni³ cho⁴ta⁴na⁴xi⁴na³nta¹-li⁴ cao⁴ cho⁴ta⁴ti¹tjon²-le⁴ na⁴⁷mi³ xi³ c⁷oi⁴s⁷in² ca²fa³⁷ai³ ca³ni¹t⁷a³-li² t⁷a³ts⁷an⁴. Jme¹ ni¹³ xi³ qui³n⁷iain²³. ³⁶Qui³nchja⁴ Jesús: Je² cjoa⁴te¹xo³ma³-na⁴ li²coi³ ts⁷e⁴ i⁴ son³⁷nte³-vi⁴. Tsa² ts⁷e⁴ son³⁷nte³-vi⁴ je² cjoa⁴te¹xo³ma³-na⁴, je² cho⁴ta⁴-na⁴ scan³-la⁴, jme¹-ni³ nca³ tsi²coi³ cha⁴ni²t⁷a³-si¹ni³na³ cho⁴ta⁴ judíos, to⁴nca³ cjoa⁴te¹xo³ma³-na⁴⁷ni³ a³li² i⁴-jin² ts⁷e⁴. ³⁷C⁷ia⁴ Pilato c⁷oi⁴qui³tso²-le⁴: A³ cho⁴ta⁴ti¹tjon² ⁷mi²-li² tso²c⁷oa⁴. Qui³nchja⁴ Jesús: C⁷oa⁴tjin¹ xi³ ti³si³-ve⁴ nca³ cho⁴ta⁴ti¹tjon² ⁷mi²-na³. Coi³ xa¹ qui³tsin³-nia³, coi³ xa¹ ja²⁷ai⁴-nia³ i⁴ son³⁷nte³-vi⁴, jme¹-ni³ nca³ tsjoa³-si¹nia³ en¹-na⁴ xi³ t⁷a³ts⁷e⁴ xi³ cjoa⁴qui²xi⁴. Je² nca³ts⁷i³ xi³ ts⁷e⁴ cjoa⁴qui²xi⁴ nch⁷oe¹ jta⁴-na⁴. ³⁸Pilato c⁷oi⁴qui³tso²-le⁴: Jme¹ ni¹³ xi³ cjoa⁴qui²xi⁴. C⁷ia⁴ nca³ je²c⁷oa⁴qui³tso²-le⁴, ji³tjo³con³-nca¹ni³le⁴ cho⁴ta⁴ judíos, c⁷oi⁴qui³tso²-le⁴: Ni⁴to⁴jme³-jin² je¹ ma³sjai³-na³ xi³ t⁷a³ts⁷e⁴. ³⁹To⁴nca³ jon² c⁷oa⁴-s⁷in² ⁷ya³-nio³ nca³ si³c⁷e¹jna³ntai¹jnc³-no³ preso nca³ s⁷oi¹ pa²xco⁴. A³ me³-no³ tso²c⁷oa⁴ nca³ si³c⁷e¹jna³ntai¹-no³ je² cho⁴ta⁴ti¹tjon²-le⁴ cho⁴ta⁴ judíos. ⁴⁰C⁷ia⁴ nca³ts⁷i³ n⁷ion¹ qui³nchja⁴ nqui²jnc³ c⁷a²: A³li² je²-vi⁴, to⁴nca³ je² Barrabás. Je² Barrabás cho⁴ta⁴che¹ ni¹.

19 C⁷ia⁴ Pilato qui³scoe¹ Jesús, c⁷oa⁴ tsa³ca¹-le⁴. ²Je² so³nta²do⁴ tsa³c⁷e¹nta³ jnc³o³ corona na³⁷ya¹, tsa³c⁷e¹jna³son² jco⁴, qui³si³c⁷a³cja¹ jnc³ na³jño³ xi³ jco³ cji³. ³C⁷oi⁴qui³tso²: Ti²⁷nta³-li², cho⁴ta⁴ti¹tjon²-le⁴ cho⁴ta⁴ judíos. A³li² c⁷oa⁴cji³ qui³si³jtsin³-le⁴. ⁴C⁷ia⁴ Pilato ji³tjo³-nca¹ni³ nti³tsin³, c⁷oi⁴qui³tso²-le⁴: Coe⁴-ni³ cjoa²⁷ai⁴cao⁴-no³ i⁴ nti³tsin³-vi⁴, jme¹-ni³ nca³ c⁷oi⁴-s⁷in² jcha⁴-si¹nio³ nca³ ni⁴jme³-jin² je¹ ma³sjai³-na³ xi³ t⁷a³ts⁷e⁴. ⁵Ji³tjo³ nti³tsin³ Jesús. Tji¹son² jco⁴ corona na³⁷ya¹, y⁷a³cja¹ na³jño³ xi³ jco³ cjoan³. Pilato c⁷oi⁴qui³tso²-le⁴ cho⁴ta⁴-ve⁴: Coe⁴-ni³ je² cho⁴ta⁴x⁷in⁴-vi⁴. ⁶C⁷ia⁴ nca³ je² cho⁴ta⁴ti¹tjon²-le⁴ na⁴⁷mi³ cao⁴ policía tsa³ve³ Jesús, n⁷ion¹ qui³nchja⁴: Tja³t⁷ai³ cro², tja³t⁷ai³ cro². Pilato qui³tso²-le⁴: Jon² chjoao¹³, jon² tja³t⁷ao³ cro², nca⁴ tsi² tsa² jme³ je¹ ma³sjai³-na³ xi³ t⁷a³ts⁷e⁴. ⁷Cho⁴ta⁴ judíos qui³tso²-le⁴: Jin⁴-jin⁴ tjin¹-na³j⁴in⁴ cjoa⁴-te¹xo³ma³. C⁷oa⁴tso² cjoa⁴te¹xo³ma³-na⁴j⁴in⁴ nca³ ma³chjen¹-le⁴ nca³ coi⁴ya¹, nca⁴ ⁷nti¹-le⁴ Ni³na¹ qui³tso²-le⁴ yao³-le⁴. ⁸C⁷ia⁴ nca³ Pilato qui³nch⁷oe¹ je² en¹-vi⁴, nqui²sa⁴-sa³ qui³tsa³cjon¹. ⁹Ja³⁷a³en³-nca¹ni³ nt⁷ia³-le⁴, qui³tso²-le⁴ Jesús: Jña¹-ni³ tsi⁴. To⁴nca³ Jesús li²coi³ qui³nchja⁴. ¹⁰C⁷ia⁴ Pilato qui³tso²-le⁴: A³ tsi² cha²cao⁴-nai¹³. A³ tsi² ⁷yai³ nca³ tjin¹-na³ ⁷nte³ nca³ coa³t⁷a³-le²³ cro², c⁷oa⁴-ti⁴ tjin¹-na³ ⁷nte³ nca³ si³c⁷e¹jna³ntai¹-le²³. ¹¹Qui³nchja⁴ Jesús: Ni⁴to⁴jme³-jin² ⁷nte³ tjin¹-li² xi³ t⁷a³ts⁷an⁴, tsa² tsi² nc⁷a¹ qui³ts⁷ai²-ni³li². Coi³ nca³ je² xi³ ca²tsjoa¹t⁷a³-na³ t⁷a³ts⁷i⁴

nqui²sa⁴ tse³ je¹ tjin¹-le⁴. ¹²C²ia⁴ sa³⁷nta³ coan³me³-le⁴ Pilato nca³ si⁴²c⁷e¹jna³ntai¹ Jesús, to⁴nca³ je² cho⁴ta⁴ judíos n⁷ion¹ qui³nchja⁴: C²ia⁴ tsa² je² si⁴c⁷e¹jna³ntai¹, a³li²coi³ ji³ mi²yo⁴-le⁴ César. To⁴⁷ya³-ni³ xi³ cho⁴ta⁴ti¹tjon² tso²-le⁴ yao³-le⁴ fi²co²ntran⁴-le⁴ César. ¹³C²ia⁴ nca³ Pilato qui³nch⁷oe¹ je² en¹ je²-vi⁴, qui³cao⁴ Jesús nti³tsin³. Ya⁴ tsa³c²e²jna³son² ya¹xi²le⁴, ya⁴ ⁷nte³ jña³ ⁷mi² Xjao¹cja³, c²oa⁴ Gabata nca³ en¹ hebreo. ¹⁴C²ia⁴ víspera-le⁴ s⁷oi¹ pa²xco⁴, ja⁴me³-la⁴ nchi³sen³. C²ia⁴ Pilato c⁷oi⁴qui³tso²-le⁴ cho⁴ta⁴ judíos: Coe⁴-ni³ cho⁴ta⁴ti¹tjon²-no³ xi³ tsaon⁴³. ¹⁵Cho⁴ta⁴-ve⁴ n⁷ion¹ qui³nchja⁴: Cha³⁷a²xin²³, cha³⁷a²xin²³, tja³t⁷ai³ cro². Pilato qui³tso²-le⁴: A³ je² cho⁴ta⁴ti¹tjon²-no³ xi³ coa³t⁷a³ cro². Qui³nchja⁴ cho⁴ta⁴ti¹tjon²-le⁴ na⁴⁷mi³: Tsin²-na³jin⁴ xi³ cja⁴⁷ai¹ cho⁴ta⁴ti¹tjon², to⁴je² César. ¹⁶C²ia⁴ Pilato qui³sca³ni¹t⁷a³-le⁴ cho⁴ta⁴ judíos Jesús, jme¹-ni³ nca³ coa⁴²t⁷a³-si¹ni³ cro². Qui³scoe¹ Jesús, qui³cao⁴.

Cji³t⁷a³ cro² Jesús

(Mt. 27:32-50; Mr. 15:21-37;

Lc. 23:26-38, 44-46)

¹⁷Ji³tjo³, y⁷a³ cro²-le⁴. Qui³ ya⁴ ⁷nte³ jña³ ⁷mi² ⁷nte³jco⁴c⁷en³, c²oa⁴ nca³ en¹ hebreo Gólgota ⁷mi², ¹⁸jña³ nca³ tsa³ca¹t⁷a³ cro² cao⁴ nqui²jao²-sa³ cho⁴ta⁴, jnc¹o¹ jnc¹ nco³nco³, Jesús ya⁴ nca³va³sen³-le⁴. ¹⁹C⁷oa⁴-ti⁴ qui³squi³ Pilato jnc³ en¹ xi³ tsa³c²e¹t⁷a³ ya⁴ cro². Je² xi³ tji¹t⁷a³ c⁷oi⁴tso²: Jesús xi³ ts⁷e⁴ Nazaret, cho⁴ta⁴ti¹tjon²-le⁴ cho⁴ta⁴ judíos. ²⁰Ncjin² cho⁴ta⁴ judíos xi³ tsa³c²e¹xquia⁴ je² en¹-vi⁴, nca⁴

je² ⁷nte³ jña³ nca³ tsa³ca¹t⁷a³ cro² Jesús ti¹jna³čhian³-le⁴ na⁴xi⁴na³nta¹. En¹ hebreo tji¹t⁷a³ cao⁴ en¹ griego cao⁴ en¹ latín. ²¹Je² cho⁴ta⁴ti¹tjon²-le⁴ na⁴⁷mi³ xi³ ts⁷e⁴, cho⁴ta⁴ judíos c⁷oi⁴qui³tso²-le⁴ Pilato: A³li² chji³-jin²³ cho⁴ta⁴ti¹tjon²-le⁴ cho⁴ta⁴ judíos, to⁴nca³ chji¹³ nca³ je² xi³ c²oa⁴qui³tso²: An³ nia¹³ cho⁴ta⁴ti¹tjon²-le⁴ cho⁴ta⁴ judíos. ²²Qui³nchja⁴ Pilato: Je² xi³ qui³squia³, qui³squia³. ²³C²ia⁴ nca³ so³nta²do⁴ je² tsa³ca¹t⁷a³ cro² Jesús, qui³scoe¹ na³jño³-le⁴, ño³ ya³ qui³s⁷in³ (Jnc¹o¹ jnc¹ ya³ qui³scoe¹ jnc¹o¹ so³nta²do⁴). C⁷oa⁴-ti⁴ qui³scoe¹ je² na³jño³jñcho³-le⁴, to⁴nca³ je² na³jño³jñcho³-le⁴ li²coi³ qui³tjon³ya³, to⁴ña³qui³ cji³jnc³-ni¹. ²⁴So³nta²do⁴ qui³tso²-le⁴ xi¹ncjin¹: Li²coi³ c⁷oe¹jnta² je² na³jño³jñcho³-le⁴, to⁴si⁴sca¹cao⁴-nia¹, ⁷ya³-la²xo¹ xi³ tjoe¹-le⁴, jme¹-ni³ c²oa⁴-s⁷in² coi⁴tjo³son²-ni³ je² xon⁴ Escritura xi³ c⁷oi⁴tso²: Qui³si³c⁷a³vi¹-le⁴ xi¹ncjin¹ na³jño³-na⁴, c²oa⁴ to⁴qui³si³sca¹cao⁴ na³jño³-na⁴. C⁷oa⁴qui³s⁷in³ so³nta²do⁴. ²⁵Ya⁴ tji¹t⁷a³-le⁴ cro²-le⁴ Jesús je² na⁴-le⁴ cao⁴ nti³chja³ na⁴-le⁴, María chjon⁴²-le⁴ Cleofas, cao⁴ María Magdalena. ²⁶C²ia⁴ nca³ Jesús tsa³ve³ na⁴-le⁴ cao⁴ je² cho⁴ta⁴-le⁴ xi³ Jesús cja¹nca³ tsjoa³que³ xi³ ya⁴ ti¹jna³, Jesús qui³tso²-le⁴ na⁴-le⁴: Chjon⁴², coe⁴-ni³ ⁷nti¹-li⁴. ²⁷C²ia⁴ qui³tso²-le⁴ je² cho⁴ta⁴-le⁴vi⁴: Coe⁴-ni³ na⁴-li⁴. Sa³⁷nta³ c⁷ia⁴-ni³ hora-ve⁴ je² cho⁴ta⁴-le⁴vi⁴ qui³scoe¹tjao² na⁴-le⁴ Jesús. ²⁸Xi³ coan³ je²-vi⁴, Jesús tsa³ve³ nca³ je³j³tjo³son² nca³yi³je³. C⁷oa⁴qui³tso², jme¹-ni³ nca³ xon⁴ Escritura coi⁴tjo³son²-si¹ni³: Fa³ti²-na³. ²⁹Ya⁴ ti¹jna³ jnc³ cho⁴tsin¹ cji³tse³

vinagre. C⁷ia⁴ qui³si³ca³⁷nchi⁴-ni³
vinagre jnco³ tsa⁴nca⁴, tsa³c⁷e¹jco³
jnco³ ya¹ hisopo, qui³si³ca²⁷a³ ts⁷oa³.
³⁰C⁷ia⁴ nca³ Jesús qui³ts⁷i³ vinagre,
c⁷oi⁴qui³tso²: Je³ji³tjo³son² nca³yi³je³.
Tsa³cjen²jten³ jco⁴. Qui³cha³jta³.

Qui³cha³ni²s²en³

ni³nta³ni⁴sin⁴-le⁴ Jesús

³¹Coi³ nca³ víspera-le⁴ s⁷oi¹ pa²xco⁴
cho⁴ta⁴ judíos tsa³c⁷e¹ts⁷oa³-le⁴ Pilato
nca³ ca²ta³cjo³t⁷ao¹ nca³so³-le⁴,
ca²ta³fa³⁷a¹xin² yao³-le⁴ Jesús cao⁴ xi³
nqui²jao²-ve⁴, jme¹-ni³ nca³ tsi² tsa²
je² yao³-le⁴ sa⁴tio²-si¹ni³ ya⁴t⁷a³ cro²
c⁷ia⁴ ni⁴chjin³ ni²cja¹ya³, nca⁴ coi³
ni⁴chjin³ s⁷oi¹je³. ³²Ja³⁷ai³ so³nta²do⁴,
qui³sco³t⁷ao¹ nca³so³-le⁴ je² xi³
ti¹tjon². Ti⁴c⁷oa⁴qui³si³cao⁴-ni³ je²
xi³jnc³ xi³ ña³tjen⁴ tsa³ca¹t⁷a³ cro².
³³C⁷ia⁴ nca³ ja³⁷ai³ ñña³ cji³t⁷a³ cro²
Jesús, tsa³ve³ nca³ je³c⁷en³. Li²coi³
qui³sco³t⁷ao¹ nca³so³-le⁴. ³⁴To⁴nca³
jnco³ so³nta²do⁴-ve⁴ qui³sca³ni¹s⁷en³
ni³nta³ni⁴sin⁴-le⁴ jnc³ qui⁴cha⁴ lanza.
Nti⁴ton⁴ ji³tjo³ njin¹ cao⁴ na³nta¹.
³⁵Je² xi³ tsa³ve³ je³qui³tsjoa³ en¹-le⁴,
c⁷oa⁴ je² en¹-le⁴ ñña³qui³ cjoa⁴qui²xi⁴-
ni¹. Je² ve³ nca³ ñña³qui³ en¹ xi³
cjoa⁴qui²xi⁴ xi³ nchja⁴, jme¹-ni³ nca³
c⁷oa⁴-ti⁴ jon² coan⁴cjain¹-si¹ni³no³.
³⁶Je² cjoa⁴-vi⁴ c⁷oa⁴coan³, jme¹-
ni³ nca³ coi⁴tjo³son²-si¹ni³ je² xon⁴
Escritura: Ni⁴jnc³-jin² ni³nta³-le⁴ xi³
tjo¹t⁷ao¹. ³⁷C⁷oa⁴-ti⁴ nqui²jnc³ xon⁴
Escritura c⁷oi⁴tso²: Je² sco¹tsen³-le⁴ je²
xi³ qui³sca³ni¹s⁷en³-le⁴ qui⁴cha⁴.

Qui³s²e³ñai³ Jesús

(Mt. 27:57-61; Mr. 15:42-47; Lc. 23:50-56)

³⁸Xi³ coan³ je² cjoa⁴-vi⁴, je² José
xi³ Arimatea ts⁷e⁴, cho⁴ta⁴-le⁴
Jesús xi³ tsa³c⁷a³mjen³⁷ma³t⁷a³-

le⁴, nca⁴ qui³tsa³cjon¹-le⁴ cho⁴ta⁴
judíos, tsa³c⁷e¹ts⁷oa³-le⁴ Pilato nca³
coan⁴ cjoa⁴⁷a²xin² yao³-le⁴ Jesús.
Qui³tsjoa³⁷nte² Pilato. C⁷ia⁴ José
ja³⁷ai³ tsa³cja³⁷a¹xin² yao³-le⁴ Jesús.
³⁹C⁷oa⁴-ti⁴ ji³cho² Nicodemo, je²
xi³ nca³s⁷a⁴ ji³cho²nch⁷oe² Jesús
nca³ coan³njon². Ji³cho²cao⁴
jnco³ xqui³ xi³ tji¹ts⁷o¹jin³ mirra
cao⁴ áloes, jnc³ ciento-la⁴ libra
tjin¹-ni³. ⁴⁰Qui³cao⁴ yao³-le⁴ Jesús,
tsa³ca¹jte¹jin³ sábana cao⁴ xqui³ xi³
nta³ njen⁴, jo³-s⁷in² ve³-ni³ cho⁴ta⁴
judíos nca³ v⁷e¹ñai³. ⁴¹Ya⁴ ⁷nte³ ñña³
nca³ tsa³ca¹t⁷a³ cro², tjin¹ jnc³ ⁷nte³
ñña³ nca³ cji³ tso³jmi²ntje². C⁷oa⁴ ya⁴
⁷nte³-vi⁴ qui³jna³ jnc³ tsjo¹cho⁴tse⁴,
ñña³ nca³ cje³ ⁷ya³-jin² c⁷en³ xi³
s⁷e³jna³ya³. ⁴²Ya⁴ tsa³ca¹ñai³ Jesús,
nca⁴ je² tsjo¹-ve⁴ qui³jna³chian³,
nca⁴ víspera-le⁴ s⁷oi¹ pa²xco⁴ xi³ ts⁷e⁴
cho⁴ta⁴ judíos.

Jesús ja³⁷a¹ya³-le⁴

(Mt. 28:1-10; Mr. 16:1-8; Lc. 24:1-12)

20 C⁷ia⁴ ni⁴chjin³ tai²nc⁴
nca³ je² María Magdalena
ja³⁷ai³ ya⁴ tsjo¹-ve⁴ nca³ ta⁴njon²,
nca³ ta⁴njon²ya³-sa³. Tsa³ve³ nca³
je³qui³tjo³xin² la⁴jao⁴-ve⁴. ²C⁷ia⁴
qui³to²ca³, ja³⁷ai³nch⁷oe² Simón
Pedro cao⁴ xi³ nqui²jnc³ cho⁴ta⁴-
le⁴ xi³ Jesús cja¹nca³ tsjoa³que³,
c⁷oi⁴qui³tso²-le⁴: Je³ts⁷a³sje²ñai³-ni³
tsjo¹-ve⁴ Nai³-na¹. Li²coi³ ²ya³³⁴-
jin⁴ ñña³ qui³ ca¹jna³. ³C⁷ia⁴ ji³tjo³
Pedro cao⁴ xi³jnc³ cho⁴ta⁴-le⁴ Jesús,
ja³⁷ai³ ja⁴tsjo¹. ⁴Ñña³tjen⁴ qui³to²ca³
nca³ jao², to⁴nca³ je² xi³ nqui²jnc³
qui³to²ca³ ti¹tjon²-le⁴ Pedro. Ji³cho²
ti¹tjon² ya⁴ tsjo¹-le⁴ Jesús. ⁵C⁷ia⁴
tsa³ca³sen²nia³, qui³sco²tsen³s⁷en³.
Tsa³ve³ je² na³ñño³nta³-ve⁴ xi³

ya⁴ cjo³, to⁴nca³ li²coi³ qui³s'en³.
⁶C'ia⁴ ji³cho² Simón Pedro xi³
 qui³tjen⁴nqui³-le⁴. Qui³s'en³ ja⁴tsjo¹,
 tsa³ve³ je² na³jño³nta³ xi³ ya⁴ cjo³.
⁷Je² na³jño³ xi³ qui³s'e³jte¹jín³ jco⁴
 Jesús, li²coi³ ya⁴ qui³jna³ cao⁴ xi³c'a³
 na³jño³nta³, to⁴xin² ti¹jna³xco¹ya³.
⁸C'oa⁴-ti⁴ c'ia⁴ qui³s'en³ xi³
 nqui²jnc³-ve⁴, je² xi³ ti¹tjon²
 ji³cho² ya⁴ tsjo¹-ve⁴. Tsa³ve³ c'oa⁴
 coan³cjain¹-le⁴. ⁹Cje³ ve³-jin² jo³
 tso² xon⁴ Escritura nca³ ma³chjen¹
 nca³ Jesús cjoa⁴⁷a¹ya³jín³-ni³le⁴
 c'en³. ¹⁰C'ia⁴ cho⁴ta⁴-le⁴ qui³-nca¹ni³
 nt'ia³-le⁴.

**Jesús va³co¹son²tsen³-le⁴ yao³-le⁴
 María Magdalena**

(Mr. 16:9-11)

¹¹To⁴nca³ je² María ti¹jna³
 nti³tsin³. Ti¹cji³⁷nta¹ ya⁴t'a³ tsjo¹.
 C'ia⁴ nca³ ti¹cji³⁷nta¹ tsa³ca³sen²nia³,
 qui³sco²tsen³s'en³ tsjo¹-le⁴
 Jesús. ¹²Tsa³ve³ jao² a²ncje⁴ xi³
 na³jño³choa³ y²a³cja¹, jnc³ xi³ ti¹jna³
 ya⁴jco⁴, jnc³ xi³ ti¹jna³nqui³ ntso⁴co⁴
 jña³ nca³ qui³ s'e³ñai³ yao³-le⁴ Jesús.
¹³A²ncje⁴ c'oi⁴qui³tso²-le⁴ María:
 Chjon⁴², a¹-ni³ ti³chi³⁷nta¹-si¹ni³.
 María qui³tso²-le⁴: Qui³cao⁴ je² Nai³-
 na⁴. Li²coi³ ve³ jña³ nca³ tsa³ca¹jna³.
¹⁴C'ia⁴ nca³ je³c'oa⁴qui³tso²,
 qui³si³c'o¹fa³ya³. Tsa³ve³ Jesús
 nca³ ya⁴ ti¹jna³, to⁴nca³ li²coi³ ve³
 tsa² je² Jesús. ¹⁵Jesús qui³tso²-le⁴:
 Chjon⁴², a¹-ni³ ti³chi³⁷nta¹-si¹ni³.
¹⁶ya¹-ni³ xi³ vi³jnchi³sjai³. María
 qui³si³cja³⁷ai³tsjen³, je²-la⁴
 cho⁴⁷nta³ xi³ si¹xa¹jín³ tso³jmi²ntje²,
 qui³tso²-le⁴: Señor, tsa² ji³
 c'in³coai⁴, c'oa⁴t'in²-nai¹³ jña³
 nca³ ji³ tsa³ca³jnai³. An³ cjo¹coa⁴.
¹⁶Jesús qui³nchja⁴-le⁴: María. C'ia⁴

qui³si³c'o¹fa³ya³ María, qui³tso²-le⁴:
 Raboni, xi³ Maestro tso²-ni³. ¹⁷Jesús
 qui³tso²-le⁴: A³li² ni²cao⁴-jin²nai¹³,
 nca⁴ cje³ fi³mi³con³-jin²le⁴ N'ai³-na⁴.
 Ya⁴ t'in³nch'oai²³ nts'e³, c'oa⁴t'in²-
 lai⁴: Ti²fi³mi³con³-le⁴ N'ai³-na⁴,
 c'oa⁴-ti⁴ je² N'ai³-no³, je² Ni³na¹-
 na⁴, c'oa⁴-ti⁴ Ni³na¹-no³. ¹⁸C'ia⁴ qui³
 María Magdalena, qui³si³cji³nch'o¹e¹
 cho⁴ta⁴-le⁴ Jesús nca³ tsa³ve³ Jesús,
 nca³ tsa³cja¹cao⁴ je² en¹-vi⁴.

**Jesús va³co¹son²tsen³-le⁴ yao³-le⁴
 cho⁴ta⁴-le⁴**

(Mt. 28:16-17; Mr. 16:14; Lc. 24:36-43)

¹⁹C'ia⁴ nca³ je³coan³xon² je²
 ni⁴chjin³ tai²nco⁴, tjio¹chjao²
 xo⁴ntjao⁴ jña³ nca³ tjio¹ cho⁴ta⁴-le⁴
 Jesús, nca⁴ qui³tsa³cjon¹-le⁴ cho⁴ta⁴
 judíos. Ja³⁷ai³ Jesús, tsa³ca³sen²jna³
 jin³va³sen³-le⁴, c'oi⁴qui³tso²-le⁴:
 Nch'an¹ ca²ta³s'e³-no³ nca³ jon²-vi⁴.
²⁰C'ia⁴ nca³ je³c'oa⁴qui³tso²,
 tsa³ca³co¹-le⁴ ntsja³ cao⁴
 ni³nta³ni⁴sin⁴-le⁴. Jo³ coan³tsjao³-
 le⁴ cho⁴ta⁴-le⁴ nca³ tsa³ve³ Nai³-na¹.
²¹Jesús ti⁴qui³tso²-nca¹ni³le⁴:
 Nch'an¹ ca²ta³s'e³-no³. Jo³-s'in² xa¹
 qui³si³ca³sen¹-na³ N'ai³-na¹, c'oa⁴-
 ti⁴s'in²ni³ si³ca³sen¹³-no³ nca³ an³.
²²C'ia⁴ nca³ je³c'oa⁴qui³tso²,
 qui³sco²na³jon³ c'oi⁴qui³tso²-le⁴:
 Chjao¹³ Espíritu Santo. ²³Je² xi³
 si⁴cha³t'a³-lao⁴³ je¹-le⁴, c'oa⁴-s'in²
 tjio¹cha³t'a³-le⁴. Je² xi³ tsi² si⁴cha³t'a³-
 lao⁴³, li²coi³ tjio¹cha³t'a³-le⁴.

Tomás li²coi³ coan³cjain¹-le⁴

²⁴To⁴nca³ Tomás, jnc³ xi³ te³jao²
 ma³-ni³, je² xi³ Dídimos 'mi², li²coi³
 ya⁴ ti¹jna³cao⁴ c'ia⁴ nca³ ji³cho²
 Jesús. ²⁵Je² xi³c'a³ cho⁴ta⁴-le⁴ Jesús
 c'oi⁴qui³tso²-le⁴ Tomás:

Ca²⁷ya³-ni¹⁴jin⁴ Nai³-na¹. Tomás qui³tso²-le⁴:

Tsa² tsi² tsa² scoe³ ntsja³ jña³ nca³ qui³sa³sen³s'en³ xo², c'oa⁴ tsa² tsi² tsa² sca³ni³s'en²³ na⁴jma¹ntsa⁴ jña³ nca³ qui³s'en³-le⁴ xo², c'oa⁴ tsa² tsi² tsa² sca³ni³s'en²³ ntsa⁴ ya⁴ ni³nta³ni⁴sin⁴-le⁴, li²coi³ coan⁴cjain¹-na³.

²⁶Xi³ coan³ jin³ ni⁴čjin³ ya⁴ tjio¹⁷ya³-nca¹ni³ je² cho⁴ta⁴-le⁴ Jesús. Tomás ti¹jna³cao⁴. Xo⁴ntjoa⁴ tjio¹chjoa², to⁴nca³ Jesús ja³⁷ai³, tsa³ca³sen²jna³ jin³va³sen³-le⁴, c'oi⁴qui³tso²:

Nch⁷an¹ ca²ta³s'e³-no³.

²⁷Nti⁴ton⁴ c'oi⁴qui³tso²-le⁴ Tomás:

Cha⁴ni²s'ain³ na⁴jma¹ntsa⁴ i⁴-vi⁴, cho¹tsen³-lai⁴ ntsa⁴, tja³ntoi³ ntsa⁴ i⁴-vi⁴, cha⁴ni²s'ain³ ni³nta³ni⁴sin⁴-na⁴. A³li² ni²ta²ja⁴jin³-jin², ca²ta³ma³cjain¹-li².

²⁸C'ia⁴ Tomás c'oi⁴qui³tso²-le⁴:

Señor-na⁴, Ni³na¹-na⁴.

²⁹Jesús qui³tso²-le⁴:

Co³ nca³ tsa³⁷ya³-nai¹³ Tomás, a³ coan³cjain¹-ni³li². Jo¹ to⁴nta³-ni³ je² xi³ tsi² tsa² an³ tsa³ve³-na³, to⁴nca³ coan³cjain¹-le⁴.

Je² en¹ tjio¹t'a³, jme¹-ni³ nca³ coan⁴cjain¹-si¹ni³na¹

³⁰Cjai¹nca³ to⁴ncjin²-sa³ choa⁴ qui³tsjoa³ Jesús ya⁴ nqui³xcon⁴ cho⁴ta⁴-le⁴, xi³ tsi² tsa² i⁴ tjio¹t'a³ je² libro je²-vi⁴. ³¹To⁴nca³ je² en¹ xi³ c'oi⁴-s'in² tjio¹t'a³, jme¹-ni³ nca³ coan⁴cjain¹-si¹ni³no³ nca³ Jesús, je² xi³ Cristo, je² nti¹-le⁴ Ni³na¹, jme¹-ni³ nca³ tjin¹-si¹ni³no³ cjoa⁴vi³jna³chon³ xi³ to⁴t'a³ts'e⁴ jan³⁷ain¹-le⁴, c'ia⁴ nca³ c'oa⁴-s'in² ma³cjain¹-no³.

Jesús va³co¹son²tsen³-le⁴ yao³-le⁴ ña³to³ cho⁴ta⁴-le⁴

21 Nqui²jnc³ c'²a² Jesús tsa³ca³co¹son²tsen³-le⁴ yao³-le⁴ cho⁴ta⁴-le⁴ ya⁴ntai³ nta¹chi³con³ Tiberias. C'oi⁴-s'in² tsa³ca³co¹son²tsen³ yao³-le⁴. ²Tjio¹ Simón Pedro cao⁴ Tomás xi³ Dídimo ²mi², cao⁴ Natanael, je² xi³ ts'e⁴ Caná xi³ nchja⁴-ni³ Galilea, cao⁴ xti³-le⁴ Zebedeo, cao⁴ nqui²jao²-sa³ cho⁴ta⁴-le⁴ Jesús. ³Simón Pedro qui³tso²-le⁴: Jti⁴ ti²fi³ si³c'en³. C'oa⁴-ti⁴ ti³ma³nquin¹cao⁴-lai²⁴jin⁴, qui³tso² xi³c'a³. Ji³tjo³, c'oa⁴ qui³s'en³ jnc³ chi³tso³. Je² ni⁴tjen⁴-ve⁴ ni⁴to⁴jme³-jin² xi³ qui³tjoe¹-le⁴. ⁴C'ia⁴ nca³ qui³s'e³sen¹ Jesús tsa³c'e²jna³ntai³ na³nta¹, to⁴nca³ je² cho⁴ta⁴-le⁴ li²coi³ tsen³ coan³-le⁴ tsa² je² Jesús. ⁵Jesús qui³tso²-le⁴: Xti³, a³ cje³ sa³co¹-jin²no³ jti⁴. Mai³, qui³tso²-le⁴. ⁶Jesús c'oi⁴qui³tso²-le⁴: Chjoao¹³ na⁴⁷ya³, cha⁴ni²jin³ntao¹³ ya⁴ nca³qui²xi⁴-le⁴ chi³tso³, c'oa⁴ sa⁴co²-no³. C'ia⁴ qui³sca³-ni¹jin³nta¹ na⁴⁷ya³-le⁴, li²coi³ coan³ qui³tjoe¹mi³-ni³le⁴ nca³ c'oa⁴-s'in² to⁴ncjin² ma³-ni³ jti⁴ xi³ qui³si³ncha³. ⁷C'ia⁴ je² cho⁴ta⁴-le⁴ xi³ Jesús cjai¹nca³ tsjoa³que³, qui³tso²-le⁴ Pedro: Je² ni¹ Nai³-na¹. C'ia⁴ nca³ qui³nčh'oe¹ Simón Pedro nca³ je² Nai³-na¹, tsa³c'e¹cja¹ na³jño³-le⁴ nca³ tsi² tsa² coi³ na³jño³ y'a³cja¹. Qui³sca³ni¹jin³nta¹ yao³-le⁴. ⁸Je² xi³c'a³ cho⁴ta⁴-le⁴ ja³⁷ai³cao⁴ chi³tso³ (nca³ tsi² tsa² coi³ cjin³ tjio¹jin³nta¹, čhian³ na³nqui³ ni¹, to⁴tjin¹-la⁴le⁴ tsa² jnc³ ciento metro). Tsa³ca¹jve³jin³ na³nta¹ na⁴⁷ya³ jti⁴-le⁴ xi³ n'ion¹ qui³tse³ jti⁴. ⁹C'ia⁴ nca³ je³ji³tjo³jen³-ni³

chi³tso³ ja⁴t³a³ na³nqui³, tsa³ve³ nca³
 ncha³ xo¹l¹i¹, jnco³ jti⁴ cji³chjan¹,
 c⁷oa⁴ tsa³ve³ nio⁴xti²la⁴. ¹⁰Jesús
 qui³tso²-le⁴: N³choa¹cao⁴³ je² jti⁴
 xi³ ca²tjoe¹-no³ nt⁷ai⁴-vi⁴. ¹¹C⁷ia⁴
 qui³s⁷en³ chi³tso³ Simón Pedro.
 Tsa³c⁷e¹jve³ na⁴⁷ya³-le⁴ t⁷a³na³nqui³.
 Jo³ ncjin² jti⁴ xi³ y⁷ai³ cjoan³
 cji³o³ya³, jnco³ ciento va³sen³ cao⁴-ni³
 jan² ma³-ni³, to⁴nca³ nta³ tsa² ncjin²
 ma³-ni³, li²coi³ qui³xi³jnta² na⁴⁷ya³.
¹²Jesús qui³tso²-le⁴: N³choa¹³,
 ti⁴cho³. Ni⁴⁷ya³-jin² cho⁴ta⁴-le⁴ xi³
 coan³n⁷ion¹con³ nca³ scoi⁴na³nqui³-
 le⁴: ⁷ya¹-ni³ ji³. Tsen³ coan³-le⁴ nca³
 je² Nai³-na¹. ¹³Ji³n³choa³ Jesús,
 qui³scoe¹ nio⁴xti²la⁴, qui³tsjoa³-le⁴.
 Ti⁴c⁷oa⁴qui³s⁷in³-ni³ cao⁴ jti⁴-ve⁴.
¹⁴Je²-vi⁴ coan³jan²c⁷a³-ni³ nca³
 Jesús tsa³ca³co¹son²tsen³-le⁴ yao³-le⁴
 cho⁴ta⁴-le⁴, c⁷ia⁴ nca³ je³ja³⁷a³ya²jjin³-
 ni³le⁴ c⁷en³.

Jesús tso²: Ti⁴coi²ntai⁴ va³rre²-na⁴

¹⁵C⁷ia⁴ nca³ je³tsa³cjen², Jesús
 qui³tso²-le⁴ Simón Pedro: Simón,
⁷nti¹-le⁴ Jonás, a³ nqui²sa⁴ tsjoa³cha³-
 nai¹³ cao⁴-ni³ tsa² je²-vi⁴. Pedro
 qui³tso²-le⁴: Jaon³, Señor, ji³ ⁷yai³
 nca³ tsjoa³que⁴-le²³. Jesús qui³tso²-
 le⁴: Ti⁴coi²ntai⁴ va³rre²⁷nti¹-na⁴.
¹⁶Jesús c⁷oa⁴qui³tso²-nca¹ni³le⁴
 nca³ ma³jao²c⁷a²-ni³: Simón, ⁷nti¹-
 le⁴ Jonás, a³ tsjoa³cha³-nai¹³. Pedro
 qui³tso²-le⁴: Jaon³, Señor, ji³ ⁷yai³
 nca³ tsjoa³que⁴-le²³. Jesús qui³tso²-
 le⁴: Ti⁴coi²ntai⁴ va³rre²-na⁴. ¹⁷C⁷ia⁴
 c⁷oi⁴qui³tso²-le⁴ xi³ coan³jan²c⁷a²-
 ni³: Simón, ⁷nti¹-le⁴ Jonás, a³
 tsjoa³cha³-nai¹³. Coan³va³-le⁴ Pedro
 nca³ coan³jan²c⁷a²-ni³ c⁷oa⁴qui³tso²-
 le⁴: A³ tsjoa³cha³-nai¹³. Qui³tso²-le⁴:
 Señor, ji³ xi³ ⁷yai³ nca³yi³je³ cjoa⁴,

ji³ ⁷yai³ nca³ tsjoa³que⁴-le²³. Jesús
 qui³tso²-le⁴: Ti⁴coi²ntai⁴ va³rre²-
 na⁴. ¹⁸N³qui³ cjoa⁴qui²xi⁴ ña³qui³
 cjoa⁴qui²xi⁴ xi³ xin³-le²³: C⁷ia⁴
 nca³ nqui²sa⁴-sa³ xti³ ti³soi³, ti⁴ji³
 qui³ch⁷a²cja¹-ni³ na³jño³-li⁴, c⁷in³ jña³
 nca³ coan³me³-li². To⁴nca³ c⁷ia⁴ nca³
 coan⁴jchi¹ncai³ cjoe¹nc⁷ai³ ntsai⁴,
 cja⁴⁷ai¹ xi³ si⁴²c⁷a³cja¹-li² na³jño³-
 li⁴, coi⁴cao⁴-li² jña³ nca³ li²coi³
 coan⁴me³-li². ¹⁹Coi³ c⁷oi⁴qui³tso²-ni³
 Jesús, nca³ c⁷oa⁴-s⁷in² qui³si³cho⁴ya³-
 le⁴ jo³-s⁷in² nca³ coi⁴ya¹, nca³
 c⁷oa⁴sje³je³ya³ Ni³na¹. C⁷ia⁴ nca³
 je³c⁷oa⁴qui³tso², t⁷in³tjen⁴nqui³-nai¹³,
 qui³tso²-le⁴ Pedro.

**Je² cho⁴ta⁴-le⁴ xi³ Jesús
 cjai¹nca³ tsjoa³que³**

²⁰Qui³si³c⁷o¹fa³ Pedro,
 qui³sco²tsen³-le⁴ nca³
 ti¹fi²tjen⁴nqui³-le⁴ je² cho⁴ta⁴-
 le⁴ xi³ Jesús cjai¹nca³ tsjoa³que³,
 xi³ tsa³c⁷e²jna³⁷t⁷a³-le⁴ Jesús c⁷ia⁴
 nca³ tsa³cjen² nca³ njion², xi³
 c⁷oi⁴qui³tso²-le⁴: Señor, ⁷ya¹-ni³ xi³
 sca⁴ni²t⁷a³-li². ²¹C⁷ia⁴ nca³ Pedro
 tsa³ve³ je² cho⁴ta⁴-vi⁴, c⁷oi⁴qui³tso²-
 le⁴ Jesús: Señor, c⁷oa⁴ je²-vi⁴, jme¹
 xi³ coan⁴-le⁴. ²²Jesús c⁷oi⁴qui³tso²-
 le⁴: Tsa² me³-na³ nca³ je² c⁷oe¹jna³
 jo³ sa³⁷nta³ nca³ cjoe²⁷e⁴, jme¹
 coi²nta⁴-li⁴. T⁷in³tjen⁴nqui³-nai¹³
 nca³ ji³. ²³Ji³tjo³jjin³-le⁴ nts⁷e⁴
 jnco³ en¹ xi³ tso² nca³ je² cho⁴ta⁴-
 le⁴ve⁴ li²coi³ coi⁴ya¹. To⁴nca³ Jesús
 li²coi³ c⁷oa⁴qui³tso² nca³ li²coi³
 coi⁴ya¹, to⁴nca³ qui³tso² tsa² me³-
 na³ nca³ je² c⁷oe¹jna³ jo³ sa³⁷nta³
 nca³ cjoe²⁷e⁴, jme¹ coi²nta⁴-li⁴.
²⁴Je²-vi⁴ je² cho⁴ta⁴-le⁴ Jesús xi³
 c⁷oa⁴-s⁷in² tsjoa¹ en¹ xi³ t⁷a³ts⁷e⁴
 nca³yi³je³ cjoa⁴-vi⁴. Je² qui³squi³

je² cjoa⁴-vi⁴, c⁷oa⁴ ⁷ya³-nia¹ nca³
 en¹-le⁴ cjoa⁴qui²xi⁴-ni¹. **25**C⁷oa⁴-
 ti⁴ cja¹nca³ to⁴ncjin²-sa³ cjoa⁴ xi³
 qui³s⁷in³ Jesús. Tsa² tji¹t⁷a³-la²sa³

xon⁴ nca³ jnc¹o¹jnc¹, an³ xian³ nca³
 ni⁴?i⁴-jin²la⁴ son³nte³ coan⁴ jcho¹ya³
 je² libro xi³ c⁷oa⁴-s⁷in² s⁷e⁴t⁷a³. C⁷oa⁴
 ca²ta³ma³.